

九經古義

禮記卷之六十一

祭義

金明

九經古義述首



漢人通經有家法故有五經師訓詁之學皆師所授其  
後乃著竹帛所以漢經師之說立於學官與經並行五經  
出於屋壁多古字古言非經師不能辨經之義存乎訓識  
字審音乃知其義是故古訓不可改也經師不可廢也余  
家四世傳經咸通古義守專室呻稿簡日有省也月有得  
也歲有記也顧念諸兒尚幼日久失其讀有不殖將落之  
憂因述家學作九經古義一書吾子孫其世傳之毋墮名  
家韻也惠棟識

九經古義

此書中有數條但錄注語而松崖自無改論予見數本皆同不知

其故後此有重刻此書者可以去之唐于夏四月癸丑晦悔卷識

九經古義目次

東吳惠棟學

男承緒校



周易古義

卷第一 卷第二

尚書古義

卷第三 卷第四

毛詩古義

卷第五 卷第六

周禮古義

卷第七 卷第八

儀禮古義

九經古義卷第一 目次

卷第九 卷第十

禮記古義

卷十一 卷十二

左傳古義

一名補注總四卷另編。文藻按左傳補注實六卷。

公羊古義

卷十三 卷十四

穀梁古義

卷十五

論語古義

卷十六

周易古義上



九經古義卷第一

說文曰秘書說日月為易象陰陽也虞仲翔易注引參同

契亦云字从日下月參同契曰易謂坎離又曰日月為易所謂秘書者參同之類也

坤初六象履霜堅冰陰始凝也案文冰當作久凝當作冰

余正釋器云冰脂也郭璞曰莊子云肌膚若冰雪冰

脂膏也孫炎本作凝脂云膏凝曰脂詩云膚如凝脂即

冰脂也古文尚書亦以冰為凝說文云凝俗冰字

六二直方大鄭注云直也方也地之性此爻得中氣而在

地上自然之性廣生萬物故生動直而且方能氏經說

云鄭氏古易云坤爻辭履霜直方含章括囊黃裳玄黃

協韻故象傳文言皆不釋大疑大字衍

周易古義卷第一

坤至柔而動也剛九家易曰坤一變而成震陰動生陽故

動也剛宋時臨安僧曇瑩云動者謂爻之變也坤不動

則已動則陽剛見焉在初為復在二為師在三為謙自

是以往皆剛也洪景廬以其言為善而不知漢易已有

是說矣

屯初九磐桓利居貞仲秋下旬碑作股桓釋文云本亦作

盤案古盤字皆作般與股同尚書盤庚蔡邕石經作般

此與漸六二磐字皆當作般郊志云鴻漸于般孟康曰般水涯堆也

上六泣血漣如棟案漣本波瀾之字說文引作漣或古从

立心篆書水心相近故誤為漣陸德明亦引說文而不

云字異明不從水旁淮南子引此經又作漣從省文詩毛

臧唐東云鄭注見禮記正義云方大尚無曰古者陽也是說不足信且其誤態氏已辯之矣

泣涕漣漣亦當从心連聲

蒙象曰匪我求童蒙童蒙求我高誘引云童蒙來求我釋文云一本有來字

初六以往吝說文引作遜云行難也棟案史書遜本吝字

見汗簡 此易經古文漢書魯安王晚節遜王莽傳性實遜

齊廣雅曰遜避也音良鎮反小顏云遜讀與吝同周伯

琦六書正譌云隣行難从人莽聲又謹選也別作遜非

是與說文漢書異

需象曰君子以飲食宴樂棟案歸藏易需卦之需作溲說

犬部云濡从犬需聲讀若溲奴豆切是需有溲音禮記儒行曰飲食不溲鄭氏

注云恣滋味為溲溲之言欲也故象言飲食宴樂左傳

周易古義卷第一

二

昭十五年傳云辱必求之吾助子請說苑敬慎篇云諂曰誠無垢思無辱

辱與垢協服虔曰辱欲也古文易不可攷然溲字不為

無說鄭氏注易云是讀為溲需讀為秀

九二需于沙鄭本沙作沘棟案沘當作沘與沙同說文云

沙水散石也从水从少水少沙見譚長說沙或作沘从

止穆天子傳云天子東征南絕沙衍辛丑天子渴於沙

衍求飲未至郭璞云沙衍水中有沙者沙見故象云需於沙衍

或以衍屬下句讀非也

訟上九終朝三褫之說文云褫奪衣也讀若池鄭康成本

作三挖之音徒可反棟案淮南人間訓云秦牛缺遇盜

挖其衣被高誘曰挖奪也是挖與褫字異而義同疑以

元監案備帛通字見說文則說不足違

道讀爲拖紳之拖楊慎以爲終朝三拖之以誇於人真

小兒強解事也拖紳之拖本  
作衲見說文

師貞丈人吉康成注云丈之言長能御衆有正人之德以

法度爲人之長吉而无咎王弼曰丈人嚴莊之稱也棟

案彖辭言能以衆正可以王矣此有天下之稱也謂之

丈人可乎易緯乾鑿度孔子曰易有君人五號也帝者

天稱也王者美行也天子者壽號也大君者與上行異

也大人者聖明德備也變文以著名題德以別操歷舉

五號獨不及丈人知丈人非王者之稱也崔憬曰子夏

傳作大人謂王者之師斯得之矣

比彖曰比輔也案鄭氏尙書云邶成五服至於五千說文  
同作

九經古義卷一

邶云輔  
信也注云敷土既畢廣輔五服之而成之面方各

五千里四面相距爲方萬里禹所受地記書曰崑崙山

東南地方五千里名曰神州禹邶五服之殘數亦每服

者各五百里故有萬里之界萬國之封比輔也輔成五

服此建萬國之象比比也有孚盈缶此親諸侯之象所

謂先王者其夏后氏乎

九五王用三驅鄭本作毆案說文驅馬馳也古文作毆从

攴漢書皆以毆爲驅康成傳費氏易費直本皆古字號

古文易當从之是正

小畜九五有孚攣如依字當作戀古戀字子夏傳作戀案

隸釋漢唐公所碑及景君碑皆以攣爲戀知古文戀字

盧杞經先西邶注見詩殿武正  
義無下兩字

作變也

履九二幽人貞吉虞翻曰訟時二在坎獄中故稱幽人象  
曰幽人貞吉中不自亂也虞云雖幽訟獄中終辨得正  
故不自亂荀卿音子曰公侯失禮則幽注云如晉文執衛  
成公宣諸深室禮說云今學者輒目高士為幽人非也  
九四愬愬終吉說文引作號號馬季長本同呂覽引作愬  
愬高誘曰愬讀如號

上九視履考祥丙子學易編云考祥古本或作考詳晁氏  
曰荀作詳審也文意尤順棟謂古祥字皆作詳石經尙  
書及左傳公羊猶然

泰九二包荒說文引作兪从川亾云水廣也釋文云本亦

九經古義卷一

四

作兪音同

鄭氏云兪讀為康虛也穀梁傳云四穀不升謂之康康是虛兪之名其義同也

六五帝乙歸妹虞翻以帝乙為紂父荀爽以帝乙為湯見本

傳易乾鑿度孔子曰自成湯至帝乙帝乙湯之玄孫之

孫也此帝乙即湯也殷錄質以生日為名順天性也玄

孫之孫外絕恩矣同以乙日生疏可同名湯以乙生嫁

妹本天地正夫婦夫婦正則王教興矣故易之帝乙為

成湯書之帝乙六世王同名不害以明功

同人九五同人先號咷而後笑毛居正六經正誤云後笑

作笑誤案笑字古作笑从八象眉目悅兒後轉作竹轉

作夭夭笑之兒夭本有黠省文作夭俗訛作笑東坡謂

以竹擊犬有何可笑者戲言以譏王荆公字說之穿鑿



元張果笑字云無所從錢先生  
云許謂卽爾雅笑刻云笑神  
以天況見漢書效吳

耳棟案笑字古文皆作笑說文無笑字李陽冰刊定說  
文始从竹从夭義云竹得風其體夭屈如人之笑故毛  
氏據以爲說非也古本漢書薛宣傳云壺矢相樂應劭  
曰以壺矢相樂也今本云壹矢相樂晉灼曰書篆形壺  
矢字象壺矢因曰壺矢然則笑爲古笑字審矣李陽冰  
多臆說吾所不取

謙亨君子有終子夏傳作嘽案漢書藝文志曰易之嘽嘽  
封禪文云嘽讓而弗發尹翁歸傳云溫良嘽退師古曰  
嘽古謙字史記樂書及馮煥殘碑皆以嘽爲謙汗簡云

象曰鬼神害盈而福謙京房作富謙後漢劉修碑亦云鬼

九經古義卷一

五

神富謙郊特牲云富也者福也

豫象曰四時不忒京房忒作貳尙書洪範曰衍忒史記引  
作貳管子曰如四時之不貳如星辰之不變皆古忒字  
月令云無或差貸貸卽忒也呂覽正作忒貸當爲貳字  
之誤

九四曰朋益簪侯果云朋从大合若以簪篆之固括也案  
士冠禮云皮弁筭鄭注云筭下之簪說文曰先首筭也  
从人匕象簪形俗先作簪从竹簪然則簪本作先經傳  
皆作筭漢時始有簪名侯氏之說非也子夏鄭玄張揖  
王弼皆訓簪爲疾或云速明非簪字陸德明曰古文作  
貳京作摺馬作臧荀作宗虞翻作戠云坤爲益戠聚會

也坎爲聚坤爲衆陰並應故朋益哉哉舊讀作摺

宗禮說曰哉與得協韻當从虞義

玉篇哉音之力切鄭氏尙書云厥土赤哉

墳讀曰熾

隨初九官有渝蜀才作館案官本古文館穆天子傳云官

人陳牲聘禮云管人布幕于寢門外鄭注云管猶館也

古文管作官

觀上九觀其生君子无咎京房曰言大臣之義當觀賢人

知其性行推而貢之京以觀之內象陰道已成威權在

臣故有是象

噬嗑象先王以明罰敕法釋文作勅恥力反云此俗字也

字林作勅鄭云勅猶理也一云整也毛居正六經正誤

九經古義卷一

六

云勅法監本誤作敕舊作勅紹興府注疏本建安余氏

本皆作勅伏觀高宗皇帝御書石經作勅法鄭康成解

勅爲理是漢以來作勅字也顧氏金石記云勅者自上

命下之辭前漢皆作敕後漢始變爲勅五經文字曰敕

古勅字今相承皆作勅郭宗昌金石史以爲從來芻力

別音賚今尙書皋陶謨益稷康誥多士詩楚茨易噬嗑

大象之文並作勅又何說也周禮樂師詔來瞽皋舞注

云來勅也勅爾瞽率爾衆工奏爾悲誦肅肅雍雍母怠

母凶鄭康成漢人也其訓來爲勅又何哉棟案訓來爲

勅此先鄭之言後鄭所不從顏氏以爲康成誤矣郭氏

訓勅爲賚蓋本張有復古編案秦和鍾云萬生是敕或

訓爲賴是敝亦可讀爲賴則敝亦非古字矣古字省多  
俗飭爲勅或作飾漢藝文志引易云明罰飭法史記五  
帝紀云信飭百官徐廣曰飭古勅字雜卦云蠱則飭也  
高誘呂覽注云飾讀  
爲勅勅正也雜俗兒

九四噬乾肺肺說文引作食食所遺也楊雄說食从肺

賁傅氏曰賁古斑字文章貌棟案高誘注呂覽曰賁色不  
純也詩曰鶉之賁賁張揖廣雅玉賁飾也曹憲音奔云

周易賁卦今人多彼寄反失之傅氏以賁爲斑未聞其

說京氏易傳云賁者失也五代不成謂之賁文彩  
雜也故孔子筮得賁卦以爲不吉詳見禮說

大畜六四童牛之牯劉歆曰牯之言角案牯爲牛馬牢非  
角也九家作告說文引云僮牛之告告者牛觸人角著

橫木所以告也从口从牛鄭本作牯謂施牯於前足是  
也鄭志洽剛問大畜六四童牛之牯元吉注與爲木互  
體震震爲牛之足足在艮體之艮爲手持木以就足是  
施牯又蒙初六注云木在足曰桎在手曰牯今大畜六  
四施牯于足不審桎牯手足定有別否荅曰牛無手以  
前足當之棟案釋名曰牛羊之無角者曰童大玄云童  
牛角馬明童牛者無角之稱童牛無角是牯施於前足  
許鄭二說近之今作牯者非也

大過九二枯楊生稊老夫得其女妻无不利象曰老夫女  
妻過以相與也此爻象辭及九五爻辭漢魏以來諸儒  
訓詁皆不得其說謹案易說曰凡卦皆二應五初應上

唯大過之象無所不過故二過應上五過取初兌少女稱女妻與長女稱老婦聖人觀象繫辭故有是占不然則過以相與之語果何所謂耶此說見虞仲翔易解獨闢從來謬妄愴宋元諸儒從未理會及此

坎六四樽酒簋二案樽俗尊字

鄭注禮器引作尊

或又作樽曹憲

文字指歸云檢字無此从缶从本者說文云字从酋寸酒官法度也今之尊卑從此得名故尊亦爲君父之稱棟案說文尊正字尊或字無酒官法度等語則知今本所傳說文非全書也

曹憲說見介正釋文

上六賓于叢棘范甯引云繼用徽纆

繫與繼通釋

語係繼也

示于叢

棘云古疑獄三年而後斷劉表亦作示言衆議於九棘

周易古義卷一

八

之下案示與賓古本通毛詩鹿鳴云示我周行鄭箋云示當作賓賓置也蓋三家或有作賓者故讀从之又卷耳詩有賓彼周行之語又鄭注中庸云示讀如賓諸河

子之賓賓置也或作賓或作示是字通之驗

後漢陳寵上疏云文

王重易六爻而列叢棘之聽

離利貞亨畜牝牛吉九家說卦云離爲牝牛虞翻曰坤爲

牝牛乾二五之坤成坎體頤養象故畜牝牛吉俗說皆以離爲牝牛失之棟案九家說卦如乾後更有四凶後更有八之類皆虞氏所不信故以離爲牝牛爲非然左傳卜楚丘曰純離爲牛離一陰居二陽之中中其能黃故六二謂之黃離牝牛之象畜之者育其類也與九家

合虞氏失之

離九四突如其來如焚如死如棄如說文引易曰突如其

來如不孝子突出不容於內也又云去不順忽出也周伯

琦六書正譌云去它骨切子不順生有去之義俗用突乃竈函也或从忝倒古文學卽

易突字鄭康成曰震爲長子爻失正不知其所如不孝

之罪五刑莫大焉得用議貴之辟刑若如所犯之罪焚

如殺其親之刑死如殺人之刑也棄如流宥之刑周禮

云凡殺其親者焚之匈奴傳云王莽佯焚如之刑應劭曰易有焚如死如棄如之言莽依此作刑名也如淳曰

焚如死如棄如者謂不孝子也不畜於父母不容於朋友故燒殺棄之莽依此作刑名也

咸九五咸其脢脢王肅音灰云脢在背而來脊案楚辭招

魂云敦肱血拇注云肱背也脢與脢同馬融亦云背也

九經古義卷一

九

从月友聲故音灰

上六咸其輔頰舌虞翻本輔作輔云耳目之間說文輔頰

也玉篇引左氏傳云輔重相依是輔與輔同輔近口在

頰前淮南子云靨輔在頰前則好耳目之間爲權權在

輔上故洛神賦云靨輔承權史九三壯于頄是也頰所

以含物輔所以持口孔穎達云輔頰舌三者並言則各

爲一物明輔近頰而非頰虞以權爲輔許以輔爲頰皆

失之大招云靨輔奇牙玉頰云頰有靨輔明輔非頰

上六象曰滕口說也鄭虞皆作滕虞云滕送也不得之三

山澤通氣故滕口說矣鄭云咸道極薄徒送口言語相

感而已不復有志於其閒棟滕當讀爲騰騰傳也淮南

子曰子產騰辭後漢隗囂傳云帝數騰書隴蜀高誘許慎皆訓騰爲傳滕本古文騰字燕禮曰滕觚于賓鄭注云滕送也今文滕皆作騰是滕與騰通又案釋詁云滕虛也以虛辭相感義亦得通

遯釋文云字又作遂案歸藏易遯卦字亦作遂毛詩雲漢

曰寧俾我遯本亦作遂漢書匈奴傳云遂逃竄伏敍傳述贊曰攜手遂秦小顏皆云古遁字說文遁遷也遯逃也

大壯九三羝羊觸藩羸其角馬融曰羸大索也王肅本作縲音螺鄭虞作纍蜀才作累張璠作蔓案說文纍大索也與馬訓同則羸當爲纍或古文以羸爲纍所未詳也

晉說文引作晉云日出萬物進周伯郟父鼎晉姜鼎皆然

九經古義卷一

十

今作晉者非也古文奇字作晉釋詁云晉進也釋文云本又作晉

康侯用錫馬蕃庶鄭氏云康尊也廣也蕃庶謂蕃遮禽也庶音止奢反棟案管子侈靡篇云六畜遮育五穀遮熟則蕃遮猶蕃育也

明夷六二用拯馬壯說文引作拊云上舉也子夏本同孔漢甕碑亦以拊爲拯李登聲類又作承玉篇淮南子曰子

路橙溺高誘曰橙舉也升出溺人說文云拊又作橙徐鉉曰今俗作拯非是列子黃帝篇曰並流而承之注云音拯方言出溺爲承

睽六三見輿曳其牛掣說文引作翹云一角仰也从角切聲鄭作掣云牛角皆踊曰掣子夏作契荀爽作觭虞翻曰牛角一低一仰故稱翹尔疋牛屬云角一俯一仰觭

臧在東曰鄭本爲遂蓋管于義  
爲聲庶忠爲誤天

字林音丘戲反云一角低一角仰樊光云傾角曰犄牛  
屬又云皆踊翹郭璞云今豎角牛釋文云字亦作犄字  
林音之女反从虞翻說當依荀氏作犄从鄭氏說當依  
尔正作翹張有復古編云翹从角犄省別作犄非翹从  
角犄故子夏傳作犄犄角一低一仰故荀爽作犄諸家  
無作犄者王弼以爲其牛犄者滯隔所在不獲進是讀  
爲牽掣之字失之

牛

玉篇翹或作犄或作犄从角折折與制通或从角或从牛是犄字當作犄

上九先張之弧後說之弧釋文云下弧字本亦作壺諸家

皆作壺今作弧者聲之誤也

虞仲翔曰五已變乾爲先應在三坎爲弧離爲大腹張

九經古義卷一

十一

弓之象也故先張之弧四動艮爲後說猶置也兌爲口

離爲大腹坤爲器大腹有口坎酒在中壺之象也之應

歷險以與兌故後說之壺案禮說云古說與設通虞翻

云猶置也離土與兌三陰相應而家道睽乖故先疑後

釋張弧者拒之如外寇

壺誤爲弧失其義矣楊子太玄曰家無壺婦承之始壺

者家之禮法故家無壺婦無以承姑妻無以事夫上九

六三婚葍之象始以爲寇也故先張之弧非寇乃婚葍

故後設之壺昏禮設尊於室爲內尊又尊於房中東爲

外尊此之謂設壺

解彖曰雷雨作而百果草木皆甲坼釋文云馬陸坼作宅

云根也鄭康成注云木實曰果皆讀如人倦之解解謂

坼火亞皮曰甲根曰宅宅居也棟案古文宅字作寔

與坼相似故誤作坼馬鄭皆从古文非改坼爲宅也

損曷之用二簋可用享簋蜀才本作軌棟案公食大夫禮

云設黍稷六簋于俎西鄭氏注云古文簋皆爲軌周禮

小史云敘昭穆之俎簋注云故書簋或爲几鄭司農云

几讀爲軌古文也說文曰古文簋或作甌或作杌蜀才

依古文故作軌又渙之九二云渙奔其杌杌亦古文簋

渙宗廟中故設簋

象曰君子以懲忿窒欲釋文懲作微鄭康成云微清也讀

從楚辭不清微其然否左傳襄廿七年云以微過也杜

九經古義卷一

十一

氏云微審也清微也案懲當作微讀爲懲古懲字皆作

微史記引詩荆荼是微今毛詩及孟子皆作懲非也

**史**九五莧陸史虞仲翔曰莧說也莧讀如夫子莧爾而

笑之莧陸和睦也震爲笑言五得正位兌爲說故莧陸

史舊讀言莧陸字之誤也馬君荀氏皆從俗言莧陸

非也棟案語語莞爾而笑莞本作莧見釋文邢昺撰論

語疏依唐石經作莞从俗作也古睦字亦作陸見唐扶

頌及嚴舉碑蜀才所訓與虞同

萃彖曰利見大人亨聚以正也荀爽本聚作取棟案古聚

字或作取或作取漢書五行志云取不達茲謂不知注

云取讀爲聚古文省



周易古義上

九經古義卷第一終

益都李文藻覆校

周易古義卷第一

十三



也从門吳非古  
義當只用吳字

上六象曰豐其屋天際翔也翔鄭玄王肅虞翻皆作祥孟

喜曰天降下惡祥也

中孚九二吾與爾靡之虞翻曰靡共也孟喜韓嬰皆訓靡

為其

既濟九三高宗伐鬼方汲郡古文云武丁三十二年伐鬼

方次于荆三十四年王師克鬼方氏羗來賓故商頌殷

武云撻彼殷武奮伐荆楚烝入其阻哀荆之旅竊疑周

之荆楚商時謂之鬼方古文所謂次于荆者蓋鬼方之

地也世本云陸終娶於鬼方氏之妹謂之女潰是生六

子其六曰季連是為羊姓季連者楚是荆楚故屬鬼方

九經古義卷二

二

有冥隘方城之險故詩言絜入其阻易言三年克之鬼

方克而氏人貢即詩所云有截其所也丙子學易編引

蒼頡篇云鬼遠也又云鬼方言其幽昧也皆不以地實

之此臆說也詩攻補傳云震用伐鬼方震摯伯名未知  
何據愚謂震奮也猶詩之奮伐不得以其

人實

繫辭上八卦相盪案說文盪為滌器當从諸家作蕩後漢

惟蔡湛碑以盪為蕩从俗作也釋名云蕩盪也排盪去  
穢垢也則知盪非古字

藏諸用鄭本作臧訓為善非也此與還藏於密知以藏往

皆當作臧讀為藏說文無藏字新附有漢書皆以臧為  
之非也

藏

聖人有以見天下之賾九家作冊京房許慎皆作嘖棟案

經蹟字皆當作噴後漢范式碑云探噴研機揚子太玄  
經云陰陽所以抽噴噴情也定四年左氏傳云噴有煩  
言賈逵曰噴至也正義云易繫辭云聖人有以見天下  
之噴謂見其至深之處噴亦淡之義也是古皆作噴釋  
名曰冊蹟也是冊與蹟通

言天下之至噴而不可惡也荀爽本惡作亞云次也棟案  
古亞字皆作惡尙書大傳曰王升舟入水鼓鐘惡觀臺  
惡將舟惡宗廟惡鄭康成注云惡讀爲亞秦惠王詛楚  
文云告于丕熯大神亞駟禮記禮器作惡駟宋時有玉  
印曰周惡父印劉原甫以爲卽條侯亞父史記盧縮孫  
他之封惡谷侯漢書作亞谷荀氏以惡爲亞故訓爲次

九經古義卷二

三

聖人以此洗心石經作先心虞翻曰聖人謂庖羲以著神  
知來故以先心諸家如京房荀爽董遇張璠范長生等  
皆作先心唯王肅及韓伯作洗心非也管子云聖人先

云黃帝曰先神先鬼先  
稽我智皆先心之謂也

備物致用立成器以爲天下利案成器謂罔罟耒耜之屬  
管子七法篇曰成器不課不用荀悅漢紀引易云立象  
成器非也

莫大乎著龜釋文大作善云本亦作莫大案何休注公羊  
漢書藝文志皆引作莫善儀禮疏同釋文是也賈公彥  
云凡草之靈莫善於著凡蟲之知莫善於龜中山江水  
出焉其中多良龜郭璞云良善也

盧氏言曰白虎通考殿篇疏先設路  
下四惡之

元聖家字海禮運篇注曰六作善  
共龜書字使傳序引作善於

乾坤其易之緼邪案緼者包裹之意穀梁傳云地緼於晉

虞翻本作韞云易麗乾藏坤故為易之韞

繫辭下聖人之大寶曰位孟喜本作大保保古寶字漢尚

方鑑云壽比金石之固保春秋莊六年齊人來歸衛俘

左傳俘作寶正義云案說文保从人采省聲古文保不

省然則古字通用寶或係字與俘相似故誤作俘

服牛乘馬說文引云犗牛乘馬从牛犗聲棟案犗與服古

字通春秋傳僖廿四年王使伯服游孫伯如鄭請滑史

記作伯犗後漢書皇甫嵩傳董卓謂嵩曰義真犗未乎

義作服趙世家云武靈王云今騎射之備近可以便上

黨之形而遠可以報中山之怨今戰國策云騎射之服

九經古義卷二

然則史記備當作犗也特牲饋食禮云備荅拜焉注云

古備為覆說文云紕車紕也或作犗从革犗聲是古備

字有服音伏字有犗音

不封不樹虞仲翔曰穿土稱封封古窆字也聚土為樹人

云以爵等為邱封之度與其樹數

檀弓云縣棺而封康成曰封當為窆

窆下棺也鄭仲師周禮遂人注云窆謂下棺時禮記謂

之封春秋謂之壙皆葬下棺也聲相似封音彼驗反說文曰

壙葬下土也从土朋聲春秋傳曰朝而壙禮記謂之封

周官謂之窆今讀易者皆作府容切失之

易者象也王伯厚曰昔韓宣子適魯見易象是古人以卦

爻統名之曰象故曰易者象也其意渙矣

元點按數卷標此年傳正馬傳翰  
無及者唐七任初字奇波添人司

元點按說文七部無妙字

說卦參天兩地而倚數鄭玄注周禮引作奇蜀才同棟案

倚本古奇字荀子大儒篇云倚物怪變楊倞讀為奇漢

書外戚傳欲倚兩女史記作奇方言曰倚奇也郭璞曰

奇耦參兩成五故云奇居宜切兩說文引作兩石經作兩

文王命厲鼎亦然兩乃斤兩字故漢定陶上林諸鼎皆

作兩杜子春周禮大祝注云奇讀為倚

妙萬物而為言者也妙王肅本作眇音妙董遇曰眇成也

棟案妙字近老莊語後儒遂有真精妙合之說當从王

子雍本作眇陸士衡文賦云眇衆慮而為言蓋用說卦

不作妙字此其證也義雲章妙字作妙見汗簡說文云妙急戾也从弦省少聲

震為龍虞翻本作駢云駢蒼色震東方故為駢舊讀作龍

九經古義卷二

五

上已為龍非棟案周禮犬人職云凡幾珥沈辜用駢可

也注云故書駢作龍鄭司農云龍讀為駢周禮皆以龍為駢是

古駢字皆作龍讀為駢

為專虞本作專云陽在初隱靜未出觸坤故專則乾靜也

專延叔堅說以專為專大布非也案專王肅音字干寶

云花之通名鋪為花兒謂之敷棟謂專當作專專古布

字見說文延篤說昞也張有復古編云專布也从寸甫

別作專非芳無切棟案秦銘勳鐘專字作專是秦以來

始从方也裴松之云古敷字與專相似寫書者多不能

別古敷字亦作敷从寸不从万汗簡云古文敷作專故或作專易經古文十不

存一閒有存者又經傳寫謬誤詁家不能博攷遺文

隨事釋義致使三代遺文普然莫攷是可惜也

其於稼也爲反生虞本作阪生云陵阪也陸績云阪當爲反棟案反古阪字前漢地理志蒲阪字作反劉寬碑陰同此當仍經文作反讀爲阪

𠄎爲寘髮釋文云寘又作宣虞翻曰爲白故宣髮馬君以宣爲寘髮非也棟案攷工曰車人之事半矩謂之宣鄭康成曰頭髮皓落曰宣易𠄎爲宣髮鄭易注云宣髮取四月靡草死髮在人體猶靡草在地

離爲乾卦鄭氏云乾當爲幹陽在外能幹正也董遇本作幹棟案列子云木葉幹殼張湛云幹音乾是乾與幹同音故或作幹

九經古義卷二

序卦云物不可窮也故受之以未濟終焉鄭玄注乾鑿度曰夫物不可窮理不可極故王者亦常則天而行與時消息不可安而怠危存而怠亾未濟者亦無窮極之謂者也

雜卦云大畜時也无妄災也萃聚而升不來也謙輕而豫息也怠京房作治虞翻作貽治與貽皆與時來協韻小顏匡謬正俗曰張平子東京賦云堅氷作於履霜尋木起於蘖栽昧且不顯後世猶怠況初製於甚泰服者焉能改裁李善以裁爲去聲協韻漢帝柏梁詩云日月星辰和四時梁王云驂駕四馬從梁來自斯已下同用一韻而執金吾云徼道官中禁惰怠又曹翔作後漢敬隱后頌述宋

氏之先云實先契而佐唐湯受命而創基二宗儼以久  
饗盤庚儉而弗怠是則怠懈之字通有苔音矣

盧先言眾仲亦音終伏轉  
眾作終九與極漢律傷各用  
懼功動銘云佳去今復若休天  
終中眾言見洪武釋律四

大有眾也苟爽本眾作終案士相見之禮曰凡與大人言  
始視面中視抱卒視面毋改眾皆若是注云眾謂諸卿  
大夫同在此者今文眾為終史記五帝紀曰怙終賊刑  
徐廣曰終一作眾是眾有終音故或作終也

惠棟曰自唐人為五經正義傳易者止王弼一家不特篇

次紊亂又多俗字如晉當為晉與當為與從說文垢當為

違從古乾確乎其不可拔繫辭確然示人易皆當作確

從說文或作確見鄭烈碑周伯琦曰坤初六象陰始凝

也凝乃俗冰字古冰字作欠見說文屯初九磐桓漸六二

九經古義卷二

鴻漸于磐皆當作般與盤同六二乘馬班如當作般從鄭本左

傳班馬之聲役將班矣古皆作般古文班匪寇婚媾當作昏毒從鄭上

六泣血漣如漣本瀾別字當作漣或省文作連師九二

象承天寵也當作龍從王古文寵毛詩藜蕭云為龍為

天之龍鄭箋云龍當作寵與邦協韻為邦韻比初六終來有他吉當作

它釋文宋九五用三驅當作毆古文驅履上九視履

考祥本作詳見釋文古祥字古文祥作詳又見泰初九以

其彙古文作曹釋文九二包荒本作兪說文同六四翩翩古

文作偏偏王弼本作篇篇今否九四疇離社當作畺鄭

本古文疇見說文豫六二介于石古文作砢釋文音孔之

悟易九四朋益簪古文作貳或作戠虞翻隨象君子以嚮

賦在東曰大戴禮作何文之寵鄭  
案本之



晦當作鄉从王肅古嚮字說卦嚮明而治同左傳皆以嚮爲嚮无妄彖天命

不祐當作右从馬融繫辭可與祐神同古祐字大畜六四童牛之牯

當作告从說文九家或作楛从木坎六三險且枕古文枕作

沈六四樽酒當作尊離九三日吳之離當作廂从說文今作長

亦譌豐彖日睽六三其牛掣當作劓从說文或作羶从鄭氏

上九後說之弧當作壺諸家皆然明夷六二用拯馬當作掛

从子夏說文渙初六同解彖甲坼當作甲宅从馬鄭陸諸家損二簋可用

享當作軌从蜀才據此則諸簋字皆當作軌古文簋禮注見儀損象德忿室

欲當作徵古懲字史九三壯于頄當作頰从鄭氏說文無頄字姤

象后以施命誥四方當作告从說文京房古文誥禮記注初

六羸豕孚蹢躅古文作躅躅音與商通逐與蜀古今字萃彖聚以正

當作取古聚字困六三據于蒺藜當作藜从唐石經上六龍

跪當作槩杙槩古文範杙見薛虞本豐初九遇其配主當作妃从鄭

虞既濟六四緇有衣柳古文作濡釋文繫辭八卦相盪當

從蕩从諸家藏諸用遐藏於密知以藏往皆當作臧从鄭劉諸

本聖人有以見天下之賾凡賾字皆當作噴乾之策當

作筴从釋文下同引而伸之當作信見釋文又詩正義亦引作信士相見禮注

云古文伸从信范甯穀梁解云信申字古今所共用律歷志云引者信也古伸字見韋昭外傳注聖

人以此洗心漢石經作先心諸家皆同唯韓伯作洗非乾坤其易之

緼邪當作韞从虞翻象也者像也像當作象从諸家以佃以

漁佃當作田从虞翻漁當作魚見釋文何休公羊傳亦云田魚讀如論語之語斷

木爲耜當作相从說文天地網緼當作壹壹从說文朱龜碑作壹緼或

九經古義卷二

作氤氲亦俗字張有復古編云壺從壺吉於悉切壺从壺凶於云切吉凶在壺中不得濺也別作氤氲又作網  
繼並因貳以濟民行當作式本副貳字古文二見說文爲

道也屢遷當作婁說文無屢字漢書皆以婁爲屢噫亦要存亾吉凶當

作意毛萇曰意歎也兼三才當作材石經又宋本下同說卦參天兩

地當作罔從說文兩本斤兩字妙萬物而爲言當作眇以王肅震

爲專當作專從延爲的類當作的從說文巽爲寡髮寡

當作宣離爲乾卦乾當作幹從鄭氏董遇作幹列子云木葉幹殼注云幹音乾

釋文所載古文皆薛虞傳氏之說必有據依鄭康成傳

費直易多得古字說文云其稱易孟氏皆古文虞仲翔

五世傳孟氏易故所采三家說爲多諸家異同動盈數

百然此七十餘字皆卓然無疑當改正者

九經古義卷二

九

或問曰子檀易經字數十餘條不幾近于僭乎荅曰某安

敢塗改聖經但據漢魏以來數十家傳易字異者而折

衷焉思以還聖經之舊存什一于千百耳卽如數十字

之外如噬嗑明罰勅法釋文云勅俗字當從飭史記五帝紀云

信飭百官徐廣曰古勅字繫辭掘地爲自掘當作闕如此類者尙多

但漢易已亾改之無據是用闕疑以俟來哲某跋蹈僭

妄之咎乎因賦一詩云漢元窮易已多門魏晉諸儒又

觸藩若使當年傳漢易王韓俗字久無存用以祛守殘

之陋

易經古文僅存者今人皆未之省或有失讀者如屯六二

象以從禽也從古縱字蒙再三瀆說文作贖云握持垢

也崔憬曰瀆古黷字需彖位乎天位上位字讀曰泄鄭

義穀梁傳曰泄者位也比九五失前禽失讀如馬牛風

失之佚古佚字皆作失見尚書攷小畜有孚攣如攣古戀字

中孚九今音力專反泰象財成古裁字荀爽隨初九官

有渝讀為管古館字復六三頻復厲古響字玉篇響字

下云易本作頻上六有災肯籀文裁明夷文王以之箕

子以之以讀為似從鄭氏古似字作以見詩攷史九四其行

次且讀為越起古文省始九二包有魚包讀為庖古文

省包義字從此鄭氏周禮庖人注九五以杞包瓜與匏

同并六四王用亨于岐山亨讀為享困象剛揜也古掩

字艮九四其形渥形本古刑字見揚震碑陰渙九二渙奔其

九經古義卷二

杌杌古文簋宗廟器賁卦之賁讀為杌明夷象用晦而

明而讀曰如從虞義蹇六四往蹇來連連讀曰輦從虞損

二簋可用亨亨許庚反從蜀才繫辭以佃以漁漁讀為語

高誘不封不樹封音彼驗反從虞氏說卦參天兩地而倚

數倚本奇耦字震為龍讀曰駢其于稼也為反生反讀

曰阪司馬溫公曰凡觀書者當先正其文辨其音然後

可以求其義可謂知言

凡經字誤者當仍其舊作某字讀若某所以尊經也漢時

惟鄭康成不輕改經文後儒無及之者如易大有九四

象明辨晷也鄭注云晷讀如明星晷暫繫辭言天下之

至噴而不可惡也言天下之至噴而不可亂也鄭于下

句注云噴當爲動勞而不伐有功而不置鄭云置當爲德晁氏曰案德古文類置字因相亂聖人之所以極深而研機也范式碑云探噴研機是古易皆作機鄭云機當爲幾幾微也今王弼本直作鄭所訓字失其本矣後儒謂鄭氏好改字吾未之敢信也

孔穎達易正義多衍字譌字及脫落字如乾卦不成乎名衍乎字文言曰坤至柔定本無文言曰三字屯象君子以經綸定本綸作論蒙象曰匪我求童蒙童蒙來求我脫來字需初九象利用恆无咎定本无咎二字衍泰九二象曰無往不復定本无平不破謙上六征邑國衍邑字剝六三剝之无咎衍之字鼎象聖人亨以享上帝定本上帝二字衍莫大乎蓍龜定本作莫善鮮不及矣定本鮮作眇上文君子之道鮮矣鄭作眇案汗簡眇本古文鮮字見顏黃門說文舟剝木爲楫剝當作桡剝當作桡說卦水火相逮定本水火不相逮雜卦豐多故也行也字

九經古義卷二

士

唐時有蘇州司戶郭京撰周易舉正三卷家無是書據洪氏隨筆所載二十餘則皆因王輔嗣韓康伯之注謬加增損今以李氏所錄漢易攷之乃知其妄如云屯六二象曰卽鹿无虞何以從禽也今本脫何字案從本古縱字故鄭康成黃穎皆音于用反古縱字作縱見隸釋不容闖入何字其妄一也師六五田有禽利執之无咎元本之字行書向下引腳稍類言字轉寫相仍故誤作言觀注義亦

全不作言字釋案虞翻曰田爲二陽稱禽震爲言五失位變之正艮爲執故利執言无咎荀爽曰田獵也謂二帥師禽五之利度二之命執行其言故无咎以言爲之信注而不信經其妄二也比九五象曰失前禽舍逆取順也今本誤倒其句案虞翻曰背上六故舍逆據三陰故取順不及初故失前禽二句各有取義以失前禽爲舍逆取順其妄三也賁亨不利有攸往今本不字誤作小案鄭康成曰卦互體坎艮艮止于上坎險止于下來震在中故不利大行小有所之則可矣虞翻曰小謂五五失正動得位體離以剛文柔故小利有攸往改小利爲不利其妄四也剛柔交錯天文也文明以止人文也

九經古義卷二

三

注云剛柔交錯而成文焉天之文也今本脫剛柔交錯一句案此四字是王氏釋天文也一句之義非經文也虞翻注謂五利變之正成巽體離艮爲星離日坎月巽爲高五天位離爲文明日月星辰高麗于上故稱天之文玩虞義全無以剛柔交錯爲天文之意其妄五也蹇九三往蹇來正今本作來反案虞翻曰應正歷險故往蹇反身據二故來反二在下故云反改反爲正其妄六也困初六象曰入于幽谷不明也今本谷下多幽字案荀爽曰爲陰所掩故不明刪去幽字其妄七也鼎象聖人亨以享上帝以養聖賢注云聖人用之上以享上帝而下以養聖賢今本文多而大亨三字故注文亦誤

增而大亨三字案虞翻曰大亨謂天地養萬物聖人養賢以及萬民此正釋大亨之義以爲誤增其妄入也豐九四象遇其夷主吉志行也今文脫志字案虞翻曰動體明夷震爲行故曰吉行若云志行不容不注其妄九也小過六五象曰密雲不雨已止也注陽已止下故也今本正文作已上故注亦誤作陽已上故止也案虞翻曰謂三坎水已之上上六故已上也鄭本作尙尙與上通上與長亢協改爲止其妄十也雜卦蒙稚而著今本雜誤作雜案虞翻曰蒙二陽在陰位故雜初雜而交故著改雜爲稚其妄十一也京云曾得王輔嗣韓康伯手寫注定傳授真本今所舉正皆謬悠荒唐唐若此不待閱

九經古義卷二

士

全書而知其贗矣中惟履霜陰始凝也君子以居賢德善風俗一見魏文帝紀注一見王肅易前人固已言之又姤九四包失魚因王注震象出可以守宗廟社稷上漆不喪七鬯四字中孚象豚魚信及也小過彖柔得中是以前可小事也既濟亨小小者亨也皆望文爲義亦無足取繫辭二多譽四多懼注云懼近也尤爲誕妄京創爲是書後儒晁昭德鄭漁仲之輩多有信而從之者不可以不辨

隋經籍志有卜子夏周易傳二卷殘缺梁有六卷七略云漢興韓嬰傳中經簿錄云丁寬所作張璠云或駢臂子弓所作薛虞記今所傳子夏易傳十一卷以釋文及李

氏集解校之無一字相合者案其文又淺近或曰唐人張弧僞作非也此書與郭氏易舉正皆宋人僞撰托之子夏郭京者唐時漢易尙存子夏書雖殘缺李鼎祚猶及采之宋以來經典散亡無可攷證故令二僞書傳於世遺誤至今有志於經學者急須辭而闕之

周易古義下

九經古義卷弟二終

順德張錦芳覆校

九經古義卷二

古

尙書古義上

九經古義卷第三

鄭康成書贊云孔子撰書乃尊而命之曰尙書尙者上也蓋言若天書然尙書緯璿璣鈴云因而謂之書加尙以尊之墨子明鬼篇云尙書夏書其次商周之書則尙字爲孔子所加信矣孔穎達爲僞孔氏作正義詁鄭氏之說以爲伏生傳書始加尙字其說非也

堯典曰若稽古帝堯鄭康成曰稽同也古天也言能順天而行與之同功孔安國曰若順稽攷也能順攷古道而行之者帝堯此說本賈侍中

安國傳晉人所撰托諸孔氏者

高貴鄉公

幸太學命講尙書帝問曰鄭玄云稽古同天言堯同於天也王肅云堯順考古道而行之二義不同何者爲是

九經古義卷三

一

博士庾峻對曰先儒所執各有乖異臣不足以定之然洪範稱三人占從二人之言賈馬及肅皆以爲順攷古道以洪範言之肅義爲長帝曰仲尼言唯天爲大唯堯則之堯之大美在乎則天順攷古道非其至也今發篇開義以明聖德而舍其大更稱其細豈作者之意邪桓譚新論曰秦延君能說堯典篇目兩字之說至十餘萬言但說曰若稽古三萬言當時堯典發篇聚訟若此宜後世異說之紛紛矣

欽明文思安安尙書攷靈耀云攷助欽明文思晏晏鄭康

成注云寬容覆載謂之晏介疋云晏晏溫和也棟案春秋齊景公安孺子古今人表作晏孺子是安與晏通釋

元數按漢書何敞傳敞字履是  
之書爲馬衍傳馬唐蒙之妻云  
吾懷注打攷靈耀文之案說文  
日部有晏字訓安



名云安晏也晏晏然和喜無動懼也

平章百姓史記作便章尙書大傳作辯章

索隱云今案下文作辯章

元監案漢書劉歆傳載在辯章百姓章懷注曰古書平列鄭注曰辯別也章明也又歐俗通最

云歲終史始辯秋宋作子鄭本

同又漢書武帝紀三年初作便

門捲師古曰即平門也古者平儀

皆同字又禮公家氏先廟碑

六月辯字字

辨古文作𠄎與平相似于部云古文平作𠄎孔氏襲古

文誤以𠄎爲平訓爲平和失之辨與便同音故史記又

作便汗簡云古文尙書平章字作𠄎玉篇同毛詩采菽

云平平左右左傳作便蕃毛萇曰平平辯治也服虔亦

云平平辯治不絕之見平亦當从古文作𠄎

鄭注云辯別也亦與

毛服義通

鳥獸萼尾史記作字微字與萼通微與尾通說文曰字者

言萼乳而侵多戰國策有尾生高高誘以爲魯人卽論

九經古義卷二

語之微生高也莊子或作尾或作微說文曰尾微也汗

簡云古文尙書字作萼是萼爲古文字也釋文云萼音

字案字本有萼音士冠禮字辭云昭告爾字讀爲滋與

宜之協釋名曰尾微也承脊之末稍微殺也古今人表

有尻生高尻生晦師古曰卽微生高微生畝也

平秩南訛史記作南譌司馬貞本又作爲云爲依字讀春

言東作夏言南爲皆是耕作營爲勸農之事孔氏強讀

爲訛字雖則訓化解釋亦甚紆回也棟案譌與訛古字

本通毛詩無莘曰或寢或訛韓詩作譌說文引詩云民

之譌言今正月詩作訛無莘傳云訛動也薛夫子云譌

覺也正月箋又訓訛爲僞僞亦與訛通故王莽傳又作

賦在東曰柳穀味也今古文王氏  
後案誤倒惠氏不誤  
九經校音惟東風謂之谷風漢  
書王莽傳作穀風

南僞古文尙書作僞索隱作爲者古僞字皆省文作爲見古文  
春秋左氏傳但此經詁字當與僞別淮南天文曰歲大  
早禾不爲高誘曰爲成也禾成於夏故云南爲此與東  
作西成皆言農事索隱本昆也

宅西曰昧谷今文尙書云度西曰柳穀臣瓚漢書注云穀案古文宅度同伏

生書傳云秋祀柳穀穀與谷通莊子云臧與穀二穀人相與牧牛崔譔本穀作谷鄭康

成云柳聚也齊人語賈公彥曰柳者諸色所聚日將沒

其色赤兼有餘色故云柳穀今鄭注尙書从古文作昧

谷故虞仲翔奏鄭解尙書違失事目言古大篆卯字讀

當爲柳古柳卯同字而以爲昧棟案史記亦作柳谷此

古文也鄭康成依賈逵所奏定爲昧谷故虞氏駁之管

九經古義卷三

子幼官篇言春三卯同事秋三卯同事說文曰卯冒也

二月萬物冒地而出象開門之形故二月爲天門古文

酉从卯卯爲春門萬物已出卯爲秋門萬物已入一閉

門象也故春言三卯秋言三卯柳卯同字日出于暘谷

入于柳谷西者隴西西縣之八充山一曰兌山秋門之象故

命居之

鳥獸毼毛說文引云鳥獸毼髦云毼毛盛也古文正作毼

張有復古編云毼从毛隹書曰鳥獸毼毛別作毼非汗

簡引尙書又作毼案毼與麋相似說文或从此髦古毛

字既夕記云馬不齊髦鄭注云今文髦爲毛古文尙書

毛皆作髦

盧先曰周禮司裘注中秋鳥獸  
毼也釋文也音毛與說文異

其工方鳩僇功說文引虞書曰勿逮又作倂又作倂功云逮

斂聚也與孔傳同疑古文鳩字作逮耳許慎馬融皆云

倂具也孔氏訓爲見史記又訓爲布案倂徐邈音撰許

馬說是孔訓非也尙書中如方鳩僇功方施象刑方告

無辜漢儒皆引作勿見白虎通論衡等書而方命之字仍作方讀

爲放孔傳于方鳩方割皆訓爲方方是讀如字棟謂方

當依字讀爲勿鄭注士喪禮云今文勿爲方是勿爲古

文方也薛宣季古文方字皆作 立政云方行天下亦讀爲勿傳云方四方非也

靜言庸違楚辭天問曰康回馮怒地何故以東南傾王逸

曰康回其工名也案鄭注尙書以爲其工名氏未聞先

祖居此官故以官爲氏然則楚辭所謂康回者卽書所

九經古義卷二

云靜言庸違也關書作請言王逸引書云淺淺請言公

羊亦云芟芟莫諍善言違與回通詩大雅云厥德不回毛

傳云回違也春秋傳晏子云君無違德下云若德回亂明違與回同

回邪辟也論衡引作回德回邪辟也故史記云其工善

言其用僻是訓違爲辟與回同也古庸字或作康故楚

辭言康回秦詛楚文云今楚王熊相康回無道董道釋

康爲庸是也或云康讀爲亢龍之亢謂亢極邪辟也

否德忝帝位史記作鄙德棟案鄙與否古通用論語曰子

所否者天厭之論衡引作鄙訓爲鄙陋之鄙釋名云鄙否也小邑

不能遠通與論衡合故陸氏釋文又音鄙益稷云否則威之徐邈

音鄙是正義曰否古文不字

元與按江氏錄書書公注說此條

甚簡而明

元與要在又六年傳請釋庸違

又案吳陸抗傳抗曰請潛庸回唐

書惟成

盧氏書曰說文微賤行也微也

序虞舜側微玉篇人部引作微云微賤也案古文微字皆

作𡗗見嬪氏鼎及𡗗變鼎說文亦然惟石鼓文作微

賓于四門鄭康成云賓讀為賓舜為上賓以迎諸侯案賓

為古文賓見儀禮鄉飲酒禮注穆天子傳云祭公賓喪

注賓贊禮儀又云內史賓侯注賓相史記蘇秦傳必長

賓之義作賓孔安國以為四方諸侯來朝者舜賓迎之

讀為賓容之賓非也見氏書說云寅賓出口謂測其出

之景而候之徐邈讀賓為賓是也古文賓通作賓孔

氏以賓為導亦讀曰賓近世乃為賓容之說非也

舜讓于德弗嗣徐廣曰今文作不怡史記作不懌怡懌也

李善文選注引書云舜讓于德不台台猶怡也漢書音

義云古文台作嗣案嗣與怡音義絕異毛詩子衿曰子

寧不嗣音韡詩作詒音古怡詒字皆省作台古嗣字皆

省作司高宗彤日王司敬民史記作王嗣敬民呂大臨

考古圖載晉姜鼎云余惟司朕先姑集古錄劉原父皆

釋司為嗣是司為古文嗣或古司台字相似因亂之也

台本音怡故史記自序

云唐堯遜位虞舜不台

在璿璣玉衡案京房易略例及周公禮殿記孟郁脩堯廟

碑皆作旋機孟郁碑作伏生書傳曰旋機者何也傳曰

旋者還也機者幾也繳也其變幾微而所動者大謂之

旋機是故旋機謂之北極其說與京房及漢碑字合

徧于羣神史記徧作辯漢樊毅脩西嶽廟記云辯于羣神

儀禮鄉飲酒禮云衆賓辯鄭康成云今文辯皆作徧是

元亞按台司音相近七字多同誤

春秋注他兵公平作嗣兵卷五

伊君子易嗣從說文公平引作台

急

盧氏書曰御覽九亦作微二亦刻

本大傳作微

九經古義卷三

辯爲古文徧爲今文也荀子脩身篇云扁善之度注云扁讀爲辨韓詩外傳曰君子有

辨善之度

輯五瑞史記作揖魏脩孔子廟碑亦云揖五瑞秦本紀曰

搏心揖志義作輯漢碑皆以揖爲輯馬融曰揖斂也與

孔訓同而字異古揖字有作輯者晉語曰君輯大夫就車舊訓輯爲揖漢書兒寬傳寬對曰陛

下統揖羣元臣瓚曰揖當作輯師古曰輯揖與集三字並同虞書曰揖五瑞是也其字从木瓚曰當爲輯不通

昆揖又作揖

歲二月云云何休公羊注引尙書曰歲二月東巡守至于

岱宗柴望秩于山川遂覲東后史記亦作遂協時月正日同

律度量衡脩五禮五玉三帛二生一死贄如五器卒乃

復五月南巡守至于南嶽如岱禮八月西巡守至于西

九經古義卷三

嶽如初十有一月朔北巡守至于北嶽如西禮還至嵩

如初禮歸假于禰祖尙書作藝祖馬王云禰也用特今古文尙書無

還至嵩如初禮六字姚方輿本云至于北嶽如西禮馬

融本作如初禮明上下有脫文今文尙書不可攷然何

邵公所引不爲無據也史記封禪書于岱宗之下又云中嶽嵩高也

協時月白虎通引作叶周禮大史讀禮書而協事後鄭云

故書協作叶杜子春云叶當爲協書亦或爲協或爲汁

又大行人協辭命故書作叶先鄭云叶當爲汁方言曰

協汁也黑帝汁光紀或作叶後漢帝堯碑以叶爲汁漢書載洪範

曰叶用五紀伏生書傳引書云不叶于極不麗于咎說

文曰叶古文協从日十或作叶从口

元無按部公所引當是今文

元無按部公所引當是今文

字史記白虎通考與合

元無按部公所引當是今文

方古叶叶也

黎民阻飢徐廣曰今文尙書作祖飢祖始也史記作始漢書作祖孟康曰黎民始飢命弃爲稷官古文言阻棟案古文祖字皆作且如祖乙貞盟和鐘文王命厲鼎師毀敵皆以且爲祖故會子曰祖者且也古文作阻者案儀禮大射儀云且左還鄭玄云古文且作阻是古文又以阻爲且衛宏韻古文異字其以此乎王肅曰阻難也馬融曰祖始也二說並通今文近之鄭玄曰阻讀曰阻厄也鄭尙書卽馬融本當云祖讀爲阻傳寫之誤也

敎胄子說文引虞書云敎育子云養子使作善也尅足曰育長也與孔馬同周禮大司樂云凡有道者有德者使敎焉鄭注云若舜命夔典樂敎育子今周禮注仍作胄

九經古義卷三

非也見釋文是鄭本尙書與說文同馬融書傳云胄長也育亦訓長見尅足字異義同鄭注尙書从馬本知馬本亦當作育周書王子晉曰人生而重丈夫謂之胄子胄子成人能治上官謂之士然則胄子猶國子與

分北三苗北讀爲別古文北字从二人別字重八八爪北

兆別字相似因誤作北說文於八部曰兆別也孝經說

曰上下有別又竹部曰小古文別許君學于賈逵達傳古文尙書必得其實虞翻曰鄭注尙書分北三苗北古別字又訓北言北猶別也若此之類誠可怪也棟謂北字似別非古別字又北與別異不得言北猶別也虞鄭皆失之

苗本一也分別流之故有三苗猶三危本一也分三苗分三危之地亦因分別而名蓋依三居

元照按引孝經說正當作兆  
作別引之何爲今說文誤

之法離絕之  
使不得通也

大禹謨惟影響依字當作景嚮劉向秦云神明之應應若  
景嚮是也鄒季友曰影古文作景葛洪始加多此天寶  
三載衛包改古文从今文時所易也棟案高誘淮南子  
注曰景古影字誘漢末人當時已有作景旁多者非始  
于葛洪字苑景旁从多已見顏氏家訓亦非衛包所改  
臯陶謨暨稷播奏庶艱食釋文云艱馬本作根云根生之  
食謂百穀棟案釋名云艱根也如物根也則是書本作  
艱訓爲根馬說是古艱字作艱古艱讀爲根  
見唐共頌

擾而毅徐廣曰擾一作柔字本作擾从牛彘聲玉篇云擾  
馴也尚書擾而毅如此春秋傳云乃擾畜龍應劭音柔

九經古義卷三

八

說文云擾牛柔謹也从牛彘聲又云瓊玉也从玉彘聲  
讀若柔管子地員云其木宜擾桑擾桑柔桑也字書皆  
音而小反非也徐邈音饒亦誤

予弗子釋文云子如字鄭氏音將吏反案樂記云易直子  
諒注云子讀如不予之子徐邈音子爲將吏反蓋從鄭  
讀列子說符篇云禹纂業事讎唯荒土功子產弗字過  
門不入云云列子之說蓋本尚書讀子爲字此在未焚  
書之前必得其實鄭氏之音非無據矣

禹貢滎波既豬傳云滎澤波水已成遏豬馬鄭本皆云滎  
播既都鄭云沈水溢出河爲澤衛狄戰在此地今塞爲  
平地滎陽民猶謂其處爲滎播棟案滎波當是一水名

周書職方云豫州其川滎雒其浸波澠孔氏以爲滎澤  
波水非也鄭於周禮注依尙書讀波爲播以滎播卽滎  
澤合爲一亦非

和夷底績鄭康成云和讀爲桓地志曰桓水出蜀郡蜀山

西南行羌中見史記及水經注案漢書酷吏傳云桓東少年塲

如亭曰陳留之俗言桓聲如和故桓表或謂之和表東

京賦云敘和樹表雙植謂之桓桓表是也四植謂之桓桓楹是也

嶠冢導漾史記及鄭本皆作瀆說文曰漾古文佺瀆地理  
志曰隴西氐道縣禹貢瀆水所出皆从古文孔氏佺漾  
非也

二百里男邦史記云任國漢諱邦改爲國棟案白虎通引書云侯

九經古義卷三

甸任衛佺國伯今酒誥佺男古男與南通皆訓爲任故

詩云燕燕于飛下上其音之子于歸遠送于南又云凱

風自南吹彼棘心沈重音南爲乃林反外傳周語曰鄭

伯南也先鄭司農注云南謂子男左傳昭十三年傳子

產云鄭伯男也賈侍中云男當佺南謂南面之君王肅

家語亦載子產語云男南古字通用鄭衆从左傳改南

爲男賈逵據外傳易男爲南可以知二字之相通矣白

虎通又云南之爲言任也故孔安國傳亦云男任也今

文尙書皆以任爲南太史公以訓詁易經文故亦爲任

正義云男聲近任故訓爲任

二百里蔡地里志曰二百里蔡刊誤曰蔡讀如蔡蔡叔之



蔡吳仁傑從之以爲當佗粦

序佗帝告史記告佗誥司馬貞曰一佗佗從先王居故佗

帝佗棟案告古文誥見禮記注尙書大傳殷傳有帝告篇引

書曰施章乃服明上下此逸書之猶存者索隱據孔氏

傳以爲帝佗別無所見

序湯既黜夏命復歸于亳佗湯誥論語云予小子履敢用

玄牡敢昭告于皇皇后帝孔安國注云此伐桀告天之

文墨子引湯誓其辭若此湯誓依墨子注當云湯祝疏云尙書湯誓

無此文而湯誥有之又與此小異棟案墨子兼愛篇云

湯曰惟予小子履敢用玄牡告於上天后曰今天大旱

卽當朕身履未知得罪於上下有善不敢蔽有罪不敢

九經古義卷三

十

赦簡在帝心萬方有罪卽當朕身朕身有罪無及萬方

卽此言湯貴爲天子富有天下然且不憚以身爲犧牲

以祠祝於上帝鬼神呂氏春秋九月紀云昔者湯克夏

而正天下天下旱五年不收湯乃以身禱於桑林曰余

一人有罪無及萬夫萬夫有罪在余一人無以一人之

不敏使上帝鬼神傷民之命於是翦其髮斷其手以身

爲犧牲用祈福於上帝民乃甚說雨乃大至尸子云湯

之救旱也素車白馬布衣身嬰白茅以身爲牲當此時

也弦歌鼓舞者禁之韓嬰詩傳亦言湯時大旱禱於山

川以六事自責汲郡古文云成湯二十年大旱禁弦歌

舞二十四年大旱王禱于桑林雨墨子呂氏皆見百篇

尙書故所載與論語同今湯誥篇絕無大旱請禱之事  
孔安國親傳古文其注論語不近攷尙書而遠引墨子  
竊所未喻

咸有一德七世之廟可以觀德呂覽引商書曰五世之廟

可以觀怪

怪字傳寫之誤

禮緯稽命徵曰唐虞五廟親廟四始

祖廟一夏四廟至子孫五殷五廟至子孫六

注云契爲始祖湯爲

受命王各立其廟與親廟四故六

孝經緯鈞命決曰唐堯五廟親廟四

與始祖五禹四廟至子孫五殷五廟至子孫六周六廟

至子孫七後魏書禮志云禮緯云夏四廟至子孫五殷

五廟至子孫六周六廟至子孫七注云言至子孫則初

時未備也緯書雖不可盡據亦以見夏商無七廟之文

九經古義卷三

七

漢書韋元成傳匡衡告謝毀廟曰往者大臣以爲在昔

帝王承祖宗之休典取象於天地天序五行人親五屬

天子奉天故率其意而尊其制是以禘嘗之序靡有過

五受命之君躬接于天萬世不墮繼烈以下五廟而遷

上陳太祖間歲而祫自唐以下皆當以五爲則呂氏在

焚書之前必得其實毛詩爾風曰七月鳴鵙王肅傳云

七當爲五古五字如七因訛爲之此經七字亦當作五

盤庚若顛木之有由彙由說文引作𣎵云木生條也古史

言由枿徐鍇曰說文無由字今尙書只作由枿蓋古文

省弓而後人因省之通用爲因由等字从弓象枝條華

函之形徐鉉曰案孔安國注尙書直訓由作用也用枿

徐卿曰尚官司寇有請去注訝  
迎也

之語不通棟案經傳由字皆訓為生毛詩序云由儀萬  
物之生各得其宜是由訓為生儀訓為宜春秋傳曰吉  
凶由人言吉凶生乎人也孔氏書傳晉人偽撰故从俗  
讀

子返續乃命于天小顏匡繆正俗云商書般庚云子御續

乃命於天詩鵲巢云百兩御之訓解皆為迎棟案此經

與牧誓弗返克奔皆當作御趙宋以來儒者見孔氏訓

御為迎遂改作返或衛包所改蔡氏撰書傳亦仍其謬嗚呼

古學之亾久矣吾誰與正之列子云鄭氏遇駭鹿御而擊之注御音訝迎也

爾謂朕曷震動萬民以遷蔡邕石經曰今爾惠朕昌祇動

萬民以遷棟案震與振同虞書震驚朕師史記作振又

九經古義卷三

士

祇振每通用皋陶謨云日嚴祇敬六德無逸云治民祇

懼史記皆作振內則云祇見孺子鄭玄云祇敬也或作振

說命釋文云說本又作兌禮記皆引作兌鄭氏云兌當為

說案周易以兌為說呂覽四月紀曰凡說者兌之也是

兌與說通

西伯戡黎釋文云伯亦作柏郭璞穆天子傳注云古伯字

多从木戡黎尚書大傳作戎者說文作戎黎云戎殺也

漢書載左氏傳冷艸鳩曰王心弗戎孟康曰古堪字今

左傳作堪釋詁云堪勝也郭璞注引書云西伯堪黎是

堪與戎同孔氏傳云戡亦勝也案說文戡訓刺非勝也

當从書傳作戎

微子天毒降災荒殷邦史記曰天篤下菑亾殷國漢平輿  
令薛君碑又以竺爲篤古毒篤竺三字皆通

我舊云刻子王子弗出論衡引微子曰我舊云孩子王子

不出言紂爲孩子之時微子睹其不善之性性惡不出

衆庶長大爲亂不變故云也

後世性惡之說本此

焦氏易林曰嬰

兒孩子未有知識彼童而角亂我政事說文曰咳小兒

矣也古文作孩从子

我不顧行遯釋文云顧音故儉仙民音鼓毛居正曰案顧

字禮部韻無上聲音當從一音用棟案商詩韋顧旣伐

古今人表作韋鼓是顧有鼓音緇衣云君子寡言而行

以成其信鄭注云寡當爲顧聲之誤是顧有上聲禮部

韻宋人所極焉識古音毛氏據以駁徐邈未之得也

尙書古義上

九經古義卷第三終

欽州馮敏昌覆校

尚書古義下

九經古義卷第四

泰誓見氏曰儒言尚書泰誓作大開元閒學士衛包受詔成今文尚書乃始作泰或以交泰為說真燕書哉棟案顧彪古文尚書義疏云泰者大之極也猶如天子諸侯之子曰大子天子之卿曰大宰此會中之大故稱泰誓虎字仲文隋煬帝時為秘書學士當時已改為泰非始於衛包繁陽令楊君碑大夫人字始作泰知大與泰異文始於後漢

雖有周親不如仁人王伯厚曰孔安國論語注言有管蔡為周親不如箕子微子之仁人與注尚書異書傳云紂至親雖多不如周家之多仁人朱文公集注從書傳棟案書傳本云少仁人故疏云多惡不如少善上云受有

九經古義卷四

一

億兆夷人是言至親之多子有亂十人今本亂下有臣字非王伯厚已辨是言仁人之少故論語引之以為才難

牧誓乃惟四方之多罪逋逃是崇是長是信是使谷永引書云四方之逋逃多罪是崇是長是信是使小顏以為今文泰誓之辭非也宗尊也故傳訓為尊春秋傳云師叔楚之崇也崇亦訓尊

元照按馬鄭所注大誓小顏猶及見之或與牧誓之同也其可定

弗迓克奔以役西土匡謬正俗曰牧誓篇云弗御克奔以役西土孔安國注云商眾能奔來降者不迎擊之徐仙民音御為五所反案御既訓迎當音五駕反不得音御案此則孔氏尚書本御訓為迎也史記及馬融本皆作禦王肅又讀御為禦非也古禦字作御古文春秋傳

皆然毛詩谷風曰亦以御冬毛傳云御禦也御又與

同大雅思齊曰以御于家邦傳曰御迎也鄭氏于鵲巢

箋亦訓御為迎曲禮曰大夫士必自御之注云御當為

訝訝迎也土昏禮注同春秋傳曰跛者御跛者眇者御眇者

皆訝也世人亂之但御雖為返訓詁家當依本字釋之

無直改經文之理唐石經亦仍其誤則知古文之亾久

矣毛傳訓御為迎蓋本尔正今釋詁仍作返者俗儒所竄易也

武成惟一月壬辰旁死魄張霸偽武成云惟一月壬辰旁

死霸說文曰霸月始生霸然也承大月二日承小月三

日从月靈聲周書曰哉生霸普伯切棟案古鐘鼎文魄

字皆作霸或省作兩公誠鼎云惟十有四月既死霸與

九經古義卷四

說文合周伯琦六書正譌云霸今俗作必駕切以為霸

字字而月霸乃用魄字非本義王霸字本伯月魄字

作霸其義始正鞏音膊兩濡革也从雨从革今薛宣古

文魄作𠄎𠄎古戟字未詳

至于大王肇基王迹王季其勤王家傳云大王修德以翦

齊商人始王業之肇迹王季纘統其業乃勤立王家棟

案孔說非也迹古績字言不宙失官社稷不守至於大

王光復祖宗始立勲績于王家王季以八命作牧勤勞

王家之事文王能繼成其勲周禮王功曰勲大膺帝命作西伯

以撫六州之衆也

洪範無偏無陂遵王之義蔡邕石經及尚書舊本皆作頗

賦在東曰極極賦漢石經尚書頗  
無偏無陂蓋誤記

唐玄宗詔曰每讀尚書洪範至無偏無頗遵王之誼三復斯文並皆協韻唯頗一字實則不倫又周易泰卦中無平不陂釋文陂字亦有頗音陂之與頗詁訓無別為陂則文亦會意為頗則聲不成文兼訪諸儒僉以為然終非獨斷宜改頗為陂乃宣示國學棟案此詔及匡謬正俗遵王之義義皆作誼故玄宗謂與頗字不協據周易改為陂楚辭曰脩繩墨而不頗王逸曰頗傾也易曰無平不頗楚辭與差協韻是古易本作頗故釋文又音破河反改頗為陂失所據矣說文言部云詖古文以為頗字音彼義切是頗有詖音古文作詖周禮典同云陂聲散注云陂讀為險詖之詖是陂與正與誼字協何不倫之有邪古義字皆作誼漢書

九經古義卷四

三

猶然鄭仲師周禮注云古者書儀但為義今時所謂義為誼是也吳才老以此經義字音俄謂與陂協而不知本是誼字顏師古又謂誼有宜音皆好古之過也史記呂覽

亦作義當是後人所改

無有作好遵王之道無有作惡遵王之路呂覽引云毋或作好遵王之道毋或作惡遵王之路高誘曰或有也古有字皆作或商書曰殷其弗或亂正四方多士云時乃或言爾攸居傳皆云或有也鄭康成注論語亦云或之言有也韓非子曰無或作利从王之指無或作惡从王之路文雖異然皆以或為有韓子呂氏皆在未焚書之前必有所據王伯厚以為述洪範而失之未盡然也說文

引商書曰無有佻姪玉篇作野云古文好字案石鼓文好字从孩好時鼎从好篆文女字似丑故或从左或从女文之異也周伯琦六書正論云政愛而不釋也从女丑聲別作好乃呼皓切

白蒙鄭王本皆作冪在曰驛之下史記亦然微子世家又作霧

與冪通介疋曰天氣下地不應曰冪孔傳曰蒙陰闇與

介疋合徐邈云蒙音亾鉤反明字本冪轉寫誤為蒙

耳張有復古編云震地氣發天不應从雨致俗作霧蒙鄭本又作蠱汗簡云古文尚書以蠱為蒙古文蠱作蠱从三虫今與虫同从三虫以為古文

蒙字非也當云古文作冪今文作蠱

曰驛傳云氣落驛不連屬棟案驛古文作悌今文作圜鄭

氏齊詩箋云古文尚書以悌為圜孔穎達曰古文尚書

即今鄭注尚書也賈逵以今文校之定以為圜故鄭依

賈氏所奏从定為圜史記作涕涕即悌也古書篆字作

九經古義卷四

四

立心與水相近讀者失之故誤从水見鄭氏易注大史公从

孔安國問多得古文之說故作悌後人轉讀遂為涕也

說文曰圜讀若驛今尚書作驛是又襲今文而失之同

烏相如傳云見盛闇憚闇憚憚也亦發明之意

凡七卜五占用二衍忒劉昌詩云乃命卜筮曰雨曰霽曰

蒙曰驛曰克曰貞曰悔凡七卜五占用二衍忒讀者皆

以占用二作一句史記宋世家載箕子之對謂卜五占

之用二衍忒鄭玄注曰卜五占之用謂雨霽圜冪克也

二衍忒謂貞悔也兆卜之名七龜用五易用二然則卜

五占者用之衍忒則非占也尚書省去之字合以占用

為一句二衍忒為一句則義理明矣



盧先王曰水戴禮帶繫高氏在青陽氏在朔日虎通宗族篇引禮惟氏三族之不處皆以此為是許則吉曰漢蒗陰令後遺頌張是輔漢者戴其德張是即張氏也  
*心無枉三國志注許芝所引易皆易得也流儒據成後致未當可*

盧先王曰今本白虎通無此文見曲禮正義引 晏御覽元引云負于者請復于氏今不復于之也

五者來備王伯厚曰史記作五事來備後漢書荀爽傳云

五躔咸備注躔是也李雲傳云五氏來備棟案經文曰

時五者來備時是也言是五者皆備至也孔氏以日時

二字屬上句與漢儒所受尚書異讀後人遂以五是為

傳習之譌非也是又作氏者觀禮曰大史是右注云古

文是為氏曲禮曰五官之長曰伯是職方法注云是或為

氏漢書云造父後有非子至玄孫氏為莊公小顏曰氏

與是同古通用字 古文引經或从簡略時五者來備則云五是來備易坤之初六履霜堅冰

至象曰履霜堅冰陰始凝也三國志注引云初六履上霜陰始凝也後人遂以堅水二字為衍文可謂無識

經云立時人為卜筮此云時五者來備皆訓為是

金滕是有丕子之責于天鄭注尚書曰不讀曰不愛子孫

九經古義卷四

曰子史記作負子 索隱引鄭注云不讀曰負誤也棟案白虎通曰天子

曰不豫言不復豫政也諸侯曰負子子民也言憂民不

復子之也公辛傳曰屬負茲禮記音義隱曰天子曰不

豫諸侯曰不茲大夫曰犬馬士曰負薪然則負子即不

茲也負與丕音相近 負讀為陪禹貢陪尾史記作負尾 子又與茲同諸

說不一鄭氏為長益稷曰子不子故鄭讀从之孔訓丕

為大義所未安

惟朕小子其親逆鄭注云新迎改先時之心更自新以迎

周公鄭所傳古文尚書乃馬季長本訓親為新禮記在

親民程子曰親當作新蓋本先儒之說熊氏朋來作經

說以為漢儒擅改經字加以音釋惑人若大學親民親

作新則非漢儒所及待河南程子而後能言之真夏蟲之見也馬本亦作親迎鄭于東山箋亦言成王既得金滕之書親迎周公而注仍訓爲新蓋古親與新同也

子造天役王莽作大誥云子遭天役案史記甫刑云兩遭

具備今尙書作造文侯之命云嗣造天不愆孔傳亦訓爲遭

序周公既得命禾旅天子之命史記云魯天子之命孔穎

達春秋正義云石經古文魯作表說文曰表古文旅古

文以爲魯衛之魯蓋古旅字魯字皆作表故旅字亦作

魯秦和鐘曰以受毛魯多釐董道曰魯古文旅秦時已

誤魯爲旅司馬夔秦舊文故也

康誥王曰嗚呼封敬明乃罰人有小罪非胥王符潛夫論

九經古義卷四

云康誥云王曰於戲封敬明乃罰人有小罪匪省

酒誥盡執拘以歸于周拘說文引作柯云柯橋也从手可

聲棟案可句字異古文未有通用者說文解字敘云廷

尉說律至以字斷法苛人受錢苛之字止句也不合孔

氏古文然漢時可句亦有通用者

梓材戕敗人宥王啟監厥亂爲民今文尙書曰疆人有王

開賢厥率化民王充曰言賢人壯疆於禮義故能開賢

其率化民棟案古宥字或作宥古有字皆作又王制曰王三又然後制刑鄭注

云又當作宥管子開本啟字避漢帝諱故作開以亂爲

率以爲爲化古貨字作贖訛字作譌或古今文之異如

此正義云鄭注古文篇與夏侯等同而經字多異夏侯等書宅囙夷爲宅囙鏹昧谷曰柳谷心腹腎腸曰夏

元經古義卷四

賢賜劓則劓剝云贖官劓  
劓頭庶剝是鄭注不同

無胥戕無胥虐至于敬寡至于屬婦合由以容孔鮒云幸  
婦之賤者謂之屬婦屬逮也逮婦之名言其微也說文  
引云至于嫗婦嫗婦妊身也案廣韻引崔子玉清河王  
誄云惠於嫗孀則嫗非妊身也

洛誥無若火始燄燄梅福上書成帝曰書曰毋若火始庸  
庸勢陵於君權隆于主然後防之亦無及矣注云庸庸  
微小兒也今洛誥作燄燄傳云火始然燄燄尙微愚謂  
燄燄猶炎炎也古燄字皆作炎炎勢盛不得謂始然  
佗庸庸者是庸庸猶熒熒大公六韜云熒熒不救炎炎  
奈何亦此意也

九經古義卷四

七

序成周既成遷殷頑民史記作遺民賈侍中亦以爲遷鄆  
鄆之民於成周皆古文尙書說也陳亮曰臧哀伯云武  
王克商遷九鼎於雒邑義士猶或非之義士卽多士所  
謂遷殷頑民者由周而言則爲頑民由商而論則爲義  
士矣周書作雒曰俘殷獻民遷于九畢孔晁云  
賢民士大夫也九畢成周之地近王化也

無逸書大傳作毋逸論衡同史記作無佚案漢石經逸字皆

佗佚漢書猶然王伯厚曰母者禁止之辭其義尤切棟  
案儀禮士昏禮云夙夜毋違命注云古文母佗無史記  
從古文故亦佗無母與無古今字非有兩義

乃或亮陰三年不言其惟不言言乃雍正義引鄭氏注云  
其不言之時時有所言則羣臣皆和諧坊記引此云三

元聖按廣雅四釋詁字重疑  
嬗傳也

盧先言曰今本傳作無佚

年其惟不言言乃謹魯世家載無逸篇與坊記同裴駘載鄭氏注云謹喜悅也言乃喜悅則民臣望其言久矣棟案史記所載者伏生所傳今文尚書也鄭氏之注不與正義同者當在書大傳中後所注者乃賈氏所傳古文尚書也能朋來經說云坊記言乃謹之注但知有說命之書不知其爲無逸之文妄稱爲謹說之謹不知本文當爲雍作釋文正義者從而遂非傳說尤爲可恨能氏不攷尚書古今文之異而妄下雌黃亦可謂無忌憚矣

自朝至于日中吳不遑暇食遑當依國語作皇左傳皆以皇爲遑靈臺碑云日稷不夏稷與吳同許易古義依字當作廂鄭本

九經古義卷四

八

尚書多方云天惟五年須夏之子孫注云夏之言暇是

夏與暇通詩正義尚書大傳夏之言假也古假借字止作段暇从日段聲故暇亦作夏

則皇自敬德蔡邕石經皇作兄自作曰上文無皇曰同正

義云王肅本皇作況秦普云我皇多有之公羊傳載云而況乎我多有之亦以王爲況蔡

邕王肅所載皆古文尚書也況滋益用敬德也兄本古況字樊毅碑況作兄

管子書皆以兄爲況漢書尹翁歸字子兄注云兄讀曰況桑柔詩云倉兄填兮召旻云職

兄斯引傳皆云兄滋也釋文兄音況本亦作況

君奭說文曰奭召公名讀若郝史篇名醜案奭與奭相似

說文云罍古文以爲醜字皆从明故史篇以爲召公名

醜

惟人在我後嗣子孫大弗克恭上下遐佚前人光漢書王

莽傳引云嗣事子孫大不克其上下過失前人光棟案古佚字皆作失外傳周語云淫失其身管子山國軌曰未淫失也秦詛楚文曰淫失湛亂董道訓失爲佚春秋經曰肆大眚梁傳云肆失也失猶逸也逸與佚同謂逸囚也公芋經齊侯使國佐如師傳云佚獲也釋文曰佚一本作失莊子書皆以失爲佚漢書地理志云漢中淫失枝柱與巴蜀同俗杜欽傳書云或四三年言失欲之生害也小顏云失讀曰佚主父偃傳云齊王內有淫失之行游俠傳云遂行淫失皆作佚也

序成王東伐淮夷遂踐奄伏生書傳云遂踐奄踐之者籍之也籍之謂殺其身執其家豬其官史記踐作殘周禮大司馬云放弑其君則殘之逸禮王霸記云殘滅其爲惡

九經古義卷四

九

多方乃惟爾辟以爾多方大淫圖天之命屑有辭案多士言桀大淫泆有辭釋文云泆又作佾注同馬本作屑云過也棟謂屑當作屑與佾相近故誤作佾說文云屑動佾切切也蔡氏以爲瑣屑有辭孔氏又訓屑爲盡皆未當屑裴光遠集綴又作佾見汗簡

立政灼見三有俊石經作會心灼說文引作焯云明也从火卓

聲案觀禮匹馬卓上九馬隨之鄭注云卓讀如卓文君之卓猶酌也是卓有灼音故云从火卓聲汗簡云古文

尙書灼作焯

予且已受人之微言蔡邕石經曰且以前人之微言論語

撰成讖曰子夏六十四人共撰仲尼微言漢書藝文志

云昔仲尼沒而微言絕小顏曰精微要妙之言唐石經亦作微

孔傳以爲美言

以觀文王之耿光杜林說耿光也从光聖省聲說文曰凡

字皆左形右聲杜說非也棟案蔡邕石經作鮮光故許

氏不從其說外傳曰其光耿于民矣杜伯山傳漆書古

文必得其實作鮮光者非也王逸楚辭章句云耿明也光也

周官以公滅私說文云公姦姦也公平分也从八从厶

猶背也韓非曰蒼頡作字自營爲厶背厶爲公

君陳汲郡古文云成王十一年王命周公治東都沈約

九經古義卷四

案周平公即君陳周公之子伯禽之弟鄭康成注坊記

云君陳蓋周公子

序康王既尸天子遂誥諸侯史記作告鄭氏緇衣注云告

古文誥

呂刑苗民弗用靈制以刑惟作五虐之刑曰法墨子引云

苗民否用練折則刑惟作五殺之刑曰法禮記緇衣引

曰苗民匪用命制以刑否古不字否用練未詳或傳寫

之誤折與制古字通古文論語云片言可以折獄魯論

折作制虐與殺亦通見春秋破

皇帝哀矜庶戮之不辜王伯厚曰皇帝始見于呂刑趙岐

注孟子引甫刑曰帝清問下民棟案孔傳云君帝帝堯

元照按堂陳錄相送

戴名世曰周學紀開引孟子注疏  
皇帝今本注疏有之行文也  
孔氏訓皇為君王義外釋註皇君

也是孔氏本作君帝

告爾祥刑後漢書劉愷傳引作詳刑鄭康成周禮注云詳

曰度作詳刑以詰四方又鄭書注云詳審察之也則知

古文本作詳詳與祥古今字易履上九曰視履考祥釋

文云本亦作詳此經當依古文作詳訓為祥下經監于

茲祥刑同尚書君奭云其終出于不祥  
祭鬯石經云其道出于不詳

惟貨惟來釋文云來馬本作求云有求請賊也漢律云諸

為人請求於吏以枉法而事已行者皆屬司寇說文曰

賕以財物枉法相謝也从貝求聲棟案漢盜律有受賕

之條即經所云惟貨也又有聽請之條即經所云惟求

也孔氏本作來以為舊相往來義反紆回矣

九經古義卷四

其罰百鍰鍰史記作率徐廣曰率即鍰也音刷說文作鍰

云錡也索隱曰舊本率亦作選漢書蕭望之傳張敞曰

甫刑之罰小過赦薄罪贖有金選之品應劭曰選音刷

金銖兩名師古曰字本作錡錡即鍰也蓋古文作鍰今

文作選五經異義云夏侯歐陽說云墨罰疑赦其罰百

率古以六兩為率古尚書說百鍰鍰者率也一率十一

銖二十五分銖之十三也百鍰為三斤鄭氏以為古之

率多作鍰周禮職  
金疏考功記冶氏云重三錡注鄭司農云

錡量名也讀為刷元謂許叔重說文解字云錡鍰也今

東萊稱或以大半兩為鈞十鈞為鍰鍰重六兩大半兩

鍰錡似同矣則三錡為一斤四兩說文云錡十銖二十  
五分也周禮

曰重三錄北方  
以二十兩爲錄

上下比罪棟案漢時有決事比益取則于古

元韻茶玉篇五茶聲同

費誓說文云周書有萊誓從米北聲廣韻借萊从米比聲

云魯東郊地名此據孔氏本言之則知古文本作萊

駟謂尙書作柴字之誤也鄭氏注周禮雍氏禮記曾子問皆引作柴誓

序東郊不開唐石經初刻開作闕匡謬正俗又作闕云古

闕字馬本亦作闕釋文云闕舊讀皆作闕小顏以爲孔

氏釋云東郊不開不得徑讀闕爲開案說文虞書闕四

門作闕从門从林此經闕字亦當從說文作闕唐石經

作闕者衛包改从今文也宋以來直作開字非也

秦誓日月逾邁若弗云來正義曰員卽云也是尙書本作

九經古義卷四

員衛包改古文始从云詩出其東門云聊樂我員釋文

曰員本作云詩正月云昏姻孔云本又作員商頌曰景

員維河鄭箋云員古文作云言古文以員爲云也

惟截截善諠言說文引云彘彘巧言又言部引云截截善

諠言公羊云諶諶善諠言賈逵國語注云諶諶巧言也

王逸引書云諶諶靖言漢書李尋傳云昔秦穆公說諶

諶之言任仡仡之勇案此則古文作截截今文作彘彘

也

惟截截善諠言俛君子易辭公羊云惟諶諶善諠言俛君

子易怠案說文籀文辭从台史記三王世家齊王策云

俛君子怠與公羊合此古文尙書也

元韻樓台台同字互通本引說文心韻  
辭台台故台字作恣非也說文辭又  
台同作朝



是能容之禮記是作實棟案古寔字皆作是秦惠王詛楚

文曰昔我先君穆公及楚成王是戮力同心兩邦若壹

王之望讀是為寔戰國策蘇厲曰白起是攻用兵高誘

曰是實也公芊桓五年傳云寔來者何猶曰是人來也

高氏以是為實者古春秋經寔來左傳作實來今本左傳仍作

來韓奕箋云實墉實壑實當作寔趙魏之東寔實同聲

高誘涿人故亦以寔為實

惠棟案儒林傳云孔氏有古文尚書孔安國以今文讀之

因以起其家逸書得十餘篇司馬遷亦從安國問故遷

書載堯典禹貢洪範微子金縢諸篇多古文說如堯典

放勳古文勳見說文辯于羣神辯古文編見儀禮注禹貢九江入賜大龜

九經古義卷四

七

入古文內見南宮中鼎堯典夙夜出內朕命內亦作入

賜古文錫見儀禮注下賜土姓同古文入亦作內鄉敦

云毛伯內門立中嶠冢導濬古文濬見說文洪範曰涕涕字之誤古文

庭內門入門也以涕為圍微子我其發出往鄭本亦作往今作狂非金縢周公奔楚事

論衡以為古文家說皆卓然古文無可疑者第其述事欲便于覽

者往往以訓詁之字窳易經文後之學者無可攷證反

以史記為今文耳又殷本紀所載湯征湯誥皆逸書十

篇中文也今所傳古文湯誥與史記所載絕不相類其

中如敢用玄牡等語乃湯時大旱請禱之文見墨子及呂覽豈

誠孔壁之舊哉

尚書古義下

九經古義卷第四終

益都李文藻覆校

九經古義卷四

十四

毛詩古義上

九經古義卷第五

盧先生曰藝文類聚作張超者本賦印無此數語初學記元有之

賦在東白此即本魯詩說至思古以經入則三家義同

王伯厚云近世說詩者以關雎為畢公作謂得之張超或謂得之蔡邕未詳所出棟案藝文類聚三十五卷載張超誚青衣賦云周漸將衰康王晏起畢公喟然深思古道感彼關雎德不雙侶但願周公妃以窈窕防微消漸諷諭君父孔氏大之列冠篇首案其文云康王晏起與魯詩同深思古道又同韓詩超漢末人范書有傳古文苑云蔡伯喈作青衣賦志蕩詞淫故張子並作此以規之邕賦亦載集中無畢公作關雎語

采采卷耳不盈頃筐傳云頃筐易盈之器也荀卿子引此詩亦云頃筐易滿也卷耳易得也然而不以貳周行大

九經古義卷五

一

雅行葦云敦弓既堅傳云天子敦弓敦與彫古今字荀卿子云天子彫弓諸侯彤弓正義以天子彫弓為事不經見非也經典序錄云孟仲子傳根牟子根牟子傳趙人荀卿子荀卿子傳魯人大毛公此傳及行葦傳蓋用其師說王伯厚曰毛傳以平平為辨治又以五十矢為束皆與荀子同鄭氏詩譜云魯人大毛公為故訓傳於其家河間獻王得而獻之以小毛公為博士徐堅曰荀卿授魯國毛亨作詁訓傳以授趙國毛萇時人謂亨為大毛公萇為小毛公後儒以為毛萇作詩傳非也

肅肅兔置施于中逵韓詩作中廝薛君曰廝中設九交之

道也案說文廝正字也逵或字也當從韓詩玉篇廝古文作廝

釋草云中廝菌釋文云郭音仇舍人本作中廝是廝有

鳩聲與仇協

南有喬木不可休息釋文云休息並如字古本皆爾本或  
作休思此以意改爾案韓詩外傳息作思樂記云使其  
文足論而不息荀卿子息作諛說文云諛思之意从言  
从思禮記多古文或思息通也

江之永矣不可方思說文于羨字下引詩云江之羨矣韓

詩同介疋云羨長也郭璞云羨所未詳是未攷韓詩齊

鍾鐘云士女考壽萬年羨保其身又子子孫孫羨保用  
官是羨乃古永字韓詩从古文故作羨說文永部別載  
羨字未  
之攷也

采蘩云夙夜在公尉氏令鄭君碑云夙夜在公卽夙字說

文曰夙早敬也从夙持事雖夕不休早敬者也義雲草

九經古義卷五

二

及古鐘鼎文皆作夙徐鉉曰今俗作夙譌春秋有季孫  
夙左傳作宿

从古文

采蘋云于以湘之維錡及釜傳云湘亨也正義云介疋無

文傳以當時驗之案漢書郊祀志云皆嘗鷓亨上帝鬼

神小顏云鷓亨煑而祀也韓詩采蘋曰于以鷓之唯錡

及釜湘訓亨無攷當从韓詩作鷓廣雅云鷓飪也音傷

白茅純束箋云純讀如屯戰國策曰錦繡千純高誘曰純

音屯束也左氏傳云執孫蒯于純留漢書作屯留是古

文皆以純爲屯古文純作屯  
見說文

威儀棣棣不可選也傳云物有其容不可數也案朱穆集

載絕交論云威儀棣棣不可算也鄭注論語云算數也

與毛訓同漢書車丞相贊云斗筭之徒何足選也古選與撰通用禮大司馬云撰車徒鄭注云撰讀謂數擇也

日月云報我不述傳云述循也箋云不循禮也釋文云述

本亦作術文選注引韓詩曰報我不術薛君曰術法也

棟案術古文述薛夫子訓為法非也士喪禮云筮人許

諾不述命注云述循也既受命而申言之曰述古文述

皆作術祭義術省鄭氏云術當為述聲之誤也

谷風云不遠伊邇薄送我畿傳云畿門內也案呂覽正月

紀曰出則以車入則以輦務以自佚命之曰招歷之機

高誘曰招至也歷機門內之位也士冠禮注云闈門歷也闈闈也古文闈為

築闈為慶春秋傳曰婦人送迎不出門見兄弟不踰闈禮記云內言不出于闈歷即歷也或歷字之誤是慶闈

九經古義卷五

三

字通歷即闈也葉輦于宮中遊翔至于歷機故曰務以自佚也

詩曰不遠伊邇薄送我畿此不過歷之謂畿與機古字

通

旄丘云狐裘蒙戎蒙徐邈音武邦及春秋傳作虬茸故讀

从之棟案蒙本與虬通管子五輔篇云敦蒙純固義作

敦虬荀子引詩曰受小共大共為下國駿蒙今詩蒙作

虬小戎詩云蒙伐有苑箋云蒙虬也

有力如虎執轡如組傳云組織組也武力比於虎可以御

亂御衆有文章言能治衆動於近成於遠也呂氏春秋

曰詩曰執轡如組孔子曰審此言也可以為天下子貢

曰何其躁也孔子曰非謂其躁也謂其為之於此而成

元祖樞去歲禮衛將軍文字廟引  
清石下圖帕家

文於彼也聖人組脩其身而成文於天下矣大毛公與呂氏同時蓋皆有所受之也

赫如渥赭堯廟碑云赫如屋赭案易鼎九四曰其形渥鄭

玄本作刷音為屋云三公傾覆王之美道屋中刑之古形

與刑通見漢碑又傳氏易萃初六一渥為天今易作渥鄭玄讀為夫

三為屋之屋蓋古文渥字或省文或屋字反从水旁五帝

紀帝譽漑執中而徧天下徐廣曰古既字作水旁故諸儒訓詁各異也

北風云其虛其邪箋云邪讀如徐曹大家注幽通賦引作

徐蓋三家之說也弟子職云志無虛邪亦讀如徐虛徐

狐疑也

柏舟云實維我特韓詩特作直高誘注呂覽云特猶直也

九經古義卷五

棟案直猶植也繁陽令楊君碑以植為特故韓詩作直

義得通也穀梁傳曰植言同時本亦作特玉藻注云植

讀皆如直道而行之直是植與特同又讀為直士相見

禮曰喪俟事不植弔定本作特義雲切韻特作植

中黃之言不可道也玉篇引作霽云中夜之言也韓魯詩

同廣雅曰霽夜也大玄玄離曰晝以好之夜以醜之故

下云言之醜也

不可讀也傳云讀抽也匡謬正俗曰抽當為籀籀讀也從竹

抽聲籀即古抽字皆依說文為說棟案說文云籀讀書也又手

部籀或从抽大史公曰紬史記石室金縢之書紬亦讀

抽也王莽傳云或紬其兩脅師古曰紬與抽同呂覽十月紀云

涉血蓋肝高誘  
曰蓋古抽字

象服是宜傳云象服尊者所以爲飾案說文曰祿飾也史游急就篇云祿飾刻畫無等雙漢書外戚傳祿飾將暨往問疾師古曰祿盛飾也象木祿字古文省疏以爲象骨飾服失之

鶉之奔奔高誘注呂覽引作賁云色不純也左傳禮記皆作賁案漢有虎賁舊作奔古字通白駒詩云賁然來思傳云賁飾也鄭箋引周易賁卦以釋之徐邈音賁爲奔真得古音矣今人以賁卦之賁及詩賁然來思皆音彼義反失之詳易攷朱育集字  
奔作賁

升彼虛矣以望楚矣傳云虛漕虛管子大匡曰狄人伐衛衛君出致于虛注云虛地名

九經古義卷五

五

干旄云素絲祝之箋云祝當作屬屬著也鄭氏攷工商人注云屬讀如灌注之注戰國策曰一舉而注地於楚高誘曰注屬又周禮瘍醫職云祝藥劓殺之齊注云祝當爲注讀如注病之注聲之誤也注謂附著藥淮南子曰冶工之鑄器高誘曰鑄讀作祝禮記樂記云封帝堯之後于祝注云祝或爲鑄蓋古字祝屬注鑄皆同音陸氏釋文音祝爲之蜀反未詳

考槃在澗韓詩澗作干棟案澗當作閒與寬諼協韻閒與千古今字聘禮記凡庭實隨入左先皮馬相閒可也注云古文閒作干文選注五卷引韓詩云考盤在干地下

而黃曰干

庶姜孽孽釋文云孽魚竭反徐五謁反韓詩作𨾏牛過反  
長貌呂覽云宋王築為孽臺高誘曰孽當作𨾏與𨾏  
其音同詩云庶姜𨾏𨾏高長貌也

芄蘭云能不我甲傳云甲狎也徐邈音胡甲反匡謬正俗

曰甲雖訓狎自有本音不當便讀為狎其說非也漢儒

訓故音義相兼毛傳如汝濱怒如調飢調朝也小星維

參與昴集韻引昴昴雷也騶虞彼茁者葭茁出也谷風亦

以御冬御禦也葛屨摻摻女手摻摻猶織說文作織宛

丘子之湯兮湯蕩也東山丞在桑野丞寘也破斧四國

皇皇皇匡也齊詩作匡常棣丞也無戎丞墳也藁蕭為龍為

九經古義卷五

六

光龍寵也左傳作寵六月如軒如軒輶輶也正月袞似成之

成滅也左傳作滅小旻是用不集集就也韓詩作就小弁譬彼壞

木壞癩也左傳作癩鴛鴦摧之秣之摧莖也文王陳錫哉周

哉載也左傳國語作載大明倪天之妹倪磬也韓詩作磬棫樸追琢

其章追彫也文王有聲遁求厥寧適述也孫炎介正注云適古述字

王后維翰翰幹也同音卷阿似先公衛矣似嗣也蕩侯

作侯祝作詛也崧高往迓王舅迓已也丞民古訓是式

古故也我儀圖之儀宜也江漢矢其文德矢施也禮記作弛

與施閔予小子繼序思不忘序緒也良相畷畷良相畷

畷猶測測烈祖醜假無言醜總也長發率履不越履禮

也韓詩作禮如此類不可悉舉皆音義相兼者芄蘭詩甲字

此卷東曰御禦文見外御其後傳  
今本既誤細審音義可知



韓詩本作狎尚書多方甲子內亂鄭王皆以甲爲狎古  
文省少以甲爲狎遂有狎音非假借也經傳中惟徐氏  
釋音獨得古人之義小顏輒斥以爲非何也

清人云河上乎逍遙釋文曰逍本又作逍遙本又作搖說

文新附曰逍遙猶翱翔也徐公文曰詩只用逍搖字此

二字字林所加棟案後漢崔駰撰張平子碑已用逍遙

字不始于呂諶也但經典中只合用逍搖耳近有僞父  
作字書名

正字通謂莊子逍搖游  
篆文已从辵其妄若此

蓋裘字亦云舍命不渝箋云舍猶處也王肅云舍受也棟

案舍猶釋也管子小問曰語曰澤命不渝信也徐廣史

記注云古釋字作澤周頌載芟曰其耕澤澤亦作釋

九經古義卷五

七

釋今亦讀爲釋康成周禮注曰舍卽釋也又士冠禮注

云古文釋作舍是澤命卽舍命也蓋古有是語詩引之

以美君子之信列子云其人舍然大喜曉之  
者亦舍然大喜舍皆讀爲釋

子之昌兮俟我乎堂兮箋云堂當爲棖棟案古文論語有

申棖史記作申堂漢王政碑云有羔羊之絮無申棠之

欲堂與棠同  
見魯峻碑是堂本與棖通故讀爲棖非鄭之改字也

子衿傳云青衿青領也正義曰釋器云衣皆謂之襟李巡

曰衣皆衣領之襟孫炎曰襟交領也衿與襟音義同棖

案張有復古編云衿衣系也从糸今古作衿別作衿非

又云衿衽也从衣金別作襟非衿與襟通與衿異正義  
混衿襟爲一非也王伯厚云漢石經作子衿得之

縞衣綦巾聊樂我員釋文曰員本亦作云商頌箋曰員古

文作云言古文以員爲云也韓詩作魂案魂亦與云通

中山經曰其光熊熊其氣魂魂魂猶云云也呂覽圓

道篇曰雲氣西行云云然云亦古文雲字薛夫子訓魂爲神失

之春秋正義引孝經說云魄白也魂云也是魂與云通云動也易繫辭云動靜云爲

敝笥在梁其魚魴鰈箋云鰈魚子也古魂反正義曰鰈魚子

釋魚文今介反李巡曰凡魚之子總名鰈也鰈鰈字異

蓋古字通用或鄭本作鰈棟案說文鰈从魚鬣省聲鬣

本昆弟字古魂切周人謂兄曰鬣介反从弟爲鬣从魚爲

鰈與鰈同物同音非通用字也汗簡云古論語昆作鬣

又云石經鰈作鬣

九經古義卷五

齊子發夕傳云發夕自夕發至旦小宛詩云明發不寐薛

夫子王叔師皆訓發爲旦故焦氏易林云襄送季女至

於蕩道齊子旦夕雷連久處旦夕猶發夕也說文云禮

昏鼓四通爲大鼓夜半三通爲戒晨旦明五通爲發明

發明猶旦明也下經云齊子愷悌介正云愷悌發也郭璞云發發行也

河水清且漣漪釋文云漣力瀝反案說文漣卽瀾或字也

音洛干切介正釋水正作瀾漸漸之石箋云與衆豕涉入水之波漣漣卽瀾字故

一本作瀾陸氏音連亦誤

胡取禾三百億兮傳云萬萬曰億箋云十萬曰億賈逵唐

固注國語皆以萬萬爲億棟案徐岳數術記遺曰黃帝

爲法數有十等及其用也乃有三焉十等者億兆京垓

九經古義卷五相連釋名 魏屬云民  
首也云鰈民也又按魏云實作鰈  
見說文 又按說文本云字聲  
皆以云當以第省其引微誤

元與相奇字通或是檢字異  
若漢祿字版

穉壤溝澗正載三等者謂上中下也其下數者十十變

之若言十萬曰億十億曰兆十兆曰京也中數者萬萬

變之若言萬萬曰億萬億曰兆萬兆曰京也上數者數

窮則變若言萬萬曰億億億曰兆兆兆曰京也甄鸞曰

毛注曰萬萬曰億此即中數也鄭注云十萬曰億此即

下數也鄭注以數為多故合而言之上數宏廓世不可

用韋昭楚語注云十萬曰億古數也今人乃以萬萬為億是中數之說始於秦漢也

三歲貫女魯詩貫作宦外傳國語云入宦於吳韋昭曰宦

為臣隸也嘯堂集古錄有臣數印其字作臣數貫當讀為宦徐邈音官此

宦字之誤傳云貫事也蓋本介疋而與宦義亦通隸音

以為宦即貫字恐未然也

九經古義卷五

九

素衣朱襮傳云襮領也諸侯繡黼丹朱中衣箋云繡當為

綃綃黼丹朱中衣中衣以綃黼為領丹朱為純棟案鄭

氏此說蓋从魯詩見士昏禮注焦贛曰素衣朱襮衣素表朱

也

見此祭者傳云三女為祭案說文云三女為放放美也从

女奴省聲字林从女奴不省廣韻引此傳亦作祭周伯琦六

書正譌云詩云見此奴者俗用祭非

有杖之杜云噬骨適我傳云噬逮也韓詩噬作逝云及也

案介疋釋言云噬逮也與毛傳合从彘不从口方言云

噬逮也北燕曰噬逮通語也

載儉歇驕箋云載始也始田犬者謂達其搏噬始成之也

朱子謂以車載犬休其無太恐非重人賤畜之義張衡西京賦云屬車之遙載獫狁獠寧得謂以副車載犬邪蓋文似相連而意不屬耳

小戎箋云此羣臣之兵車故曰小戎案齊語及管子云十軌爲里故五十人爲小戎里有司帥之韋昭曰此有司之所棄故曰小戎古者戎車一棄步卒七十二人合齊五十人棟謂韋氏所據乃司馬灋云六月詩所謂元戎也七十二人爲大戎五十人爲小戎其周之制與

無衣云與子同澤傳云澤潤澤也箋云釋褻衣近污垢案說文釋綺也綺爲脛衣非褻衣也釋名曰汗衣近身受汗之衣也詩謂之澤作之用六尺裁足覆背汗衣滋液故謂之澤毛說是也釋文不云鄭異字正義謂易傳爲釋非也

宛丘云子之湯兮傳云湯蕩也陸氏曰舊音他浪反棟案湯本古蕩字王逸引此詩正作蕩云蕩猶蕩蕩無思慮兒也古文論語云君子坦蕩蕩鄭康成注云魯論作坦湯是古皆以湯爲蕩古又以蕩爲湯地理志或音他郎河內蕩陰縣小顏音湯

反者非  
穀旦于差王肅音嗟韓詩作嗟古嗟字或省文作差然此詩差字仍當从鄭音初佳反

可以棲遲嚴發碑云西遲衡門說文云西鳥在巢上象形日在西方而鳥棲故因以爲東西之西或作棲从木妻

是西爲古文棲也

防有鶴巢印有旨若後漢志注博物記云印地在陳國陳  
縣北防亭在焉詩云印有旨若防有鶴巢

胡爲乎株林毛氏傳云株林夏氏邑劉昭曰陳有株邑蓋

朱襄之地

有蒲與荷正義曰如尔足則夫渠之莖曰茄見釋草此言荷

者意欲取莖爲喻亦以荷爲大名故言荷耳樊光注介

疋引詩有蒲與茄然則詩本有尔茄字者案揚雄反離

騷曰衿芟茄之綠衣兮被夫容之朱裳師古曰茄亦荷

字見張揖古今字譜

檜王符潛夫論云會在河伊之間其君驕貪嗇儉滅尊損

九經古義卷五

十一

祿羣臣卑讓上下不臨詩人憂之故作羔裘閱其痛悼

也匪風冀君先敎也會仲不悟重氏伐之上下不能相

使禁罰不行遂以見尔余案節信此言蓋本周書史記

此高辛時有郇之君非外傳檜仲也是以汲郡古文云

帝高辛十六年帝使重帥師滅有郇左史戎夫所云重

氏伐之郇君以尔是也世本云陸終娶鬼方氏妹曰女

嬪生子六人四曰求言是爲郇人郇人者鄭是宋衷曰求言名

也如姓所出郇國也陸終在高辛之後或因有郇之墟而封之後

爲鄭武公所滅耳王符之說失之

素冠云棘人欒欒兮傳云棘急也棟案棘古瘖字義雲章

佻棟義雲切韻又佻棟見汗簡字相似因誤爲棘昌覽任

盧光吉曰漢本醫曲醫之飛  
食茄下亦是指荷

取世堂先言說文株古文膾高  
注亦本許居此段向未當

地曰肥者欲棘高誘曰棘羸瘠也詩云棘人之爨爨

東山云零雨其濛

王逸引作蒙云盛兒

說文引作霏从雨呶象零形

周公東征四國是皇傳云皇匡也董氏曰齊詩作匡賈公

彥引以為據則是皇讀為匡尔足皇匡皆訓為正白虎

通曰言東征述職周公黜陟而天下皆正也

法言又作主

伐木許許傳云許許栉兒說文引作所云伐木聲也从

斤戶聲

許所古通字

尋詩意毛說為長朱子詩傳引淮南子

云舉大木者呼邪許案邪許者舉木之聲非伐木也

漢書

疏廣傳數問其家金餘尚有幾所師古曰幾所猶言幾

許也禮說曰所者削栉偷斯者析薪故斯所皆从斤說

其貌傳言貌者以伐木之栉與縮酒之茅

主

天保云俾爾單厚傳云單信也或曰單厚也箋云單盡也

棟案王符潛夫論引此詩本作畱故傳訓為信鄭本作

單故為盡畱與單古今字

周頌云於緝熙單厥心單國語引作宜

吉蠲為餼釋文云蠲舊音圭案呂覽曰臨飲食必蠲絜高

誘曰蠲讀為圭蓋三家詩本作吉圭惟餼故高讀从之

孟子曰卿以下必有圭田趙岐曰圭潔也

采芣云歲亦陽止又杖杜云日月陽止案董仲舒雨雹對

云十月陰雖用事而陰不孤立此月純陰疑于無陽故

謂之陽月詩人所謂日月陽止者也鄭采芣箋用董說

出儀萬物之生各得其宜也宜東哲補亾詩引作儀李善

注云毛萇詩傳儀宜也倉頡篇曰宜得所也此與角弓

如食宜饘文王宜鑒于殷皆當从韓詩禮記作儀訓爲  
宜尙書般庚曰若顛木之有由彙說文由佗胄云古文  
佗由木生條也是由訓爲生故序稱萬物之生徐鉉曰  
由本古文胄後人通用爲因由等字

爲龍爲光傳云龍寵也案龍讀爲寵昭十二年傳云公賦  
蓼蕭叔孫昭子曰宴語之不懷寵光之不宜令德之不  
知同福之不受焦氏易林曰蓼蕭露漙君子寵光鳴鸞  
嚙嚙福祿來同是書傳皆讀龍爲寵王肅周易師之九  
二象曰在師中吉承天龍也訓爲寵今易作寵知龍爲  
古文寵故傳云龍寵也高頌長發曰何天之龍箋云龍  
當作寵寵榮名之謂

九經古義卷五

三

元頭按漢傷五言某例惠西  
拯淮南子明人刑刺一本故誤引

臧在東曰水經注作薄狩新本有  
改爲薄獸者  
盧先生曰史記唐本記行狩書小作  
歸獸

六月云如輕如軒傳云輕摯也攷工云大車之轅摯其登  
又難注云摯朝也輶人云軒摯之任淮南人間云道者  
置之前而不輦錯之後而不軒高誘曰輦音志从車不  
从手既夕禮云志矢一棄軒輶中  
鄭氏云輶輦也置輦又作輦

搏獸于菽水經注引云薄狩于菽東京賦同徐堅初學記  
引佗搏狩棟案狩本古獸字故鄭箋云田獵搏獸也何  
休公羊注云狩猶獸也淮南覽冥云狡蟲死高誘曰蟲  
狩也漢石門頌云蕙虫彘狩婁壽曰義佗斃獸若經文  
佗搏獸鄭氏之箋不已贅乎唐石經仍  
作搏獸

既伯既禱說文引云既禡既禡云禱牲馬祭也周禮大司  
馬云有司表貉先鄭云貉讀爲禡禡謂師祭也又甸祝

表貉杜子春讀貉爲百爾所思之百書亦或爲禡後鄭肆師注云貉讀爲十百之百蓋貉讀爲禡又讀爲百百卽伯也字異而音義皆同句祝又云禡牲禡馬杜子春云禡禱也詩云旣伯旣禱後鄭云禡讀如伏誅之誅今侏大字棟案尙書無逸曰講張爲幻馬融本作軻亦足及詩又作侏毛傳云侏俯張也揚雄國三老箴曰負葉覆餗姦寇侏張李善曰軻與侏古字通然則禡侏講侏四字皆音同

吉日庚午翼奉曰南方惡行廉貞寅午主之西方喜行寬大巳酉主之二陽並行是以王者吉午酉也詩曰吉日庚午棟案穆天子傳云天子命吉日戊午又云吉日辛酉天子升于昆侖之丘此王者吉午酉之證也穆天子書出於晉代而奉說與之合當亦傳之先達者

九經古義卷五

十四

鶴鳴于九臬韓詩章句曰九臬九折之澤楚辭章句澤曲曰臬王充亦言鶴鳴九折之澤孫叔敖碑云收九罪之利婁壽曰本澤字去水省非也畢卽臬字馬文淵所謂回下羊也案文當云四下丰丰音工刀反从回丰聲漢時已誤丰爲羊故文淵辨之

正月云赫赫宗周褒姒威之傳云威滅也案靈臺碑云興威繼絕騶氏竟銘云胎膚殄威詛楚文伐成我百姓皆以威爲滅

十月之交云蕃維司徒古今人表蕃作皮案魯國有蕃縣應邵曰蕃音皮是蕃有皮音故亦作皮也儀禮既夕云



設披鄭注云今文披皆爲藩案披从手皮聲見說藩與

蕃同故以披爲蕃聲之誤也鄉射禮云君國中射則皮

樹中注云今文皮樹爲繫豎是古皮繫同音故韓詩作

繫白裏魯國記云陳逸子游爲魯相蕃子也國人爲諱

改曰皮白裏晉人未識古音故有是說古蕃繫皆音婆春秋傳有蓬罷

音皮公羊作頗是皮亦有婆音

冢伯維宰案古今人表有太宰冢伯是冢伯作冢伯故鄭

箋以冢宰釋之

豔妻煽方處說文煽傳云豔妻褒姒美色曰豔案魯詩十

月之交云此日而食于何不臧又曰閭妻扇方處言厲

王無道內寵熾盛政化失理故致災異日爲之食爲不

善也中侯適維戒曰剝者配姬以放賢山崩水潰納小

人家伯圖主異載震孔穎達云剝豔古今字以剝對姬

爲其姓以此知非褒姒也鄭从魯詩爲厲王時事是也

下經云皇父孔聖作都于向汲郡古文幽王元年王錫大師尹氏皇父命六年皇父作都于向鄭氏詩序箋云

作詒訓傳時移其篇第毛公秦人必有所據未可盡非

抑此皇父箋云抑之言噫噫是皇父疾而呼之徐邈音噫

韓詩云抑意也案意卽噫也周頌噫嘻成王定本亦意

淮南繆稱曰意而不戴高誘曰意恚聲抑本與意通蔡

邕石經論語云意與之與古文意作抑大雅有抑篇外傳作懿韋昭云

懿讀

曰抑

雨無正云若此無罪淪胥以鋪韓詩云薰胥以痛薰帥也

臧詹曰柔釋文作喜喜言憂作  
意正氣亦無定本之意又意誤  
託王氏後案承之 九姓姓意噫抑  
按四字八人底時通用

胥相也痛病也言此無罪之人而使有罪者相帥而病

是其大甚後漢書注漢書敘傳云烏乎史遷薰胥曰刑晉灼

曰齊韓魯詩作薰薰帥也从人得罪相坐之刑也顏籀

曰韓詩淪作薰薰者相薰蒸棟謂薰闔也春秋傳云以

韓起為闔薰與闔通易艮之九三曰厲薰心荀爽本薰

作動虞翻本又作闔胡廣漢官解詁曰光祿動勳猶闔

也易曰為闔寺是薰與闔通之證胥胥靡也漢書楚元

王交傳云申公白生諫不聽胥靡之應劭引此詩云淪

胥以鋪胥靡刑名也呂氏春秋曰傳說殷之胥靡高誘

曰胥靡刑罪之名詩言王赦有罪之辜而反坐無罪者

以薰胥之刑也三家詩得之毛公誤也荀爽本云厲動心注云互體有

九經古義卷五

地震為動古動勳字每相亂樂記謹以立動注云動或

為勳淳于長夏承碑云策薰著于王室劉向說苑曰太

王有聖人之恩故事勳者

小旻云謀夫孔多是用不集發言盈庭誰敢執其咎傳云

集就也韓詩作就見外傳尚書顧命曰克達殷集大命蔡

邕石經達作通集作就是集讀為就與咎協韻也

如匪行邁謀是用不得于道案左傳襄八年子駟引此詩

杜元凱注云匪彼也行邁謀謀於路人不得於道眾無

適從顧炎武云案詩云謀父孔多是用不集發言盈庭誰敢執其咎則杜解為長棟案此必三家詩有作彼者故杜據彼為說兩無正云如彼行邁其意略同顧又云古有以匪字作彼者襄廿七年引詩彼交匪敖作匪交

戒在東曰今本外傳云既同毛詩此所括蓋王以詩既元與集就聲相近

匪敖案漢書引桑扈詩亦作匪又荀子勸學詩云匪交  
匪紆天子所予今采菽詩上匪字作彼或古匪彼通用  
如顧說也

毛詩古義上

九經古義卷第五終

益都李文藻覆校

九經古義卷五

七

毛詩古義下

九經古義卷第六

小宛曰握粟出下是何能穀古者下筮先用精鑿之米以享神謂之糈東山經曰糈用稌米淮南說山曰巫用糈藉郭璞高誘皆云祀神之米楚辭云巫咸將夕降兮懷椒糈而要之王逸曰言巫咸將下願懷椒糈要之使筮者占茲吉凶之事是也故曰者列傳云下而有不審不見奪糈詩言貧者不得精鑿之米貞于陽下而但持卷握之粟求兆于豬扇羊膊雖得吉下安能為善乎管子

云守龜不兆握粟而筮者屢中言無與於吉凶也

精王逸郭璞皆音所莊子云鼓策播精司馬彪曰簡米曰精釋文云精一音所則當作數精非也此必糈字之誤王伯厚曰文選注作播糈故音所崔謨云鼓策播精言賣下說文曰糈則下問曰糈从貝疋聲讀若所然則曰者傳奪

九經古義卷六

一

精當作奪與疋同墨子曰有二生於此善星一行爲人筮者與處而不出者其精孰多公孟子曰行爲人筮者其精多精者精鑿米也漢書五行傳云卜請其筮而藏之乃吉於是布幣策告之師古曰說者以爲策者精

巧言曰諧始既涵傳云涵容也鄭音咸云涵同也韓詩作

減減少也棟案古咸字作減春秋傳云咸黜不端諸本

咸或作減說文云涵水澤多也毛既訓涵爲容當从省

文作涵涵本與咸通周禮伊耆氏共其杖咸鄭注云咸

讀爲涵司馬相如封禪文云上咸五下登三徐廣曰咸

一作涵漢書天文志閒可械劔蘇林曰械音涵容也毛

音含訓爲容鄭音咸訓爲同義並得通薛君以爲減少

之減失之

元經作傳世出平不為米也咸曰義  
也夫服虔讀減為咸詳心也覽  
水泉減現月今作咸瑞文託如陳相  
上減五下登三幸昭說作咸漢書云  
春傳之卿咸官服虔音減損

盧光昌史記建元以來侯者年  
未載侯者年吾漢書作舍吾

何人斯云爾之安行亦不違舍熊氏經說云舍與車肝協

音作舒便合讀作舒春秋宣六年齊人弑其君荼音舒公

羊作舍字音舒自古有之棟案史記律書云舍者日月

所舍舍者舒氣也是含有舒義故有舒音

大田云倣載南畝箋云倣讀爲熾載讀爲蓄栗之蓄地理

志云梁國留縣故戴國春秋正義曰古者留戴聲相近

故鄭玄詩箋讀倣戴爲熾留棟案詩倣戴字不作戴春

秋戴國陸氏釋文作載石經作戴戴與載字本通絲衣

詩載弁俅俅箋云載猶戴也陳留戴國本亦作載故隋

時置戴州顏籀以爲誤而駁蓋未知字之相通也釋名云戴

載也載之於頭也

九經古義卷六

二

去其螟螣說文曰螟蟲食穀葉者吏冥冥犯法卽生螟螣

蟲食苗葉者釋蟲云食葉蝻吏乞貸則生螿吏乞貸者周書所謂奸吏濟貸也

詩曰去其螟螣案螿古文作螿見朱育集字與毛詩合

唐公所碑作螿孫叔敖碑作倂與說文略同呂覽五月

紀曰百螿時起高誘曰螿讀近殆兗州人謂蝗爲螿其

音與說文說亦同

瞻彼洛矣傳云天子玉琫而珽珽諸侯璆璆而璆珽大夫

鐻琫而鐻珽士珽琫而珽珽正義云傳因琫珽歷道尊

卑所用似有成文未知所出說文玉部云禮云佩刀天

子玉琫而珽珽諸侯璆璆而璆珽士珽琫而珽珽又云

琫佩刀上飾珽佩刀下飾天子以玉諸侯以金說文所

稱禮者蓋逸禮也棟聞之介正者六經之訓詁也其  
器一則云黃金謂之鑿其美者謂之鏤白金謂之銀其  
美者謂之鏤又云以蜃者謂之珧豈非以禮有成文而  
爲是說與毛公詩傳多識故實可以補傳記之缺學者  
省之

桑扈云兕觥其觥說文引云兕觥其觥从角𠃉云角兒良  
𠃉云有抹其角箋云抹角兒穀梁傳云展觥角而知傷  
范甯云觥球球然角兒則觥與球皆當作觥周伯琦六  
書正譌云觥从角𠃉聲俗作觥非

樂酒今夕君子維宴王逸楚辭章句引云樂酒今管云管  
夜也管夕古字通穀梁傳曰日入至于星出謂之管崔

九經古義卷六

三

誤莊子注云管夕也管子小匡云且管從事且管猶旦

夕也

列子曰尹氏有老役夫管管  
夢爲國君注云管管夜夜也

瓠葉云有兔斯首箋云斯白也今俗語斯白之字作鮮齊

魯之閒聲近斯有兔白首者兔之小者也正義曰宣二  
年左傳曰于思于思服虔曰白頭兒字雖異蓋亦以思  
聲近鮮故爲白頭也案介正釋詁曰鮮善也釋文云本  
或作誓沈旋曰古斯字又說文雨部云霽从雨鮮聲讀

若斯此鮮與斯聲近之證

旋沈  
約子

漸漸之石云山川悠遠惟其勞矣箋云山川者荆舒之國  
所處也其道里長遠邦域又勞勞廣闊言不可卒服正  
義云廣闊遼遠之字當從遼遠之遼而作勞字者以古

戒本東口廣雅釋詁音聞其  
夜也元曲釋史記龜策列傳  
昔子常臨不昔猶昨夜也  
子厚段太尉逸事狀云昔自恨  
死

之字少多相假借詩又口之詠歌不專以竹帛相授音  
既相近故遂用之此字義自得通故不言當作遼也案  
昭七年左傳云隸臣僚服虔解詁曰僚勞也共勞事也  
寮勞古音同故潦水亦作澇水師古注上林賦潦音牢  
勞勞之語見孔氏聘辭僚與遼皆從寮聲知古字通也  
文王云於昭于天正義曰尙書注云鄭注尙書於者鳴聲則於  
鳴古今字案說文及義雲章古鳥字皆作於鳥本嗚呼  
字古文春秋傳皆然於於字相似因譌爲之

大明云倪天之妹傳云倪磬也說文曰倪譬諭也韓詩作  
磬磬譬也傳不訓爲譬而云磬者蓋讀倪爲磬也

殷商之旅其會如林說文引此詩會作旌春秋傳云旌動

九經古義卷六

四

而鼓杜元凱以旌爲旃故馬融廣成頌曰旃旌森其如  
林

壇車煌煌駟駟彭彭箋云兵車鮮明馬又彊則暇且整小

疋出車云旂旄中央傳云中央鮮明也棟案漢有鮮明

騎見魯峻石壁殘畫又朱浮墓石壁人物有鮮明隊皆

續司馬彪輿服志云若會耕祠主縣假給辟車鮮明卒

史記褚少孫撰任安傳云小史上書言任安受太子節

發兵言幸與我其鮮好者索隱云鮮音仙謂太子請其

鮮好之兵甲也漢書辛慶忌傳云慶忌性好輿馬號爲

鮮明此與皇矣箋以畔援爲跋扈畔援亦作畔換彼傳云項氏畔換注云猶

言跋扈皆當時之語跋扈將軍見漢人所撰梁冀別傳范氏作漢史衆入傳中

會朝清明傳云會甲也甲朝者一朝也古皆以甲爲一相  
第爲甲第觀爲甲觀令爲甲令夜爲甲夜書曰壹戎殷  
言役不再籍也戰國策張儀曰昔者紂爲天子帥天下  
將甲百萬以與周武爲難武王將素甲三兵領戰一日  
破紂之國禽其身據其地高誘曰一日甲子之日也太  
公望爲號到牧野便克紂故曰一日毛公以意說詩故  
訓會朝爲甲朝又云不崇朝而天下清明不崇朝者不  
終朝也後人泥于訓詁或訓爲甲子之朝或訓爲甲兵  
之甲皆非毛公之意

古公亶父古公者故公也說文云古故也穀梁傳云踰年  
不卽位是有故公也猶言先王先公穆天子傳云大王

九經古義卷六

五

亶父

周原膺膺此名國之始也汲郡古文云武丁元年邠遷于  
岐周三年命周公亶父高誘呂覽注云岐山在右扶風  
美陽之北其下有周地周家因之以爲天下號也

乃慰乃止傳云慰安案方言也慰居也江淮青徐之間曰  
慰是慰與止同義

皇矣云其蓄其翳傳云木立死曰蓄李巡尔足注云以當  
死害生曰蓄棟案蓄者側立之象木死不臥以根著于  
地故謂之蓄鄭氏周禮注云泰山平原所樹立物爲蓄  
聲如哉博立臬碁亦爲蓄蓄猶事也

患夷載路毛讀患爲串鄭如本字釋之正義云患夷者患



中國之夷棟案董仲舒云書云止于一者謂之忠持二  
忠者謂之患混夷之人荒忽無常故謂之患夷患夷載  
路鳴鳴革響矣一說說文無串字古患字作患聃乃古  
貫字晉姜鼎云令俛聃通楊南仲訓爲母與貫同棟案  
明堂位云崇鼎貫鼎大璜封父龜鄭氏云崇貫封父皆  
國名貫之與昆同物同音故縣詩謂之混皇矣詩謂之  
串尚書大傳云文王受命四年伐犬夷六年伐崇鄭注  
云犬夷混夷也皇矣伐崇之詩時混夷已平故云載路  
崇鼎貫鼎皆伐二國時所得之寶故與封父同稱則串  
夷之爲貫無疑矣

度其鮮原居岐之陽周書和寤曰王乃出圖商至于鮮原

九經古義卷六

六

孔晁曰近岐周之地汲郡古文曰帝辛十五年秋周師  
次于鮮原則鮮原乃商周之境鄭訓爲善非也正義及  
蘇氏皆誤以爲程邑王氏地理攷亦未及引葢博物之  
難如此

與爾臨衝傳云臨臨車也衝衝車也案文當云隆隆車也

隆高也巢車之類鹽鐵論云衝隆不足爲強高城不足

爲固韓詩作隆衝後漢殤帝諱隆改隆爲臨漢有隆慮

縣東京爲臨慮避諱也臨慮屬河內郡亦作林隆之字

曰盛故伏隆爲伏盛見東觀漢記孔穎達以爲臨者臨下之

名失之左氏定八年傳云主人焚衝注云衝戰車釋文

云說文作輶陷陳車也衝車隆高故可焚

下武云昭茲來許傳云許進訓許爲進未詳所出案後漢志載東觀漢記引詩云昭茲來御蔡邕獨斷云御者進也與傳合疑傳寫之誤

行葦忠厚也周家忠厚仁及草木棟案漢儒皆以行葦爲公劉之詩班叔皮北征賦曰慕公劉之遺德及行葦之不傷寇榮曰公劉敦行葦世稱其仁王符曰詩云敦彼行葦牛羊勿踐履方苞方體惟葉握握公劉厚德恩及草木芊牛六畜且猶感德趙長君曰公劉慈仁行不履生草運車以避葭葦長君从杜撫受學義當見韓詩也既醉云永錫爾類傳云類善也王逸曰類法也案荀卿子禮論曰禮有三本天地者生之本也先祖者類之本也

九經古義卷六

七

注云類種襄廿三年傳云子展廢良而立太叔曰請舍子明之類良子明子是類爲子呂覽權勳篇云齊王謂觸子必刻若類又云若殘豎子之類皆謂類爲子周語叔向曰類也者不忝前哲之謂也韋昭云言能以孝道施於族類故不辱前哲之人後漢書劉平傳云平抱弟仲女云仲不可以絕類郅暉傳鄭敬云今幸得全軀樹類注云樹類謂有子嗣故鄭箋改傳以爲族類是也

假樂云民之攸壆傳云壆息也正義曰釋詁云咽息也某氏曰詩云民之攸壆郭璞曰今東齊呼息爲咽則壆與咽古今字也棟案說文壆仰涂也非休息之謂又說文口部引詩云犬夷咽矣東夷謂息爲咽正義以壆與咽

元與極字誤當作極廣雅釋詁作其古字則本偏司多通用

爲古今字未知何據釋詁云憇休咽息也

余疋釋文云憇本或作憇

玉篇云屨息也今爲憇屨與暨字相似毛公傳詩多據

余疋說文無憇字則釋詁憇字當依玉篇作屨故某氏

于此下引詩云民之攸暨大疋民勞云汜可小憇傳云

憇息甘棠詩云召伯所憇釋文云憇本又作揭揚雄賦

云度三巒兮揭棠梨師古曰憇讀曰憇說文心部云憇

息也从心曷聲徐鉉曰今別作憇非是然則甘棠詩憇

字當作憇假樂詩暨字當作屨

詩同又谷風詩伊余來暨皆从土既或古字假

借以暨爲屨

公劉傳云嶸小山別於大山也劉熙釋名曰小山別大山

曰甌音彥甌甌也甌一孔甌形孤出處似之也余疋云

九經古義卷六

八

小山別大山鮮與毛傳異毛於皇矣傳仍用余疋此傳

或別有所據

汜可小康箋云汜幾也釋詁曰譏汜也譏古幾字見碧落

文汗簡云

板詩云天之方難無然憲憲傳云憲憲猶欣欣也棟案欣

讀爲軒古憲獻二字皆有軒音樂記曰武坐致右憲左

鄭注云憲讀爲軒劉熙孟子注

文選注引

曰獻猶軒軒在物

上之稱也左傳掀公出於淖徐邈云掀許言反是古音

欣與軒同鄭注內則云軒讀爲憲二字又反復相訓

吳時

姚信有所天論云所讀爲軒見月令正義說文所讀若希與此異

天之牖民如堦如箴傳云牖道也箋云王之道民以禮義

元與果幾字見說文是部不引說文而引汗簡何非汗簡之言尾據不足信

則民和合而從之如此說文曰牖譚長以爲甫上日也

非戶也棟案甫上日从昏而明道民以禮義猶昏而照

之以天光也尚書大傳云文王有四隣以免乎牖里之害又商傳云太公與三子見文王於羨里

羨本古文誘字正義云牖與誘古今字韓詩外傳牖作誘

抑詩云用邊蠻方箋云邊當作剔剔治也泮水詩云狄彼

東南箋云狄當作剔韓詩作髡云除也士喪禮云四髡

去蹄注云今文髡爲剔棟案邊古文逖見說文義雲章又

佻愁訓爲剔左氏僖廿八年傳云糾逖王慝漢都鄉正

街彈碑云糾剔王佻逖訓遠見介疋或从狄省文也

桑柔云靡所止疑傳云疑定也正義云疑音疑棟案鄉飲

酒禮云賓西階上疑立注云疑讀爲疑然从於趙盾之

九經古義卷六

九

疑疑然立自定之兒音魚乙反正義音疑非也

孔棘我圍箋云圍當作禦棟案漢書強禦字皆作強圍又

管子書多以圍爲禦

雲漢云耗斲下土箋云斲敗也棟案斲當作殫汗簡云古

文尙書斲作殫故春秋繁露引此詩云耗射下土射與

斲通斲本訓厭毛詩古文作殫鄭隨文釋之故訓爲敗

崧高云往近王舅傳云近已也箋云近辭也聲如彼記之

子之記毛居正六經正誤云近說文作紆从丌从彡丌

音基彡音綽今作迓音記字譌作近不敢改也說文云

迓者古之迓人以木鐸記詩言从辵从丌丌亦聲讀與

記同玉篇云迓今作記今釋文唐石經皆作近此傳寫

之誤鄭讀如彼記之記者王風揚之水云彼其之子箋云其或作記或作已讀聲相似故毛訓爲已鄭讀

爲記

烝民云古訓是式傳云古故訓道箋云故訓先王之遺典

也說文引詩作詒訓部言云訓故言也張揖雜字云詒者

古今之異語也訓者謂字有意義也郭氏尔疋有釋詁

釋訓樊孫等尔疋皆爲釋故見詩釋文釋訓菀文志詩有魯

故韓故齊后氏故孫氏故毛詩故訓傳唐不經及正義皆作詒訓釋文

云定本作故書有大小夏侯解故皆所謂故訓先王之

遺典也小顏曰故者通其指義孔穎達以爲古訓者故

舊之道故爲先王之遺典何其謬與周書大開武曰淫

文破典典不式教民乃不類荀卿子引傳曰博聞彊志

不合王制君子賤之皆謂不式古訓者也正義首卷詁訓傳下亦引

是詩以爲證與此疏異者顧君寧人所謂諸儒義疏不出一人之手是也

江漢云匪疚匪棘箋云棘急正義云棘急釋言文彼棘作

械當作音義同案釋言云械褊急也注云皆急狹鹽鐵

論引詩云儉允孔熾我是用戒戒卽械也毛詩戒作棘

是棘與戒古字通

瞻卬云蠹賊蠹疾釋文蠹作蚘云本又作蠹棟案蠹本作

蠹从蟲不从虫昆古文蠹作蚘从虫从牟釋文是也

清廟釋文云廟本又作廡古今字也棟案士冠禮廟宇亦

作廡說文云廡古文廟

周公既成洛邑朝諸侯釋文洛作雒云本亦作洛字從小

臧在東只見爾雅釋文

九經古義卷六

作廣說文云廣古文廟

周公既成洛邑朝諸侯釋文洛作雒云本亦作洛字從水  
後漢都洛陽以火德為水尅火故改為各傷佳棟案陸  
氏此說見魚豢典略然案朱育集字以雒為雒則古本  
有此字非始於後漢也

維天之命於穆不已正義曰譜云子思論詩於穆不已孟  
仲子曰於穆不似棟案說文以字从反己漢書皆作呂  
與只同檀弓注云以己字以與己字本同又與似相通  
易明夷曰文王以之箕子以之鄭氏本以皆作似斯于  
詩云似續妣祖箋云似讀如己午之己正義曰直讀為  
已不云字異則古者似已字同於穆不已師徒異讀是

九經古義卷六

字同之驗也譜云孟仲子思弟子

假以溢我說文引云諷以溢我諷嘉善也廣韻引云諷以

謚我左傳又云何以恤我襄廿七年毛傳云假嘉溢慎案諷

與何音相近故譌為何溢與謚字相類謚又與恤通皆  
訓為慎古文虞書云惟刑之恤哉伏生尚書恤倫謚此

其證也

貽我來牟漢書劉向傳引作釐麩云釐麩麥也始自天降

說文云來周所受瑞麥天所來也故為行來之來棟案

郭晞卿字指後漢中庶子釐字从釐徐仙民讀與來同

載芟云有略其相俗作相傳云略利也釋文云字書作芟棟

案芟本籀文鐔字故釋詁云芟利也相有鋒鐔乃能徹

菑其田畝略無訓利之文當从字書佗契唐石經亦佗略非

萬億及秭廣韻云秭千億也風俗通云千生萬萬生億億生兆兆生京京生秭秭生垓垓生壤壤生溝溝生澗澗生正正生載載地不能載也

良相云以開百室周書佗雜曰都鄙不過百室以便野事都鄙謂采地井田六鄉則一族六遂則一都皆百室也周禮百室之制都鄙與鄉遂同也

絲衣鼐鼎及鼐釋文云鼐音茲徐音災郭音才說文曰鼐从鼎才聲郭音是也史記音義引此詩鼐佗哉云哉音資案哉與才通張平子碑云往才女諧邢曷曰哉古文

九經古義卷六

十一

佗才鼐省文佗才音資失之

酌告成大武也案儀禮漢書佗勺禮樂志獲赤鴈歌云勺椒漿靈已醉是勺奠酌

同左傳佗洵周禮士師云八成一曰邦洵先鄭云洵讀如酌酒尊中之酌陸氏詩釋文云酌亦佗洵正義云古

今字

保有厥士棟案士古文士見周牧鼓史記云有邦有士告汝祥刑今尚書呂刑士佗士呂覽任地云后稷曰子能使吾士靖而剛浴士乎高誘曰士當佗士

泮水云薄采其芣傳云芣芣葵也周禮醯人有芣蒢鄭大夫讀芣爲茅杜子春讀芣爲卯說文引詩云言采其芣徐仙民音柳與說文合案汗簡云古文尚書以芣爲蒢

左傳縮酒說文引佗茵茵與蒞同與鄭大夫說合不從

訓爲鳧葵矣蒞本从艸不从卯周禮蒞蒞北人皆音柳

非也律歷志云冒蒞於卯

閼宮曰后稷之孫實維大王居岐之陽實始翦商傳云翦

齊也箋云翦斷也鄭注周禮翦氏云翦斷滅之言也詩云實始翦商棟案毛鄭

二說皆非也余疋釋詁曰翦勤也周自后稷受封以來

世有爵土自不啻失官社稷幾不血食至於大王初遭

獯鬻之難自幽遷岐始能光復祖宗脩朝貢之職勤勞

王事至於文王三分有二尚合六州之衆奉勤于商周見

書程武王初循服事之誠末年然後受命皆所謂續大

王之緒也楊慎據說文引詩佗職商解云福也以爲大

九經古義卷六

三

滅也宋本亦然說與鄭氏合無訓職爲福之文惟余疋

及天保傳云職福也然實始福商其說大鑿恐未然也

戎狄是膺荆舒是懲史記建元以來矣者年表云戎狄是

應荆荼是徵裴駟注毛傳云應當也鄭玄云徵艾余疋

云應當也故傳从之說文云膺受也又訓受與傳異今

佗膺者蓋沿孟子之誤孟子多俗字當以史記所引爲

正 玄鳥云奄有九有傳云九有九州韓詩佗九域訓與毛傳

同棟案城當佗或說文曰或邦也从口从戈以守一一

地也古或字佗有有字佗又亦佗或詳尚書攷商書云九有

以亾又云以有九有之師皆九州也上云正域彼四方傳云城有也案城

亦當他或

元照標括說文則城即或字不必改



武王載旆史記湯曰吾甚武號曰武王旆說文引他坡治

也荀子引他發坡與發通公孫文子名坡或他發見禮弓注與下協韻

周禮大司馬中夏教芟含鄭注云芟讀如萊沛之沛沛與旆皆音浦具反與芟含音通是旆亦讀為坡古音通也

惠棟曰王伯厚謂鄭康成先通韓詩故注三禮與箋詩異

案鄭志荅昺模云為記注時就盧君先師亦然後乃得

毛公傳記古書義又且然記注已行不復改之盧君謂

盧子幹也先師謂張恭祖也續漢書盧植與鄭玄俱事

馬融同門相友玄本傳云玄又從東郡張恭祖受韓詩

故記注多依韓說六菡論云注詩宗毛為主毛義若隱

略則更表明如有不同即下己意案鄭箋宗毛然亦間

九經古義卷六

西

有從韓魯說者如唐風素衣朱襮以繡黼為綃黼十月

之交為厲王時皇矣侵阮徂共為三國名皆从魯詩衡

門可以樂飢以樂為癯十月之交抑此皇父抑讀為意

思齊古之人無斃斃仝擇泮水狄彼東南狄仝鬻皆韓

詩說也鄭漁仲以素衣朱

綃為齊詩未詳

鄭漁仲云漢氏文字未有引詩序者惟魏黃初四年有曹

共公遠君子近小人之語蓋詩序至是而始行棟案左

傳襄廿九年季札見歌秦曰美哉此之謂夏聲服虔解

詛云秦仲始有車馬禮樂之好侍御之臣戎車四牡田

守之事與諸夏同風故曰夏聲詩正義引之又蔡邕獨斷載

周頌卅一章盡錄詩序自清廟至般詩一字不異何得

戒在東曰讀詩記引晝氏曰韓詩作  
古之人無擇此說無本據仲之言益不足  
據

戒在東曰獨斷所載詩序初後乃七  
不同意蓋相傳之可未以增謂是魯詩

雖前此未有此說然可信也

云至黃初時始行于世耶漁仲又謂詩序作于衛敬仲亦臆說

毛公傳詩世謂趙人毛萇撰而不知爲大毛公也薛君爲韓詩章句世謂淮陽薛漢撰而不知爲薛夫子也大毛公名亨魯人著故訓傳見詩譜及初學記薛夫子名方回字夫子廣德曾孫漢之父也見唐書宰相世系表

毛詩古義下

九經古義卷第六終

益都李文藻覆校

九經古義卷六

五

周禮古義上

九經古義卷第七

天官膳人注云膳之言夕也說文管乾肉也从殘肉日以  
晞之與俎同意籀文侖管夕古字通穀梁傳云  
日入至于星出謂之管管子云且管從事王逸楚辭章  
句引詩云樂酒今管是皆以管爲夕管之爲物經夕乃  
乾故言夕或侖久久猶管也外傳云厚味實膳毒韋昭  
曰膳讀若庸管酒漢之爵久白酒亦云管酒張參五經  
文字云說文侖管石經侖昔

大宰六典二曰教典以擾萬民注云擾猶馴也案春秋傳

云乃擾畜龍應劭曰

史記注

擾音柔擾馴也尙書擾而毅

徐廣曰擾一侖柔字本侖擾見玉篇擾有柔音故史記

九經古義卷七

一

或侖柔又有馴音故李軌徐邈皆音尋倫反或音而小  
反失之

九賦注云賈人倍算此漢律也應劭漢書注云漢律人出

一算算百二十錢唯賈人與奴婢倍算

小宰八成一曰聽政役以比居先鄭云比居謂伍籍也比

地爲五因內政寄軍令以伍籍發軍起役者平而無遺

脫也李靖曰春秋左氏傳云先偏後伍又司馬法曰五

人爲伍尉繚子有東伍令漢制有尺籍伍符後世符籍

以紙爲之於是失其制矣

宮正幾其出八注云謂幾呵其衣服持操及疏數者釋文

呵侖荷音呼何反又音何毛居正六經正誤云案闡人

注苛其出入比長注呵問秋官萍氏苛察環人苛留凡  
五處音義皆同而字或作荷或作苛或作呵其實一也  
古字通用俗用大抵如此漢書誰問作何責問作呵亦  
作訶刻虐作苛芙渠作荷棟案刻虐之苛字本作荷毛  
詩序云哀刑政之荷春秋傳云荷慝不佞漢書好持荷  
禮是也今本皆作荷非也荷擔之荷本佞何易何天之衢論語  
何黃是也責問之呵本佞苛漢乙令有呵人受錢見陳羣新  
律說文云廷尉說律至以字斷法苛人受錢苛之字止  
句也苛从止从句則爲苛字經典所無然古文可與句  
通康誥云盡執拘以歸于周說文引書云盡執柯但苛  
从艸从可不从止以苛爲止句故說文以爲不合孔氏

九經古義卷七

二

古文

內饗馬黑脊而般臂螻注云般臂臂毛有文疏云鄭荅洽  
剛童牛之楛牛在手曰楛牛無手以前足當之此馬亦  
然故言般臂北山經曰諸毗之水其中多水馬其狀如  
馬文臂牛尾郭璞云臂前脚也周禮曰馬黑脊而斑臂  
媮

外饗饗士庶子注云士庶子衛王宮者若今時之饗衛士  
矣續漢書禮儀志云饗遣故衛士儀百官會位定謁者  
持節引故衛士八自端門衛司馬執幡鉦護行行定侍  
御史持節慰勞以詔恩問所疾苦受其章奏所欲言畢  
饗賜作樂觀以角抵樂闋罷遣勸以農桑案前漢饗衛

士於曲臺後漢於平樂觀

瘍醫以五氣養之注云五氣當爲五穀字之誤也何焯云氣訂義音餼則字不必改而義得矣棟案說文饋客芻米曰氣氣本餼字經傳無五氣之文內經云五穀爲養五果爲助五菜爲充故鄭據此五氣當爲五穀訂義非也

酒正四飲二曰醫注云醫之字从毆从酉省也案文當云从毆从酒省說文云毆病聲酒所以治病也周禮有醫酒

司裘注中秋鳥獸毼毼釋文云毼音毛棟案毼當爲髦字之誤也鄭氏尙書云中秋鳥獸髦毼中冬鳥獸髦髦涉

九經古義卷七

三

下而誤耳

內司服注六服皆袍制以白縛爲裏使之張顯今世有沙穀者名出于此釋名曰穀粟也其形足足而馭視之如粟也又謂沙穀亦取馭馭如沙也

說文云穀細縛也與鄭說合

地官廛人注故書廛爲壇杜子春讀壇爲廛說云市中空地玄謂廛民居區域之稱案管子五輔篇曰辟田疇利壇宅荀卿子云室廛宅是古廛字皆作壇也

土訓注鄭司農云訓讀爲馴案訓與馴古今字史記五帝

紀云帝堯能明馴德徐廣曰馴古訓字又殷本紀帝舜

命契曰百姓不親五品不馴後漢書又作訓

古文作慈俗作遜

萬石君傳馴行孝謹亦作訓易坤初六象曰馴致其道

鄭注云馴從也徐爰音訓依鄭義漢書韋玄成傳玄成詩云惟我節侯顯德遐聞左右昭宣五品曰訓訓與聞協則知訓讀爲馴先鄭之說信矣

大司徒以土圭之灋則土深正日景以求地中注云故書求爲救杜子春云當爲求案救當作殺古文求說文引虞書云旁殺倂功蔡邕石經般庚云器非殺舊皆以殺爲求

古救字作楛  
棗字作求

其附于刑者歸于士注云士謂主斷刑之官或謂歸于圜土鄭以古土字有作士者故復以圜土釋之詩周頌云保有厥士義作土世本作篇云相土作乘馬卽相土也呂覽任地云后稷曰子能使吾士靖而畊浴士乎高誘曰士當爲土周牧敦亦以士爲土

九經百義卷七

四

小司徒及三年則大比注云大比謂使天下更簡閱民數及其財物也鄭司農云五家爲比故以比爲名今時八月案比是也東觀漢記元初四年詔曰方今八月案比之時李賢後漢書注云案比謂案驗戶口次比之也續漢書禮儀志云仲秋之月縣道皆案戶比民疏云漢時八月案比而造籍書周以三年大比未知定用何月案管子度地篇云令曰常以秋歲末之時閱其民案家人比地定什伍口數別男女大小其不爲用者輒免之有錮病不可作者疾之可省作者半事之

鄉大夫以鄉射之禮五物詢衆庶五曰興舞注云故書舞

爲無杜子春無讀爲舞謂能爲六舞古無與武同音武  
又與舞通禮器云周坐尸詔侑武方注云武當爲無聲  
之誤也論語射不主皮馬融云射有五善焉一曰和志  
體和二曰和容疑和字衍有容儀三曰主皮能中質四曰和  
頌合雅頌五曰興武與舞同漢武梁祠堂畫象云秦武  
陽今叟記佗秦舞陽知古字通

牛人共兵車之牛以載公任器注任猶用也二老堂雜誌  
云宋景文公博極羣書其筆記云余見今人爲學不及  
古人之有根柢每亦自愧常讀式日中有任器字注云  
未詳其任器乃荷擔之具雜見子叟中何言未詳子謂  
禮牛人以載公任器乃六經語而景文但引子叟何耶

九經古義卷七

五

師氏掌國中失之事以教國子弟注云中中禮者也失失  
禮者也故書中爲得杜子春云當爲得記君得失若春  
秋是也三倉曰中得也叟記索隱封禪書云康后與王不相  
中周勃傳勃子勝之尚公主不相中皆訓爲得呂覽云  
禹爲司空以通水潦顏色黎黑步不過窳氣不通以  
中帝心高誘曰中猶得然則中失猶得失故鄭用杜說  
而不改字

保氏五射注鄭司農云五射白矢參連剡注襄尺井儀也  
釋文云襄音讓本佗讓諸音非棟案讓亦音襄古字通  
大戴記投壺篇本云弓旣平張四侯且良浚拾有常旣  
順乃讓乃捐乃讓讓外言讓聲乃隄其堂乃節其行旣志乃

張是讓有襄音

詩角弓讓與凸叶

調人云凡有鬪怒者成之鄭司農云成之謂和之也和之猶今二千石以令解仇怨後復相報移徙之此其類也何休公羊注云古者諸侯有難王者若方伯和平之後後相犯復故罪此調人成之之法也成之者何和之也王褒集僮約注云漢時官不禁報怨引見御覽故二千石以令解之令者漢令有和難之條鄭云後復相報移徙之者案後漢桓譚疏曰今人相殺傷雖已伏法而私結怨讎子孫相報後忿深前至於滅戶殄業而俗稱豪健故雖怯弱猶勉而行之此爲聽人自理而無復法禁者也今宜申明舊令若已伏官誅而私相傷殺者雖一身逃

九經古義卷七

六

亡皆徙家屬於邊其相傷者加常二等不得雇山贖罪如此則仇怨自解譚所云舊令卽先鄭所云移徙之法也

質人同其度量壹其淳制注杜子春云淳當爲純純謂幅廣制謂匹長案管子佗綽制制分篇云衡石一稱斗斛一量丈尺一綽制戈兵一度

上經注云量度若今處斗斛及丈尺愚謂斗斛屬量

戈兵屬度管子是也

掌節皆有期以反節注云將送者執此節以送行者皆以道里日時課如今郵行有程矣漢書趙充國傳云充國陳兵利害六月戊申奏七月甲寅璽書報從充國計此郵行有程之證



元惡陳字見楚辭說文何之引  
義堂

逾師及窆掩磨注云磨者適歷執縛者名也疏云天子千  
人分布六綽之上分布稀疏得所名爲適歷棟謂歷當  
坐稱說文秣稀疏適也讀若歷稀疏適均故謂之適歷  
稍人掌令丘乘之政令注云丘乘四丘爲甸甸讀與維禹  
黻之之黻同其訓曰乘由是改云疏云案毛詩云惟禹  
甸之不爲黻者鄭先通韓詩此據韓詩而言黻黻是軍  
陳故訓爲乘由甸出車一乘可以爲軍故改云乘不爲  
甸也棟案黻古文陳見義雲章小司徒注云甸之言乘  
也讀如中甸之甸又甸祝注云甸之言田也小宗伯注  
云甸讀爲田古陳田字同陳又訓乘又與甸通

司稼巡野觀稼以年之上下出斂灋注云斂灋者豐年從

九經古義卷七

七

正凶荒則損若今十傷二三實除減半疏云鄭舉漢灋  
以況義十傷二三者謂漢時十分之內傷二分三分餘  
有七分八分在實除減半者謂就七分八分中爲實在  
仍減去半不稅於半內稅之案後漢紀云永元五年詔  
今年郡國秋稼爲旱蝗所傷其什四以上勿收田租有  
不滿者以實除之注云所損不滿四者以見損除也然  
則不滿四者謂十傷二三也十四以上勿收田租則不  
在斂灋之內矣

春官司几筵注云筵亦席也鋪陳曰筵藉之曰席然其言  
之筵席通矣大射儀曰賓升就席注云今文席爲筵是  
筵與席古今字故云筵席通

職褻注云職主也周書大聚云立職褻以恤死

大宗伯以血祭祭社稷五祀五嶽注云故書祀佗禋鄴司農云禋當爲祀案小祝保郊禋于社杜子春讀禋爲祀說文云祀或从禋汗簡云古文尙書以禋爲祀

五命賜則注云王莽時以二十五成爲則方五十里合今俗說子男之地王莽傳云諸公一同有衆萬戶土方百里侯伯一國衆戶五千土方七十里子男一則衆戶二千有五百土方五十里附城大者食邑九成衆戶九百土方三十里自九以下降殺以兩至於一成五差備其合當一則案十里爲成成百戶故方百里爲萬戶方七十里爲四千九百戶言五千舉成數也方五十里爲二千五百戶皆與王制合附城猶周之附庸自九成至一成降殺以兩五差計之合一則二十五成之數呂覽慎勢云王者之封建也彌近彌大彌遠彌小海上有十里之諸侯附城一成其古制與康成謂唯劉子駿識之爾小宗伯云凡王之會同軍旅甸役之禱祠肆儀爲位注云若今時肆司徒府也漢書淮南王傳云與諸侯王列侯會肆丞相諸侯議注云肆詣也漢舊儀曰哀帝元壽二年以丞相爲大司徒

肆師注尙書傳曰王升舟入水鼓鐘亞觀臺亞將舟亞宗廟亞案尙書大傳亞佗惡鄭注云惡讀爲亞施宿石鼓文釋云亞汗簡佗亞云古孝經佗惡詳易古義

盛先生曰公易作首釋文亦司  
作功陸處作工

凡師不功則助牽主車注云故書功為工鄭司農工讀為

功古者工與功同字采易繫辭六文之義易以功亦作工

凡國之大事治其禮儀注云故書儀為義鄭司農云義讀

為儀古者書儀但為義今時所謂義為諠

司几筵設莞筵紛純注云紛如綬有文而狹者漢官儀云

綬長一丈二尺闊三尺故云有文而狹

冢人以齋等為丘封之度與其樹數注云別尊卑也王公

曰丘諸臣曰封漢律曰列侯墳高四丈關內侯以下至

庶人各有差易大傳云不封不樹虞翻注云穿土稱封

封古窆字也聚土為樹其說與冢人合丘者丘隧故曰

王公曰丘封者葬下棺故曰諸臣曰封樹數高下無明

九經古義卷七

九

文因引漢律以證之疏以封為聚土樹為樹木皆失之

鄭注檀弓仍以封  
為高下之數非也

大司樂凡有道者有德者使教焉注云道多才執者德能

躬行者若舜命夔典樂教育子是也釋文云育音胃本

亦作胃說文引虞書云教育子云養子使佗善也今薛

宣書古文亦作育亦正育胃皆訓長故馬季長注尚書

亦云胃長也教長天下之子弟詳尚書攷

以樂德教國子中和祇庸孝友注云中猶忠也案中與忠

通漢呂君碑云以中勇顯名義佗忠後漢王常為漢忠

將軍馮異傳佗中古文孝經引詩云忠心藏之何日忘

之見釋今毛詩佗中曾子大孝篇云仁者仁此者也義  
者宜此者也忠者中此者也知忠

上盛先生曰虎進禮樂尚禮實  
志何禮者盛不足即有餘云其  
亦以志為中

與中

凡六樂者文之以五聲播之以八音注云故書播為藩杜子春云藩當為播讀如后稷播百穀之播棟案古藩字亦作播尚書大傳五行云播國宰相行事鄭注云播讀為藩

令去樂注云去樂藏之也春秋傳曰壬午猶釋萬入去籥萬言入則去者不入藏之可知案古人皆謂藏為去春秋傳云去樂卒事又云紡焉以度而去之公羊傳云去其有聲者皆訓為藏顧炎武云漢書蘇武傳掘野鼠去<sup>4</sup>甲實而食之師古曰去謂藏之也陳遵傳皆藏去以為樂師古曰去亦藏也魏志華陀傳去藥以待不祥臣松

九經古義弟七

十

之案古語以藏為去

樂師詔來瞽臯舞注云鄭司農云臯當為告玄謂臯之言號告國子當舞者舞說文曰禮祝曰臯登訶曰奏故臯奏皆从夆周禮曰詔來鼓臯舞臯告之也先鄭讀臯為告者戰國策曰商君告歸延篤以為告歸今之歸寧也東觀漢記田邑傳云邑年三十歷卿大夫號歸罷厭事少所嗜欲號歸即告歸也臯讀為告告讀為號臯告同音故大祝注云臯讀為卒嗥呼之嗥漢書記云高祖嘗告歸之田服虔云告音如嗥呼之嗥是告又讀為嗥然則臯告嗥三字同物同音故二鄭所讀亦無兩義顏籀注漢書以為告字假為嗥音並無別義能朋來經說又以鄭氏前後異讀皆不識古音而妄下雌黃者也

盧先生曰此明有高字則七尺不謂  
手也與國中自尺以及六尺不同疏  
乃誤以為手則高字為懸字舞  
八百

儀禮注疏卷之九引盧植禮記注  
曰古今如古文齊此字是盧  
語漢文樂律以下即劉昭語意改  
引入誤以禮記注為周禮又曰周  
禮儀禮疏皆引鄭語注作十  
以下

盧先生曰在傳作振字國注又  
作趨

大胥注漢大樂律曰卑者之子不得舞宗廟之耐除吏二  
千石到六百石及關內侯到五大夫子先取適子高七  
尺已上年十二到年三十一顏色和順身體脩治者以  
為舞人疏云既云取七尺以上而云十二到三十則十  
二者誤當云二十至三十又引鄉大夫職以為證棟案  
劉昭後漢書補注引盧植周禮注所載大樂律七尺作  
五尺鄭注論語云六尺謂年十五以上則五尺為十二  
審矣賈疏失之

鉶師凡軍之夜三鼈皆鼓之守鼈亦如之注云守鼈備守  
鼓也杜子春云一夜三擊備守鼈也春秋傳所謂賓將  
趨者音聲相似夏官掌固云夜三鼈以號戒杜子春云

九經古義第一

讀鼈為造次之造為擊鼓行夜戒守也春秋傳所謂賓  
將趨者趨與造音相近故曰終夕與燎案鼈說文佗鼈  
云夜戒守鼓也从壹蚤聲禮昏鼓四通為大鼓注佗鼈  
引司馬  
法云 夜半三通為戒晨旦明五通為發明注佗  
响 讀若戚  
鄭於鼓人注用叔重之說杜子春又云鼈讀為憂戚之  
戚與說文合賈疏云言鼈者聲同憂戚取軍中憂懼之  
意趨造音相近長言為趨短言為戚

鞞鞞氏掌四夷之樂注云四夷之樂東方曰鞞南方曰任  
西方曰株離北方曰禁詩云以雅以南是也後漢書陳  
禪傳云尚書陳忠劾禪曰古者合歡白虎通  
佗觀之樂舞於  
堂四夷之樂陳於門故詩云呂雅呂南鞞任朱離注云

毛詩無秣任朱離之文蓋見齊魯之詩也今亡

大卜原兆注云原原田也周易比卦云原筮元永貞干寶

曰原卜也周禮三卜一曰原兆春秋傳曰原田毋毋說

文云毋艸盛上出也高印之田尔疋云高平曰原故曰原兆賈疏以為

之豐罇有似高印之田尔疋云高平曰原故曰原兆賈疏以為

原與原田字同恐大憤憤也

大祝六號五曰齋號注云齋號為黍稷皆有名號也曲禮

曰黍曰薌合梁曰薌其稻曰嘉疏案禮記正義云隋祕

書監王劭勘晉宋古本皆無稷曰明粢一句立八疑十

二證以為無此一句為是今此注所引亦無是句當在

十二證之一也又獻帝宗廟祝嘏辭所薦一元大武黍

九經古義弟七

七

毛剛鬣商祭明眎香合嘉疏職馘豐本而不及明粢又

蔡氏獨斷載祭宗廟禮牲之別名及祭號等皆與曲禮

同獨無稷曰明粢一句

九擗三曰空首穆天子傳云天子賜許男駿馬十六許男

降再拜空首郭璞云空首頭至于地

周禮古義上

九經古義卷弟七終

益都李文藻覆校

周禮古義下

九經古義卷第八

夏官司燿說文曰燿取火於日官名舉火曰燿周禮曰司燿掌行火之政令从火隴聲或作烜从巨案司燿注讀如予若觀火之觀古喚反秋官司烜氏音燬燿讀如衛侯燬之燬鄭氏兩讀許君合而一之蓋本賈侍中之說高誘曰燿讀如權字漢郊祀志云通權火

羅氏云中春羅春鳥注云春鳥蟄而始出者若今南郡黃雀之屬郭義恭廣志云黃雀脂肥絕美江夏竟陵常給

獻大官御覽

司右注司馬灋曰弓矢圍戈矛守戈戟助凡五兵長以衛短短以救長案今司馬灋曰右兵弓矢禦戈矛守戈戟

九經古義第八

一

助凡五兵五當長以衛短短以救長賈公彥曰弓矢圍者圍城時也愚謂圍當作圍古禦字作圍管子墨子書皆然鄭注作圍傳寫之誤今司馬灋為禦字从俗作也方相氏掌蒙熊皮注云冒熊皮者以驚毆疫癘之鬼如今魃頭也應劭風俗通曰俗說凶人魂氣游揚故作魃頭以存之言頭魃然盛大也或為魃頭為觸蠻殊方語也御覽說文云今逐疫有顛頭

大僕建路鼓于大寢之門外以待達窮者與遽令注云鄭司農云窮謂窮窳失職則來擊此鼓若今時上變事擊鼓矣遽傳也若今時驛馬軍書當急聞者亦擊此鼓玄謂遽令郵驛上下程品棟案漢廐律有上變事及驚事

盧先生曰說文音德屬危義字圖亦圖字之誤

告急漢廐律魏改爲郵驛令漢書梅福傳云數因縣道上言變事求假輅傳詣行在所條對急政輒報罷師古曰變謂非常之事黥布傳賈赫上變事乘傳詣長安

職方氏樊毅脩華嶽碑云周禮識方氏歐陽永叔云識字字畫分明非譌闕疑當時周禮之學自如此棟案周禮多古字如檝字佗職職字佗識識字佗志漢時已不能盡攷況後世乎

秋官司圜注鄭司農云圜謂圜土也圜土謂獄城也今獄城圜春秋元命苞曰爲獄圜者象斗運宋均注云佗獄圜者象斗運也初學記引

冥氏注鄭司農云冥讀爲冥氏春秋之冥王伯厚云漢泰

九經古義卷八

二

山冥都傳春秋故云冥氏春秋案夏本紀禹姒姓後有冥氏

糴氏注云書糴或佗夷鄭司農云今俗閒謂麥下爲夷下

言芟夷其麥以其下種禾豆也玄謂糴讀如髻小兒頭

之髻說文云髻髮髮大人曰髻小兒曰髻案甘泉賦云列新雉於

林薄服虔曰新雉香草也雉夷聲相近師古曰新雉卽

辛夷春秋傳曰五雉爲五工正夷民者也服虔曰雉者

夷也夷平也孔穎達云雉聲近夷雉訓夷夷爲平糴讀

如髻者說文云古文雉从弟篆文弟夷字相似荀氏易

渙六四云匪弟所思今本佗夷

蝮氏注鄭司農云蝮讀爲蝮蝮蝦蟇也月令曰蝮蝮鳴玄



謂蠧今御所食蛙也字从虫國聲蠧乃短狐與案說文  
蠧正字也蠧或字也許氏以爲短狐

壺涿氏注云故書涿爲獨鄭司農云獨讀爲濁其源之濁  
音與涿相近書亦或爲濁

大司寇凡庶民之獄訟以邦成弊之注云邦成八成也鄭  
司農云邦成謂若今時決事比也士師職云掌士之八  
成先鄭云行事有八篇若今之決事比則八成謂邦治  
邦賊以下八事賈疏以爲小宰之八成非也東觀漢記  
鮑昱傳云時司徒例訟久者至十數年比例輕重非其  
事類錯雜難知昱奏定決事都目八卷以齊同法令息  
邊民訟則知漢時決事雖多至三百餘篇其都目以八

九經古義卷八

三

篇爲卒故先鄭引以爲證

小司寇云凡命夫命婦不躬坐獄訟注云不身坐者必使  
其屬若子弟也杜預僖廿八年傳注云傳曰王叔之宰  
與伯與之大夫坐獄於王庭各不身親蓋今長吏有罪  
先驗吏卒之義

以八辟麗邦灋注云杜子春讀麗爲羅玄謂麗附也易曰  
日月麗乎天案麗者離也離猶罹也羅當作罹洪範云  
不罹于咎史記引作離尚書大傳引作麗古字並通

議親之辟注鄭司農曰若今時宗室有罪先請是也漢書  
平帝紀元始元年令公列侯嗣子有罪耐以上先請續  
漢書百官志云宗室若有犯法當髡以上先詣宗正宗

正以聞乃報決

議賢之辟注鄭司農云若今時廉吏有罪先請是也宣帝黃龍元年詔曰舉廉吏誠欲得其真也吏六百石位大夫有罪先請

議能之辟說文曰罷遣有辜也从网能言有賢能而入网而貰遣之周禮曰議能之辟

議貴之辟鄭司農云若今時吏墨綬有罪先請是也後漢光武紀云建武二年詔曰吏不滿六百石下至墨綬長相有罪先請蔡邕橋公碑云遷齊相臨淄令賂財贓多罪正受鞫就刑竟以不先請免官

大賓客前王而辟鄭司農云若今時執金吾下至令尉奉

九經古義卷八

四

引矣續漢書輿服志云乘輿大駕公卿奉引大僕御大將軍參乘乘輿濠駕八卿不在鹵簿中河南尹執金吾雒陽令奉引奉車郎御侍中參乘

士師掌士之八成一曰邦汙鄭司農云汙讀如酌酒尊中之酌國汙者斟汙盜取國家密事若今時刺探尚書事詩正義云汙與酌古今字周頌酌左傳佗汙公芊僖八年經云鄭伯乞盟傳云蓋酌之也注云酌挹也穀梁佗汙是汙爲挹取之義沈約曰寫書謂之刺漢制不得刺尚書事是也後漢書楊倫傳尚書奏倫探知密事應劭風俗通云司徒韓演伯南爲丹楊大守坐從兄季朝爲南陽太守刺探尚書演法車徵蓋漢律有此條故鄭據

以爲說

誦士云凡四方之有治於士者造焉注云如今郡國亦時遣主者吏詣廷尉議者棟案此請讞之法當在漢興律篇中胡廣漢官篇解詁曰廷尉當疑獄北堂書漢書景帝紀後元年詔曰獄疑者讞有司有司所不能決移廷尉有令讞而後不當讞者不爲失杜周傳云周爲廷尉二千石繫者新故相因不減百餘人郡吏大府舉之廷尉一歲至千餘章大者連逮證案數百小者數十人遠者數千里近者數百里會獄注云舉皆也言郡吏大府獄事皆歸廷尉也陳湯傳廷尉增壽議以爲臣下承用失其中故移獄廷尉如淳曰移獄廷尉如今讞罪輕重于

九經古義卷八

五

定國傳定國爲廷尉冬月治請讞飲酒益精明是漢時疑獄皆讞於廷尉後漢襄楷上疏曰頃數十歲以來州郡玩習又欲避請讞之煩輒託疾病多死牢獄蓋自安順而後請讞之法稍弛矣

朝士凡士之治有期日期內之治聽期外不聽注鄭司農云若今時徒論決滿三月不得乞鞠鄧展曰漢律有故乞鞠司馬貞案晉令云獄結竟呼囚鞠語罪狀囚若稱枉欲乞鞠者許之也新律序云二歲刑以上除以家人乞鞠之制省所煩獄也二歲刑謂

耐以上此  
魏世所改

凡民同貨財者令以國灋行之犯令者刑罰之注云若今時加貴取息坐臧漢書王子侯表云旁光侯殷坐取息

過律免陵鄉侯訢坐貸穀息過律免息有程限過律則坐臧也

司刑注鄭司農云漢孝文帝十三年除肉刑疏云所赦者唯赦墨劓與剕三者其官刑至隋乃赦也尚書正義曰漢除肉刑除墨劓剕耳官刑猶在大隋開皇之初始除男子官刑婦人猶閉於宮崔浩漢律序曰文帝除肉刑而宮不易張斐律注云以淫亂人族序故不易也棟案漢書鼂錯對策曰除去陰刑張晏曰官刑也則漢文亦除宮刑矣或後仍復之賈孔之說蓋本崔張

司刺三赦注云若今時律今年未滿八歲八十以上非手殺人他皆不坐光武紀建武三年詔曰男子八十以上

九經古義卷八

十歲以下及婦人從坐者自非不道詔所名捕皆不得繫鄭氏孝經注云手殺人者大辟即漢律所云不道也

司厲其奴男子入于罪隸女子入于春臺注云鄭司農云今之為奴婢古之罪人也立謂奴從坐而沒入縣官者男女同名高誘曰漢律坐父兄沒入為奴魏志毛玠傳漢律罪人妻子沒為奴婢黥面說文曰男入罪曰奴女入罪曰婢初學記引風俗通曰古制本無奴婢即犯事者或原之臧者被臧罪沒入為官奴婢獲者逃亾獲得為奴

婢也初學記引

掌戮殺王之親者辜之注云辜之言枯也謂磔之荀子正論云斬斷枯磔注云韓子曰采金之禁得而輒辜磔內備

說

辜即枯也又莊子有辜人巫咸文云暴虐不姑姑與

枯通易大過之九二云枯楊生萑鄭讀枯為姑謂無姑

山榆是辜枯姑三字古皆通也

壺涿氏注杜子春云棹讀為枯枯榆木名與鄭

注易同

條狼氏掌執鞭以趨辟注云若今卒辟車之為也續漢書

志云大使車立棗駕駟從伍百瓌弩十二人辟車四人

雜氏掌殺草秋繩而芟之注云舍實曰繩釋文曰繩音孕

棟謂繩當為繩字之誤也管子五行篇繩婦不銷弃注

云繩古孕字大玄馴首曰繩其膏人一月而膏繩與繩

同玉篇云繩或孕字汗簡云古文尚書以繩為孕孕讀如繩

易漸九三婦孕不育苟爽本孕俗棗棗繩聲近故漸九五云鴻漸于陵婦三歲不孕終莫之勝

九經古義卷八

七

伊耆氏共其杖咸注云咸讀為函古咸與函通毛詩巧言

曰僭始既涵韓詩佗既滅滅猶涵也司馬相如封禪文

云上咸五下登三徐廣曰咸一佗函漢書天文志閒可

械劔蘇林曰械音函

大行人云諸侯之禮立當前疾毛居正六經正誤云案車

上無名疾者說文軌車軾前也久車凡聲周禮曰立當

前軌音範疑此近是棟謹案禮說云諸侯來朝行享於

廟入大門下車所立之位上公立當車軾侯伯立當前

侯子男立當車衡案侯俗佗疾唐石經及宋本皆同論語邢昺疏

鄉黨引周禮佗前侯云侯伯立當前侯胡下又小雅蓼蕭

章孔疏引大行人亦佗前侯蓋說文疾佗疾古文疾佗

疾相似易亂故前疾譌爲前疾賈疏不詳莫能辨正俗本流傳誤人久矣又案說文引周禮佗前軌云軌車軌前也詩小戎陰靽傳云陰揅軌也孔疏謂以板木橫側車前陰映此軌故謂之陰考工記軌前十尺謂軾前曲中下垂柱地如人之頸故謂之疾疾猶胡也故鄭注訓爲胡以其在軌前故曰前疾然則陰也疾也胡也皆前軌之名揅軌曰陰曲中曰疾下垂曰胡總名爲軌當依說文定佗軌則前衡後軾而軌在其閒讀者一見而心目了然矣

凡諸侯之王事注云孟子曰諸侯有王毛氏正誤曰諸本皆云孟子曰諸侯有王案孟子無此句小行人注引春

九經古義卷八

八

秋傳曰宋公不王又曰諸侯有王王有巡守此注是也棟案藝文志孟子十一篇趙臺卿題辭云著書七篇又有外書四篇性善辨文說孝經爲正其文不能弘深不與內篇相似外篇今亡秦漢諸人引孟子者今孟子皆無之見王伯厚攷證鄭氏所引安知不在外篇乎毛說未是劉昌詩云新喻謝氏多藏古書有性善辨一映則知與文說孝經爲正是謂四篇然則孟子逸書宋時猶有存者唐時尚未亡也

小行人云令諸侯春入貢秋獻功注云秋獻功若今計文書斷於九月其舊法盧植曰計斷九月因秦以十月爲

正故

劉昭注補

司儀問君客再拜對君問大夫客對君勞客客再拜稽首

盧先王曰孟子外篇四卷前全謂元劉於京師海寧吳騫刻本此句在孝經篇 戒 卷曰孟子外篇後 概 他 它 書 改 易 爲 之 非 本 文

注云問君曰君不恙乎對曰使臣之來寡君命臣于庭  
問大夫曰二三子不恙乎對曰寡君命使臣于庭二三  
子皆在勞客曰道路悠遠客甚勞勞介則曰二三子甚  
勞王伯厚曰此亦見說苑鄭氏所述蓋古禮也賈疏云  
未知所出何文或云是孔子聘問之辭棟案襄廿七年  
春秋傳曰仲尼使舉是禮也以爲多文辭服虔云以其  
多文辭故特舉而用之後世謂之孔氏聘辭此書漢時  
猶存故鄭引之或說非無據也

行夫居於其國則掌行人之勞辱事焉使則介之注云使  
謂大小行人也故書曰夷使鄭司農云夷使使於四夷  
玄謂夷發聲案此則夷使猶焉使也晉語云焉佗爰田

九經古義卷八

賦在東曰此言覽也淮南則作志

焉佗州兵淮南子云天子焉始乘舟禮記云故先王焉  
爲之立制又云焉使倍之公羊傳云比託始焉爾又云  
吾將焉致乎魯國皆訓爲於篆文焉於相似故於亦佗  
焉焉使者言於行人之使則爲之介劉氏音焉爲夷非  
也或以焉屬上句尤誤

考工記佗舟以行水注云故書舟佗周鄭司農云周當爲  
舟隸法周佗用又佗舟舟佗舟或佗舟字本相類謹案  
詩說云大東舟人之子鄭曰舟當佗周案集古錄庚父  
敦銘有伯庶父佗王姑舟尊敦或謂舟爲丹又以爲井  
董廣川以爲朱鮪集字舟爲古文周字  
汗簡云朱  
育集字 顧壘  
王釋亦引詩爲証又史伯碩父鼎銘亦有王母舟母四

盧元曰漢元帝時委由舟中  
洪注云舟爲周元此說說文  
乃部有舟字云平偏也

十二字則舟卽爲周舟人之子卽上文西人之子也詩以舟爲周考工以周爲舟義並通

輪人以其圍之防稍其藪鄭司農云藪讀爲蜂藪之藪謂穀空壺中也案說文曰櫟車穀中空也从木梟聲讀若藪然則藪本作櫟讀爲藪也

參分其輻之長而殺其一注云殺衰小之也案殺猶衰也

見儀禮注衰亦訓小春秋傳云其周德之衰乎注云衰小也

小猶殺也

輶人大車之輶擊注云擊輶也案擊本軒輶字或作輶見

淮南子或作輶見儀禮注既夕云志矢一棄軒輶中廬

人注云反覆猶軒輶也軒輶猶軒輶毛詩如輶如軒傳

九經古義卷八

云輶擊也張有復古編云輶抵也从車執別作輶非

輶欲頌典注云頌典堅刃貌鄭司農云頌讀爲懇典讀爲

殄駟車之輶率尺所一縛懇典似謂此棟案殄古文腆

字腆善也尺許一束一輶五束故謂善也毛詩籩條不

殄箋殄當爲腆燕禮不腆之酒注云古文腆作殄

終日馳騁左不捷注云書捷或作券玄謂券今倦字也說

文券勞也漢涼州刺史魏君碑云施舍不券是券與倦

同毛居正六經正誤云券契字皆从刀古者刻木爲之

故从刀从力者古倦字考工記輶人左不券是也

冶氏案周有冏冶氏爲齊大公置良劔見戰國策高誘注

曰冏姓冶官名也因以爲氏知鑄劔曉鐵理能相劔

元經宋淮南本經訓曰下殄地射  
高誘注珍書也殄讀曰典



鮑人云察其線欲其藏也注云故書線或作綜杜子春云綜當爲糸旁泉讀爲網謂縫革之縷說文綫縷也古文  
佗線紉與綜相似漢書功臣表云不絕如縷晉灼曰縷  
今線縷字以線爲今文未之攷也

韞人爲皋陶穹者三之一鄭司農云穹讀爲志無空邪之

空案弟子職云志無虛邪或古本虛佗空故讀佗之古

穹與空同韓詩白駒云在彼穹谷文選注今詩穹佗空薛君

曰穹谷深谷也

玉人天子用全上公用龍侯用瓚伯用將注云玉多則重

石多則輕公侯四玉一石伯子三玉二石說文曰全純

玉也龍四玉一石也瓚三玉二石也將說文佗埒埒玉

九經古義卷八

士

石半相埒棟案鄭氏之說本逸禮王度記引見白虎通許氏

之說蓋本賈逵達佗周官解故許佗之受學故說文多

依其說

矢人凡相筈欲生而搏生謂材生也古謂初取之材爲生

管子曰棟生橈韓非子曰涂濡而椽生皆謂初取之材

也生而搏者燥則直是良材也

梓人爲飲器勺一升爵一升觚三升趙明誠曰大觀中漣

之昌樂丹水岸得爵及觚二器以觚量之適容三爵與

攷工記合鄭氏據韓詩以爲觚當佗觶七經小傳云一

以一升酬以三升也并而計之爲四升四升爲豆豆獻

非飲器其計數則然此劉氏欲開鄭氏改豆爲斗之說  
案文云爵一升觚三升一獻而三酬適合一斗之數故  
鄭云豆當爲斗如劉氏之說當云一獻而一酬乃合一

豆之  
數

廬人灸諸牆注云灸猶柱也釋文云灸音救討也音樹灸  
說文引佗久云从後灸之象人兩脛後有距也案既夕  
云木析久之注云久當爲灸士喪禮云冪用疏久之注  
云久讀爲灸謂之蓋塞其口下注云以柱兩牆之間輓  
而內之與儀禮久之同義是久爲古文灸爲今文也灸  
从

火久聲古  
文省火

車人為耒庇長尺有一寸鄭司農云庇讀爲其頰有疵之  
疵謂耒下岐疏云俗人謂頰額之上有疵病故讀從之  
棟謂其頰有疵當在孟子今書疵佗泚或先鄭所據本  
與趙氏異耳賈疏失之

九經古義卷八

七

弓人菑栗不弛注云栗讀爲裂繻之裂毛詩東山曰烝在  
栗薪箋云栗析也古者聲栗裂同也

周禮古義下

九經古義卷第八終

潮陽鄭安道覆校



九經古義 下冊

儀禮古義上



九經古義卷第九

士冠禮旅占注云古文旅作臚案周禮司儀旅攬先鄭曰

旅讀為旅於泰山之旅後鄭云旅讀為鴻臚之臚陳之

也班固述贊曰大夫臚岱侯伯僭時鄭德云臚岱季氏

旅於泰山是也顏監曰旅陳也臚亦陳也臚旅聲相近

其義一耳禹貢曰蔡蒙旅平傳云祭山曰旅韋昭音盧

盧籀文臚周書諡法曰惟三月既生魄周公旦太師望

相嗣王發既賦憲受臚于牧之野臚卽旅也

兄弟畢袵注云袵同也玄者玄衣玄裳也古文袵為均

棟案袵玄卽漢之衿衿司馬彪輿服志云郊祀之服皆

以衿玄淮南子云尸祝衿衿高誘曰衿純服衿墨齋衣

九經古義卷九

一

也篆書袵與衿相似古文佗均故左氏僖五年傳云均

服振振祭服上下皆玄故謂之衿玄戎事上下同服故

謂之均服服虔注左傳以均服為黑服月令曰乘玄路

是鄭意亦以衿為玄

將冠者采衣紒注云紒結髮古文紒為結廣雅曰髻結也

曹憲曰案說文卽籀文髻字也古髻字皆佗結漢有假

結安箇結大手結周禮注結佗紒俗佗髻

主人酬賓束帛儷皮注云儷皮兩鹿皮也古文儷為離說

文云麗旅行也鹿之性見食急則旅行从鹿兩聲禮

麗皮納聘蓋鹿皮也謙周古史考云伏犧制嫁娶以儷

皮為禮古文佗離者易離彖云離者麗也禮月令云宿

載在東山所引周書見國學記  
開本無此文

離不貸注云離讀如儷偶之儷兩鹿皮者士昏禮注云  
麗兩也春秋傳云鳥獸猶不失儷是儷爲兩也

再醮攝酒注云攝猶整也整酒謂撓之漢書匈奴傳云單  
于以徑路刀金留犁撓酒應劭曰撓和也鄭以攝酒有  
撓撓之事故舉漢法以明之

眉壽萬年注云古文眉作麋大戴禮王言云孔子愀然揚  
麋盧辨注云麋一作眉荀卿子非相云伊尹之狀面無

須麋揚倮云麋與眉同漢書皆以麋爲眉歐陽公集古錄云漢故北海相景君碑有云不永麋壽全家集錄三代古器銘有云眉壽者皆爲麋壽蓋古字簡少通用至漢猶然也

永受胡福注云胡猶遐也遠也案詩隰桑云心乎愛矣遐  
不謂矣禮記引此詩遐作瑕鄭注云瑕之言胡也遐胡

九經古義卷九

二

互訓古音通詩言胡考周禮諡法彌年壽考曰胡

令月吉日昭告爾字爰字孔嘉髦士攸宐釋文云字叶音  
滋案虞書鳥獸孳尾史記作字微郭忠恕汗簡云古文  
尚書字作孳是字本有滋音母容叶也

記母追夏后氏之道也注云母發聲也追猶堆也案追古  
堆字枚乘七發曰踰岸出追李善曰追亦堆字今爲追  
古字假借之也說文云自小阜也徐鉉曰今俗作堆河  
東風陵堆戴延之謂之風墀

以官壽人德之殺也注云殺猶衰也繫上曰古之聰明睿  
知神武而不殺者夫虞翻注云乾坤坎離反復不衰亦  
讀殺爲衰淮南說山云上有三衰下有九殺衰音近殺

臧在東白塵作眉四字乃校者  
之詞非盧注文

盧先生曰全注疏本所載乃木子經  
傳通解之音非釋文也

故云殺猶衰也棟案衰猶差也荀卿子云相地而衰政  
注衰差也九章算術謂差分爲衰分說林云大小之衰  
然注云衰差也春秋傳曰遲速衰序又云其周德之衰  
乎注云衰小也小猶殺也彼此互訓文王世子云親親  
之殺也注云殺差  
也昂差  
與衰同

士昏禮鄭目錄云日入三商爲昏賈疏云商謂商量是漏  
刻之名故三光靈曜亦日入三刻爲昏不盡爲明孔氏  
詩正義云尙書緯韻刻爲商然則三光靈曜當佗考靈  
曜漢三神鑑銘曰吾佗明鏡幽鍊三商蓋本書緯

皇舅某子曰知錄云士昏禮皇舅某子此或諡或字之稱  
與聘禮皇考某子同疏以爲若張子李子婦人內夫家

九經古義卷九

三

豈有稱其舅爲張子李子者哉案經云婦執筭菜祝帥  
婦以入祝告稱婦之姓曰某氏來婦敢奠嘉菜于皇舅  
某子張稷若儀禮節解云疏之意或以婦新入門稱姓  
以告故亦以姓稱其舅春秋傳云男女辨姓其此之謂  
記父醮子命之辭曰荀子云禮父南鄉而立子北鄉而跪  
醮而命之

勗帥以敬先妣之嗣荀子云隆帥以敬先妣之嗣案文隆  
訓盛義亦通鄭注儀禮佗勗者當由避殤帝諱改隆爲

勗如毛詩隆衝爲臨衝郡國志隆慮爲臨慮荀子

隆慮爲  
臨慮漢時經學皆受之師時君之諱既經改易隨文

釋之非復故書之義許叔重說文解字每載上諱不更

箋釋亦此例也上文贊啓會注云今文啓爲開既夕讀啓期同賈公彥云高堂生所傳者爲今文案生爲漢初人不應爲景帝諱明經師相傳遂爲故實非盡高堂之舊也

視諸衿聲注云視乃正字今文作示俗誤行之曲禮曰幼子常視無誑注云視今之示字詩鹿鳴曰視民不佻箋云視古示字也古文春秋傳皆以視爲示賈公彥曰古人字少眼目視瞻與以物示人皆作視字棟案示本神祇字古視瞻之視皆作眊周禮說文皆同啓母廟石闕銘云昭眊後爲示眊以眊鄭所據古文儀禮知視爲古示字郭忠恕撰佩觿以鄭氏此說大與說文石經相乖竊所未喻

九經古義卷九

四

士相見禮衆皆若皐注云今文衆爲終易雜卦云大有衆也荀爽本衆作終史記五帝紀云怙終賊刑徐廣曰終一化衆春秋傳有魯大夫衆仲明堂月令云衆雨蚤降釋草云樂貫衆皆讀爲終仙人韓終亦作韓衆古衆字皆終音

鄉飲酒禮衆賓辯有脯醢注云今文辯皆作徧古辯徧通用史記曰辯于羣神今尙書作徧春秋傳云子言辨舍齋于季氏之廟杜氏云辨徧也荀子脩身篇云扁善之度注云扁讀爲辨韓詩外傳云君子有辨善之度古徧字皆作辯司馬遷從孔安國問故遷書多古文春秋傳多古字古言故皆以辯爲徧鄉射禮云司射乃比衆耦辯注云衆賓射者降比之

臧在東曰今注引今月今作取兩說文明堂月今作實兩此潤舉之非是

耦乃徧是鄭亦讀辯爲徧

遵者降席東南面注云遵者謂此鄉之人仕至大夫者也

今文遵爲僎或爲全論語云異乎三子者之僎鄭禮記注云僎讀爲詮詮之言善也

冠儀曰介僎象陰陽也注云古文禮僎皆作遵又少儀

僎爵注云僎或作駟本亦作駟古文禮僎作遵鄉射禮注云謂之遵者方

以禮樂化民欲其遵法之也

公如大夫八注云如讀若今之若周禮旅師職云而用之

以質劑致民注云而讀爲若聲之誤也棟案古而與如

通如猶若也故如而或讀爲若鄭以爲聲之誤則古讀

而如若也

主人釋服注云古文釋作舍大射儀云獲而未釋獲注曰

九經古義卷九

古文釋爲舍周禮大胥職云春入學舍采注云舍卽釋

也占夢職云乃舍萌于四方注云舍讀爲釋舍萌猶釋

菜也古書釋菜釋奠多作舍字

鄉射禮不貫不釋注云古文貫作關棟案呂氏春秋云中

關而止謂關弓弦正半而止卽儀禮所謂不貫也貫與

關古今通史記五子胥傳云五胥貫弓執矢嚮使者注

云貫鳥還反後漢祭彤傳能貫三百斤弓司馬貞曰滿

張弓一云貫謂上弦也古串與患通又讀爲貫故古文患作悶从心關省聲也

箭籌八十長尺有握握素注云握本所持處也素謂刊之

也握本以作膚張稷若節解曰握本以作膚以字疑誤

別本刊本一作膚亦費解或刊本一讀義屬上句一作

刊本刻其本也一膚所刊之尺寸也行一作字遂不可通



盧先生曰經傳通解作膚  
監本誤衍作宇忠說與經注皆不  
合

膚指握手有佗膚者四指曰膚與握義同握四指卽四寸籌長尺四寸其四寸則刊之使白也愚謂案文當云握本或佗膚張氏以爲刊本一讀屬上句非也

唯君有射于國中注云古文有佗又汗簡云古文尙書有

佗又石鼓戊文一佗甲文云滿滿又魚董適曰又通佗有秦

惠王詛楚文云又秦嗣王義佗有古文又又佗有周易

繫辭曰履信思乎順又以尙賢也鄭氏易又佗有詩長

發云有虔秉鉞箋云有之言又也內則云凡養老五帝

憲三王有乞言注云有讀爲又戰國策公子他謂趙王

曰今又案兵劉錢本又佗有說文云有者不宐有也佗

月又聲春秋傳曰日月有食之

九經古義卷九

六

燕禮云更齋注云古文更爲受大射儀同周禮巾車云歲時受

讀杜子春云受當爲更春秋昭廿九年傳云以更豕韋

之後史記更佗受知古文更字皆爲受

升騰觚于賓注云騰送也讀或爲揚揚舉也今文騰皆佗

騰檀弓下篇云杜蕢洗而揚觶注云禮揚佗騰宋本佗騰非

揚舉也騰送也揚近得之

升騰觚于公注云此當言騰觶酬之禮皆用觶言觚者字

之誤也古者觶字或佗角旁氏由此誤爾上經云主人

坐奠觶與筐注云古文觶皆爲觶又云主人拜受受字當佗

送觶注云今文觶佗觶說文曰觶禮經觶漢書高帝紀

云上奉玉卮應劭曰飲酒禮器也古以角佗受四升詩韓

元照宋史記周本紀曆史大外  
華殿舊注云監本史作受

說云三升曰觶四升曰角大射儀云侍射者降洗角觶疏云角觶以兕角爲之非謂四升曰角者也古卮

字佗觶鄭氏駁五經異義曰觶角旁氏汝穎之閒師讀所佗今禮角旁單古書或佗角旁著氏則是與觶相涉學者多聞觶寡聞觶寫此書亂之而佗觶耳

對曰寡君君之私也注云私謂獨受恩厚也棟謂私猶屬也若邾滕之于齊宋故叔孫豹云邾滕人之私也上介致辭謙言屬國

大射儀云西階之西頌磬東面注云言成功曰頌西爲陰中萬物之所成古文頌爲庸鄭氏尙書云笙庸以閒注云西方之樂謂之庸庸功也西方物孰有成功亦謂之頌頌亦是頌其成也

九經古義卷九

七

綴諸箭注云箭篠也古文箭佗晉周禮大行人云揚州其利金錫竹箭注云故書箭爲晉杜子春日晉當爲箭書亦或爲箭古讀晉如箭故摺紳亦佗薦紳

且左還注云古文且爲阻棟案古鐘鼎文祖字皆佗且如祖乙卣盥和鍾文王命癘鼎師毀散皆然尙書黎民阻飢今文佗祖飢徐廣曰祖始也孟康曰古文言阻古文祖佗且且阻同字故儀禮尙書皆佗阻

奏狸首注云狸首逸詩曾孫也狸之言不來也漢書郊祀志云周靈王卽位時諸侯莫朝周長弘廼明鬼神事設射不來不來者諸侯之不來朝者也封禪書云設射狸首徐廣曰狸一名不來棟謹案禮說云不來反爲狸猶

并夾為籥終葵為推邾婁為鄒勃鞞為披周伯琦云鄒古邾婁國外

傳勃鞞內壽夢為棄不可為巨芊舌職說死俗芊殖舌職為殖也顯孫師之子

為申祥顛後世反切之學出之此狸首之詩與祭侯之

辭皆言諸侯來朝之禮不來者不寧侯故抗而射之然

則萇弘行古禮說者謂依物怪以致諸侯妄矣康成詩譜云射

禮天子以騶虞諸侯以狸首大夫以采蘋士以采芣為節今無狸首周衰諸侯並僭而去孔子錄詩不得熊

氏經說云狸首之詩古人以為射節小戴射儀所記詩曰曾孫侯氏四正具舉大夫君子凡以庶士小大莫處

御於君所以燕以射則燕則譽此狸首之詩也大戴投壺篇所記上章本同而前一句曾孫侯氏為數句隔斷

恐泰射張侯等語本以解說侯氏因亂入正文爾下文又換韻曰弓既平張四侯且良決拾有常既順乃讓乃

也劉原父七經小傳云或曰狸首鵲巢也篆文狸似鵲首似巢鵲巢之詩御之

將之成之此亦附會之過

九經古義卷九

儀禮古義上

九經古義卷弟九終

欽州馮敏昌覆校

儀禮古義下

九經古義卷第十

聘禮云管人布幕於寢門外注云管猶館也古文管作官  
今文布作敷易隨初九云官有渝蜀才本官作館穆天  
子傳云官人陳牲義作館

及廟門公揖入立於中庭棟案立讀為位周禮小宗伯之  
職掌建國之神位注云故書位作立鄭司農云立讀為  
位古者立位同字古文春秋經公即位為公即立史記  
周本紀云武王既入立于社南今周書克殷解文也案  
其文云王入即位于社是立字當作位也古鐘鼎文如  
周毛父敦銘及盥和鍾立字釋者皆訓為位又周邠敦  
銘云毛伯內門立中庭周戠敦銘云蘇公入右戠立中  
庭北鄉韋弘嗣許叔重皆云列中庭之左右曰位明立  
字亦當作位釋者仍訓為本字非也

九經古義卷十

一

賓進訝注云今文訝為梧公食大夫禮云上介受賓幣從  
者訝受皮注云今文曰梧受既夕若無器則梧受之注  
云謂對相授疏云梧即逆也對面相逢受案梧本作梧  
訓為逆訝亦逆也既夕注不疊古文明古文訝亦有作  
梧也

漢書司馬遷傳贊云或有抵梧如淳  
曰梧讀曰逆戰國策樓梧亦作樓梧

歸饗餼五牢注云今文歸或為饋案古文論語如詠而饋  
饋孔子豚魯論皆作歸士虞禮注云饋猶歸也

車乘有五簋注云簋讀若不數之數今文簋或為逾下記  
曰十六斗曰簋注云今江淮之間量名有為簋者今文

元照家藏本刻本儀禮要義  
作選亦作逢選同刻較之對面  
相逢也逆字誤

簋爲逾包咸論語注云十六斗曰庾庾卽逾也古文侑

醜黍清皆兩壺注云醜白酒也凡酒稻爲上黍次之梁次之皆有清白以黍閒清白者互相備明三酒六壺也漢律曰稻米一斗得酒一斗爲上尊稷米一斗得酒一斗爲中尊粟米一斗得酒一斗爲下尊顏師古曰稷卽粟也中尊者宜爲黍米不當言稷蓋據此注而言邢昺曰稷粟一物而本草稷米在下品別有粟米在中品又似二物故先儒甚疑焉

侑幣注云古文侑皆侑宥案春秋傳侑皆侑宥又周禮三宥管子侑三侑古字通用

九經古義卷十

二

記云百名以上書於策不及百名書於方注云名書文也今謂之字策簡也方板也疏云鄭佗論語序云易詩書禮樂春秋策皆尺二寸孝經謙半之論語八寸策者三分居一又謙焉是其策之長短鄭注尙書三十字一簡之文服虔注左氏云古文篆書一簡八字是一簡容字

多少者

策當佗策板當佗版

臧曰釋文作版

問幾月之資注云資行用也古文資佗齋周禮外府云財用之幣齋先鄭云齋或爲資今禮家定齋佗資後鄭云玄謂齋資同耳其字以齊次爲聲從貝變易古字亦多或

公食大夫禮云宰夫設黍稷六簋于俎西注云古文簋皆

佗軌周禮小史云敘昭穆之俎籩注云故書籩或爲几  
鄭司農云几讀爲軌古文也易損卦云二簋可用享蜀  
才本籩佗軌從古文

覲禮云侯氏降階東北面再拜稽首擯者延之曰升注云

從後詔禮曰延延進也案漢舊儀云丞相御史大夫初

拜皇帝延登親詔登猶升也

書逸嘉禾篇曰周公奉鬯立于階階延登贊曰假王

茲政勤和天下此闢中古文與覲禮備者延升合假讀爲格正也

四享皆束帛加璧注云四當爲三古書佗三四或皆積畫

此篇又多四字字相似由此誤也鄭志答趙商曰古三  
四積畫說文曰三籀文四賈公彥云古書佗三四之字  
或皆積畫者堯典云帝曰咨三岳臬陶云外薄三海泰

九經古義卷十

三

誓序云佗泰誓三篇是古書三四皆積畫也春秋傳子  
革云是四國者專足畏也劉光伯規過云楚語云今吾  
城三國無四國也炫謂古四字積畫四當爲三

大史是右註云古文是爲氏曲禮曰五官之長曰伯是職

方注云是或爲氏漢書云造父後有非子玄孫氏爲莊

公顏監曰氏與是同韓勅脩孔廟後碑以於氏爲於是

漢末有是儀亦佗氏陳承祜撰魏志以爲孔文舉改氏

爲是殊不知營陵是姓順帝前已見于碑

見洪适隸續何至

漢季始改氏爲是乎當時以是氏兩字本通故或稱氏

或稱是非有異義白裘不識蕃皮陳壽不辨是氏古字

古音皆亾于晉惜哉

士喪禮云陳襲事于房中西領南上不精注云精讀爲絳  
屈也江沔之間謂縈收繩索爲絳古文精皆精說文云  
絳紆未縈繩讀若旌案孟郁脩堯唐碑精字作旌與古  
音合釋文音絳爲側庚反非也

布巾環幅不鑿注云古文環作還案古環字皆作還春秋  
傳云諸侯之師還鄭而南又哀三年傳云道還公宮公  
羊傳云以地還之也又云師還齊侯漢書食貨志云還  
廬樹桑皆讀爲環

決用正王棘注云世俗謂王棘砭鼠言王棘可以砭鼠也  
砭古磔字史記李斯列傳云十公主砭死於杜張守節  
云砭音貯格反司馬貞曰砭音宅與磔同古今字異耳

九經古義卷十

四

司馬公類篇云王棘一名砭鼠劉昌宗音砭爲托皆失

之磔鼠見張湯傳

竹笏注云今文笏作忽案說文無笏字注今文當作古文  
傳寫之誤古笏字本作忽鄭氏尙書曰予欲聞六律五  
聲八音在治笏注云笏者臣見君所秉書思對命者也  
穆天子傳曰帔帶摺笏郭璞曰笏長三尺杼上推頭一  
名珽亦謂之大圭从刀勿聲六書正譌云𠄎呼骨切俗  
作笏非說文曰𠄎出氣詞也从刀象氣出形春秋傳有  
鄭大子笏說文又云笏籀文作𠄎一曰佩也象形笏又  
與忽通故儀禮一作忽是也今治忽字古皆作忽論語  
仲忽古今人表作仲忽揚雄甘泉賦云翁赫笏霍河東

賦云嚮習如神師古曰習讀與忽同

設決麗于擊注云古文擊佗挽案擊依字當佗擊傳寫之  
誤說文曰擊手擊从手取聲漢書郊祀志云海上燕齊  
之閒莫不揜擊游俠傳云揜擊而游談高誘呂覽注云  
擊讀如檣椀之椀古文佗挽春秋傳云援衛侯之手反  
椀史記樊於期偏袒揜椀左傳史記多古文故皆佗椀  
俗佗腕非也

冪用疏布久之注云久讀爲灸謂以蓋塞鬲口也既夕曰  
木桁久之注云久當爲灸說文云久从後灸之象人兩  
脛後有距也周禮曰久諸牆以觀其撓今考工記佗灸  
諸牆當是後鄭所易

九經古義卷十

五

冪奠用功布注云古文奠爲尊案古尊字佗奠與奠相似  
故譌从之奠从丌讀若箕算从升讀若拱

四鬣去蹄注云鬣解也今文鬣佗剔案剔與鬣同大雅抑  
詩云用邊蠻方魯頌泮水云狄彼東南箋云邊狄皆當  
佗剔韓詩云鬣彼東南蓋从古文

筮人許諾不述命注云古文述皆佗術術與述古今字毛  
詩日月云報我不述韓詩佗術祭義術省注云術當爲  
述聲之誤也

既夕云設披注云披輅柳棺上貫結於戴人君旁牽之以  
備傾今文披皆爲藩案披从手皮聲古音皮與蕃同蕃  
又藩通故今文披佗藩聲之誤也辨見詩攷



記云御以蒲菽注云蒲菽牡蒲莖也古文菽作騶疏云案宣十二年楚熊負羈囚知罃知莊子以其族反之廚武子御每射抽矢菽納諸廚武子之房杜注云菽好箭又云廚子怒曰非子之求而蒲之愛注云蒲楊柳可以爲箭古文菽作騶者漢書鼂鎔傳云鎔上兵事云材官騶發矢道同的如淳曰騶矢也顏監曰騶謂矢之善者也春秋左氏傳作菽字其音同耳騶發騶矢以射也手工矢善故中則同的是菽與騶同也

士虞禮記云明日以其班祔注云班次也古文班或爲辨辨氏姓或然今文爲胖棟案古辨字或讀爲班故古文班亦作辨史記五帝紀云辯于羣神徐廣曰辯音班漢

九經古義卷十

六

書王莽傳云辨社諸侯師古曰辨讀爲班春秋傳襄廿五年云男女以班賂晉侯此今文也哀元年云蔡人男女以班此古文也說見劉光伯規過今文爲胖者鄭注王制云類之爲言班也類與胖字雖異而義同是胖猶班也

碁而小祥注云古文碁皆作碁案堯母碑碁字亦作碁

中月而禫注云自喪至中凡二十七月古文禫或爲導說文曰函古文函讀若三年導服之導又木部椽字下所讀同棟案導服卽禫服从古文故曰導則是函與椽皆讀爲禫近有妄人作字書名正字通斥許君說爲妄是未讀儀禮

喪服記云禫而內無哭者注云禫或皆作椽

元熙柔結酒食也亦雜律訓

特牲饋食禮云主婦視饔饔于西堂下注云炊黍稷曰饔

古文饔俗糖周禮俗饔說文曰饔酒食也或俗饔从甌

或俗糖从米

主人左執角再拜稽首受復位詩懷之注云詩猶承也謂

奉納之懷中詩正義云內則說負子之禮云詩負之注

云詩之言承也春秋說題辭云詩之為言志也詩緯合

神霧云詩者持也然則詩有三訓

有司云二手執挑七枋以挹清注云挑謂之歆讀如或春

或枕之枕字或俗挑者秦人語也今文挑俗枕疏云讀

从詩或春或枕彼注枕杼白也案今毛詩生民云或春

或榆毛傳云榆杼白也不俗枕者周禮地官女春枕二

九經古義卷十

人注云女奴能春與枕者枕杼白也詩云或春或枕董

氏引韓詩榆俗枕鄭先通韓詩故讀从之說文云昏杼

白也从爪白詩云或簸當俗或昏或俗枕从手从宀或

俗眈从白宀案詩釋文云榆說文俗昏昏訓又與榆同

明簸當俗春姚令威謂後人改昏為蹂則是宋時說文

已誤春為簸矣

儀禮古義下

九經古義卷第十終

益都李文藻覆校

臧在東白董氏引韓詩見呂氏讀詩記然不可信董喜作偽毛指序詩改亦誤信之

禮記古義上

九經古義卷第十一

古禮先言成周官制即序也  
離騷春與秋其代序亦即代辨  
但此處自當訓去

曲禮云若不得謝注云謝猶聽也棟案謝猶去位也說文

讞辭去也楚辭大招云青春受讞王逸云讞去也讞一

佗謝史記蔡澤謂范雎云夫四時之序成功者去今時

有代謝之語蓋本于楚辭顧炎武訓謝為序案招魂云

若必筮予之恐後之謝不能復用巫陽焉注亦云謝去

也若訓為序不合事理戰國策云靖郭君七日謝  
病強解不得三日而聽

拾級聚足注云拾當為涉聲之誤也案周書嘗麥云王涉

階故讀从之陟階猶  
歷階也

毋勦說注云勦由擘也今本由  
佗猶曹憲曰勦說之勦當从刀

左傳焉用築城以勦民乃从力訓為勞

九經古義卷十一

一

跪而遷屨注云遷或為還公羊春秋云宋人遷宿傳云遷

者何以地還之也遷與還義得通故或為還

離坐離立毋往參焉注云離兩也離與麗俗佗  
麗同故訓為

兩說見  
儀禮周書武順曰人有中曰參無中曰兩戰國策犀  
首與張儀

參坐於衛  
君之前

笑不至矧注云齒本曰矧大笑則見倉頡篇云斷齒根也

與鄭異釋文云矧本又佗哂說文云笑不壞顏曰矧从

欠引省聲張有復古編曰矧古哂字

禮不諱嫌名注云嫌名謂聲相近若禹與雨丘與區也釋

文云丘與區並去求反非也古丘字皆讀為區故鄭云

聲相近毛詩丘與詩協左傳丘與旗協戰國策齊嬰兒

載在東口證亦通



執箕箒以咳姓于王宮韋昭曰咳備也姓庶姓也時越  
以王禮尊吳故云咳姓說文曰姓人所生也古之神聖  
母感天而生子故稱天子从女从生生亦聲春秋傳云  
天子因生以賜姓又昭四年傳云問其姓對曰余子長  
矣漢書田蚡傳跪起如子姓注姓生也

檀弓曰何居我未之前聞也注云居讀爲姬姓之姬齊魯  
之間語助也列子黃帝篇云關尹謂列子曰姬魚語女  
張湛曰姬音居魚當作吾棟案左傳誰居之居亦音基  
孝經及論語皆云居吾語女古人讀居爲姬讀吾爲魚  
外傳晉語云暇豫之吾吾不如島島韋昭曰吾讀爲魚  
列子因之遂以居爲姬吾爲魚皆聲之誤也

易繫辭云  
則居可知

九經古義卷十一

三

矣鄭云居  
讀爲姬

孔氏之不喪出母自子思始也注云記禮所由廢非之准  
南子曰孔氏不喪出母此禮之失者

細人之愛也以姑息注云息猶安也言苟容取安也案呂  
覽觀世篇云周武王告諸侯曰商王大亂沈于酒德辟  
遠箕子爰近姑與息

子夏喪其子而喪其明注云明目精冀州從事郭君碑云  
卜商號吡喪子失名或疑俗名爲明愚案尔疋釋訓云  
猗嗟名兮目上爲名名在矚目之間失名者失其珠子  
也

池視重雷注云如屋之有承雷也承雷以木爲之用水

元照案各名錄郭君碑句作明  
續十九載此文則作石

亦宮之飾也今宮中有承雷云以銅爲之漢書宣紀禮  
爵元年詔曰金芝九莖產於函德殿銅池中如淳曰銅  
池承雷也

我喪也斯沾注云斯盡也沾讀曰覘覘視也國昭子自謂  
齊之大家有事人盡視之此解非是斯此也沾薄也國  
子蓋言我母之喪而使婦人從賓位斯爲薄矣沾訓薄  
見張揖廣雅俗佗添非是曹憲云沾他縑反世人水傍  
著忝失之又以此占字爲雷亦失之鄭氏改沾爲覘恐  
未安

人喜則斯陶陶斯咏咏斯猶猶斯舞舞斯愠愠斯戚戚斯  
歎歎斯辟辟斯踊七經小傳云案人舞空樂不空更愠

九經古義卷十一

四

又不當漸至辟踊此中間有遺文矣蓋本曰人喜則斯  
陶陶斯咏咏斯猶猶斯舞舞斯蹈矣人悲則斯愠愠斯  
戚戚斯歎歎斯辟辟斯踊矣自喜而下五變而至蹈自  
悲而下亦五變而至踊所謂孺子慕者也棟謂劉氏之  
說是也而以爲中間有遺文者非蓋衍文也案古本禮  
記無舞斯愠及注愠猶怒也七字故陸氏釋文云此喜  
怒哀樂相對本或於此句上有舞斯愠一句并注皆衍  
文喜則陶以下敘樂之節也愠斯戚以下敘哀之節也  
文自相配不須增入人悲則斯愠五字古文文簡而意  
備非若後世之繁重也釋文具在何不以取正之而爲

是臆說邪

何嗣曰樂終則愠起則其誤已始  
于六朝陸氏所據當是晉宋古本

據在東曰祝文本部錄隨從也从象言  
聲徐銜曰俗字今謂錄聲若相  
是相近之證郭璞謂猶錄古今字其  
說雖是但非鄭義以猶為喜与本  
文節式亦不合祝文于部搖動也公羊  
聲此与鄭義合

咏斯猶注云猶當為搖聲之誤也搖謂身動搖也秦人猶  
搖聲相近尔足云繇喜也郭璞曰詠斯猶猶繇也古今  
字耳

設萋翬注云萋翬棺之牆飾周禮萋仵柳縫人職云衣翬

柳之材注云柳之言聚諸飾之所聚故書翬柳仵接櫨

鄭司農云接讀為躡櫨讀為柳皆棺飾萋與樓通尔足

云樓聚也又與樓通莊子達生云虎得於豚楯之上聚

儻之中釋文云謂殯於菽塗萋翬之中  
荀子禮論云無  
楮絲蒿縷翬其

類以象菲帷特尉  
注云縷讀為柳

衛有大史曰柳莊案古今人表仵柳壯師古曰壯讀曰莊

棟案晉語曰趙簡子問于壯馳茲義仵莊嚴訢碑云兆

九經古義卷十一 五

自楚壯即楚莊王也漢諱莊改曰嚴  
漢時莊仵壯盈仵  
盈疑皆為避諱而

仵非  
正字

洿其宮而豬焉注云豬都也南方謂都為豬尚書大傳曰

遂踐奄踐之者籍之也籍之謂殺其身執其家豬其宮

豬本與都通禹貢大野既豬史記仵既都又孟豬亦為

明都

趙文子與叔譽觀乎九原注云叔譽叔向也知叔譽是叔

向者晉語云趙文子與叔向游於九京故知叔譽是叔

向周書大子晉云晉平公使叔譽于周見大子晉而與

之言五稱而五窮孔晁云叔譽者大夫叔向也春秋時

大夫有兩字者如子產一字子美是也

文字其中追一作退然如不勝衣注云中身也鄉射記曰弓

二寸以爲侯中楚語左執鬼中韋昭曰中身也禮曰其

中退然

王制西方曰棘注云棘當爲棘棘之言偏高誘呂覽注云

棘讀如匍匐之匍

玉三又注云又當佗宥古侑字佗宥見儀禮注古宥字佗

有見今文尙書引論衡古有字佗又宥字佗爰見周伯映

爰嘯堂集古錄又當爲宥壞字也

執左道以亂政殺盧植曰左道謂邪道案古左與邪通子

虛賦云邪與肅慎爲鄰師古曰邪讀爲左漢書引周書

云以左道事君者誅

九經古義卷十一

有圭璧金璋不粥於市皇侃以爲用金爲印章案此則璋

字古本佗章今從玉旁者非也

月令其器疏以達注云器疏者刻鏤之象物當貫土而出

也玉篇引云其器殳以達說文云殳通也从爻从疋疋

亦聲大玄經有殳首

還反賞公卿諸侯大夫於朝呂覽反佗乃下同或云反當

依呂氏佗乃案穆天子傳云天子還返還返連文月令

是也

命相布德和合後漢禮儀志云立春之日下寬大書曰制

詔三公方春東佗敬始慎微動佗從之罪非殊死且勿

案驗皆須麥秋退貪殘進柔良下當用者如故事劉昭



曰月令命相布德和令蔡邕曰卽此詔之謂也

孟春天子乃以元日祈穀于上帝乃擇元辰躬耕帝藉注

云元辰蓋郊後吉亥也俗本他正義曰知用亥者以陰

陽式法正月亥爲天倉以其耕事故用天倉也盧植蔡

邕竝云郊天昞陽故用日耕藉昞陰故用辰元者善也

皇氏云正月建寅日月會辰在亥故耕用亥也南齊志

大學博士劉蔓議禮孟春之日立春迎春又於昞月以

元日祈穀又擇元辰躬耕帝藉盧植說禮通辰日日甲

至癸也辰子至亥也郊天陽也故以日藉田陰也故以

辰陰禮卑後必居其末亥者辰之末故記稱元辰注曰

吉亥又據五行之說木生于亥以亥日祭先農又其義

九經古義卷十一

七

也太常丞何譔之義鄭注云元辰蓋郊後吉亥也亥水

辰也凡在懇稼咸存灑潤五行說十二辰爲六合寅與

亥合建寅月東耕取月建與日辰合也國子助教桑惠

度議等鄭玄以亥爲吉辰者陽生于子元起于亥取陽

之元以爲生物亥又爲水十月所建百穀賴茲沾潤畢

孰也

天子乃鮮羔注云鮮當爲獻聲之誤也今呂覽鮮佗獻故

鄭讀从之獻有軒音故云聲之誤

昞月也祀不用犧牲用圭璧更皮幣蔡氏章句云此祀不

用犧牲者祈不用犧牲案春秋傳云祈以幣更故蔡據

爲說月令問荅曰問者曰仲春令不用犧牲以圭璧更

盧先王曰恭來亦臨况今之意增成之

臧在東曰章字疑字之謬

臧在東曰月令不論今古皆冠以明堂之稱

盧先王曰戴禮三本篇皆之則卷荀子禮論篇作臧之則卷是實亦有臧音似不得云非

皮幣不用犧牲何也曰昃月獻羔以大牢祀高禴宗廟之祭以中月安得用犧牲所者求之祭也著令者豫設水旱疫癘當禱所用犧牲者是用之助生養傳所以幣代牲章因於高禴之事乃造說曰更者刻木代牲如廟有祧更此說自欺極矣經典傳記無刻木代牲之說蓋書有轉誤三豕渡河之類也

昃月也乃合累牛騰馬遊牝于牧高誘曰累牛父牛也騰馬父馬也皆將羣遊從牝於牧之野風合之服虔左氏解詁云牝牡相誘謂之風

淫雨蚤降注云今月令曰衆雨案呂覽亦作淫雨說文雨部云靈小雨也从雨衆聲明堂月令曰靈雨職戎切鄭

九經古義卷十一

所云今月令皆明堂月令也

腐草為螢明堂月令曰腐草為蠋說文云馬蠋也時則訓佗腐草化為蚺高誘注曰蚺馬蛇一曰螢火

無或差貸案貸依字當佗貸古忒字呂覽正佗忒易豫象云四時不忒京房本佗貸尙書洪範衍忒史記佗衍貸

又管子書皆以貸為忒今皆讀為二者非

張參五經文字云貸相承

或借為貸字是貸與貸通又漢張表碑苛忒字作荷恣此其證也

季夏行春令則穀實鮮落案呂覽淮南鮮皆佗解

順彼遠方呂覽云巡彼遠方案巡當佗循聲之誤也儀禮注云古文循佗順故月令佗順高誘淮南注云順循也

鄭氏云順猶服也是讀為馴

養衰老授几杖行糜粥飲食高誘曰陰氣發老年衰故共  
養之授其几杖賦行飲食糜粥之惺今之八月比戶賜  
高年鳩杖粉粢是也周禮大羅氏掌獻鳩以養老又伊  
耆氏掌共老人之杖王制云凡三王養老皆引年注云  
引戶校年當行復除也續漢書禮儀志云仲秋之月縣  
道皆案戶比民年始七十者授之以王杖舖之糜粥八  
十九十禮有加賜後漢書江革傳云每至歲時縣當案  
比革以母老不欲搖動自在轅中輓車此鄭氏所云引  
戶校年當行復除是也  
無不務內呂覽內佗入內古文入

固封疆注云今月令疆或謂壘案呂覽亦佗壘高誘讀爲  
移徙之徙  
九經古義卷十一  
九

天子乃命將帥講武習射御角力盧植曰角力如漢家乘  
之引闕踟踟之屬也

水泉咸竭呂覽咸佗減春秋傳云咸黜不端正義云諸本  
咸或佗減是咸與減通

水澤腹堅釋文云腹本又佗複又方服反案呂覽佗復高  
誘曰復亦盛也復或佗複凍重累也

文王世子問內豎之御者注云御如今小史直日矣外傳  
史黯謂趙簡子曰臣敢煩當日韋昭曰當日直日也戰  
國策云郢之登徒直使高誘曰直當日直使也

夢帝與我九齡釋文佗聆云本或佗齡案說文無齡字樊

毅修華嶽碑云垂矐萬齡婁壽曰漢碑齡皆佗齡幹亦

俗用字下文云古者謂年齡齒亦齡也故字从齒未詳

當攷廣雅曰齡年也九經攷異云九齡石經  
佗稔案漢石經禮記無攷未詳何據

況于其身以善其君乎注云于讀為迂迂猶廣也大也案

鄭氏論語云子之于也何晏本于佗迂蓋古字通

織刺注云織讀為殲釋文云織依注者鍼之林反徐子廉

反注本或佗織讀為殲者是依徐音而改也案此則當

云織讀為鍼故下注訓為刺今本皆从徐音誤為殲

告于佗人注云告讀為鞠讀書用法曰鞠依字當  
作鞠正義云

讀書讀囚人之所犯罪狀之書用法謂以法律平斷其

罪案秋官小司寇讀書用法先鄭云如今讀鞠已乃論

九經古義卷十一

之賈公彥曰鞠謂劾囚之要辭讀已乃行刑漢書功臣

表云新時侯趙弟坐鞠獄不實如淳曰鞠者以其辭決

罪也張湯傳云訊鞠論報張晏曰鞠一吏為讀狀論其

報行也刑法志云遣廷史與郡鞠獄如淳曰呂囚辭決

獄事為鞠謂疑獄也

三老五更注云三老五更各一人皆年老更事致仕者也

名以三五者取象三辰五星天所因以照明天下者又

樂記注云三老五更互言之耳皆老人更知三德五事

者也案三老五更諸儒之說各異宋均援神契注云三

老老人知天地人事者五更老人知五行更代之事者

應劭漢官儀曰三老五更三代所尊也三者道成於天

元照按詩日月告凶漢書劉向傳  
引作鞠凶凶通賦許相理而鞠條  
師古曰鞠告也

地人老者久也舊也五者訓於五品更者五世長子更相代言其能以善道改更己也盧植禮記注云選三公老者爲三老卿大夫中之老者爲五更蔡邕以更字爲叟云三老國老也五叟庶老也叟長老之稱又以三老爲三人五叟爲五人案蔡集問荅云三老五更子獨曰五叟何也曰字誤也叟長老之稱其字與更相似書者轉誤遂以爲更嫂字女旁瘦字从叟今皆以爲更矣立字法者不以形聲何得以爲字以嫂瘦推之知是更爲叟也棟案列子黃帝篇云禾生子伯宿於田更商丘開之舍注云更當佗叟然則蔡說不爲無據

禮運孔子曰大道之行也與三代之英丘未之逮也而有

九經古義卷十一

十一

志焉注云志謂識古文

諸侯非問疾弔喪而入諸臣之家是謂君臣爲讒荀子大略曰君於大夫三問其疾三臨其喪於士一問一臨諸侯非問疾弔喪不之臣之家

故聖人耐以天下爲一家注云耐古能字傳書世異古字時有存者則亦有今誤者樂記注云耐古書能字也後世變之此獨存焉古以能爲三台字王莽傳云三能文馬是也棟案

古三台字佗能古能字佗耐又作而古耐字佗耐說文云耐罪不至髡也从而从彡或佗耐从寸諸法度字从

寸應劭漢書注云輕罪不至于髡完其耐鬢說文曰而頰毛也象

毛形周禮曰佗其鱗之而故曰耐古耐字从彡髮膚之意也杜林以

爲法度之字皆從寸後改如耐音若能孔穎達曰不虧形體猶堪其事故謂之耐鄭云則亦有今誤者正義云今書雖存古字爲耐亦有誤不安寸直作而字則易屯象云利建侯而不寧及劉向說苑能字皆爲而也呂覽正月紀云晉平公問於祁黃羊曰南陽無令其誰可而爲之高誘注云而能爲治又士容論云柔而堅虛而實注而能也淮南子曰轉化推移得之道而以少勝多高誘曰而能也能以寡統衆是秦漢之書皆以而爲能

禮記古義上

九經古義卷第十一終

九經古義卷十一

十一

順德張錦芳覆校

禮記古義下

九經古義卷第十二

禮器次路繁纓七就七當為五古五字如七

見王肅詩傳因誤

為之郊特性云次路五就注云禮器言次路七就與此

乖字之誤也

大圭不琢注云琢當為篆字之誤也漢書董仲舒傳云良

玉不琢注云琢謂彫刻為文也

晉人將有事於河必先有事於惡池注云惡當為呼聲之

誤也呼池嘔夷并州川秦惠王詛楚文云告于不羸大

神亞駝亞駝即惡池也亞與惡通詳易古義

配林注云配林林名盧植云配林小山林麓配泰山者也

風俗通云配林林樹木之所聚生也今配林在泰山西

九經古義卷十二

南五六里

何休注公羊引作蜚林蜚聲近妃古配字作妃聲之誤也

郊特性鄉人禘注云禘或為獻或為儺鄭氏論語曰鄉人

儺注云十二月命方相氏索室中驅疫鬼魯讀儺為獻

今从古案此則古文論語作鄉人儺魯論語作鄉人獻

故此注云或為獻或為儺禮家所傳亦有異同也

獻讀為莎

又讀為義義音莪聲近儺

而流示之禽而鹽諸利注云鹽讀為豔行田示之以禽使

歆豔之觀其用命不也棟案古樂府有昔昔鹽三婦鹽

亦作豔古字通

內則柔色以溫之注云溫藉也承尊者必和顏色匡謬正

俗曰案文當云柔和顏色以溫悅尊者之心不當改讀

爲蘊此說非也古蘊藉字皆作溫其蘊藻蒹蓄之字則  
从艸溫聲正義云言于事父母當和柔顏色承藉父母  
若藻藉承玉然斯說得之詩云飲酒溫克易云藉用白  
茅皆取和柔之義詩小宛溫克箋云飲酒雖醉猶能溫藉以持以勝正義云定本及箋作溫字舒瑗云包裹曰蘊謂蘊藉自持合容之義經中作溫者蓋古字通用經籍志舒瑗撰毛詩義疏

三牲用藪注云藪煎菜萹也漢律會稽獻焉說文云漢律

會稽獻藪一斗从艸穎聲

接以大牢注云接讀爲捷捷勝也謂食其母使補虛強氣

也棟案接與捷通故訓爲捷鄭氏周易晉卦云晝日三

接注云接勝也音捷是讀爲捷春秋經云宋萬弑其君捷

賈逵云公羊穀梁曰接大戴禮官人云九用八曰取接給而廣中者接給猶捷給也

祇見孺子注云祇敬也或作振古祇振字通史記夏本紀

皋陶述其謀曰日嚴振敬六德今尙書振作祇振文與

震通魯世家周公作毋逸云治民震懼今無逸作祇懼

蔡邕石經殷庚云今爾惠朕曷祇動萬民以遷今盤庚

云爾謂朕曷震動萬民以遷祇與振義同而音異案音復之魯世家胙誓云敬復之徐廣云敬一作振

玉藻諸侯茶前詘後直注云茶讀爲舒遲之舒舒懦者所

畏在前也考工弓人云寬緩以茶注云茶古文舒假借

字鄭司農云茶讀爲舒舒徐也元世宗乃命新日之茶司農云茶讀爲舒

趨以采齊注云齊當爲楚薺之薺案詩作楚茨王逸楚辭

章句引詩云楚楚者蕘其字皆以齊次爲聲同物同音

元世宗詩制舒是德文記建  
元以來便者牛表引作荆茶  
舒以合聲也



故大戴禮保傳篇云行以采茨趨以肆夏又云揚中采  
茨趨中肆夏鄭从周禮作薺又引楚茨以證之明同物  
也

大夫佩水蒼玉而純組綬注云純當為緇古文緇字或作

絲旁才絲當作糸周禮媒氏曰入幣純帛無過五兩注云純

實緇字也古緇以才為聲賈公彥曰古之緇有二種其

緇布之緇糸旁留後不誤故禮有緇布冠緇布衣存古

字若以絲帛之緇則糸旁才案毛公行露傳曰昏禮紵

帛不過五兩故鄭據為說

學記善待問者如撞鐘墨子曰君子如鐘扣則鳴不扣則

不鳴荀子曰不問而告者謂之傲問一而告二謂之噴

九經古義卷十二

三

朱新仲云今人謂屢說曰暫益噴字也傲非也噴非也君子如嚮矣如嚮

者即繫辭所云問焉而以言其受命也如嚮是也二說

可與善待問者如撞鐘相發明

樂記竹聲濫濫以立會會以聚眾注云濫之意猶擊聚也

會猶聚也聚或為最聚古最聚通用管子禁藏篇曰冬收

五藏最萬物注最聚也史記殷本紀云大最樂戲於沙

丘徐廣曰最一作聚又周本紀有周聚徐廣曰一作最

最亦古之聚字公羊隱元年傳云會猶最也何林云最之為言聚若今聚民為投最

武坐致右憲左注云憲讀為軒聲之誤古憲軒二字音相

通詩云天之方難無然憲憲毛傳云憲憲猶欣欣也欣

讀為軒與難合韻鄭注內則云軒讀為憲揚雄河東賦

元張栗說之自部軍積也同部軍積而取也字通異廣雅釋詁軍聚也曹惠音在過切曰聚音同茲而舉最字皆最之譌惠不詳到心其誤改之尚未當也

云塵城擗邑李奇曰擗音車憶之憶憶从巾憲聲反復  
相訓蓋古音通也內則亦讀  
憲爲軒

封帝堯之後於祝注云祝或爲鑄周本紀云封黃帝之後  
於祝張守節以爲東海祝其縣非也汲郡古文云平王  
三年齊人滅祝此東海縣也古祝鑄同音淮南子倣真  
訓曰冶工之鑄器高誘曰鑄讀作祝續漢志云濟北蛇  
邱有鑄鄉城劉昭曰周武王未及下車封堯後於鑄春  
秋傳云臧宣叔聚于鑄杜氏鑄國濟北蛇丘縣所治呂  
氏春秋慎大覽云武王勝殷入殷未下輿命封黃帝之  
後於鑄封帝堯之後於黎封帝舜之後於陳高誘曰鑄  
國名

九經古義卷十二

四

曲直繁瘠廉肉節奏荀子瘠作省棟案省與肯通肯瘠瘠  
也故字亦作瘠尋文義繁省爲長

雜記計於適者依說文計  
當作赴注云適讀爲匹敵之敵謂爵同

者也鄭氏論語云無敵也無莫也古文論語敵作適荀  
卿子君子篇云天子四海之內無客禮告無適也注云  
適讀爲敵史記范雎傳攻適伐國田單傳適人開戶李  
斯傳羣臣百官皆畔不適徐廣皆音征敵之敵是適爲  
古文敵也

注六服皆袍制不禪以素沙裏之如今袷袍襖重繪矣正  
義云漢時有袷袍其袍下之襖以裏繪爲之釋名云婦  
人以絳作衣裳上下連四起施緣亦曰袍賈公彥曰男

子袍既有衣裳今婦人衣裳連則非袍而云袍制者正取衣複不單與袍制同桂袍猶圭衣也鄭注內司服云今世有圭衣者蓋三翟之遺俗釋名曰婦人上服曰桂其下垂者上廣下狹如刀圭也江充傳云曲裾後垂交輸如淳曰交輸割正幅使一頭狹若燕尾垂之兩旁見於後是禮深衣續衽鉤邊賈逵謂之衣圭亦舉漢法以明之蘇林曰交輸如今新婦袍上挂全幅繪角割續漢志云諸古麗圭袿閨緣加上之服建武永平禁絕之麗圭袿閨緣卽圭衣之類袍所以苞內衣故云加上之服皆重繪厚練永平初惟中宮皇太子得服之蓋以儉化俗也釋名曰襜褕也青絳爲之緣玉篇曰襜緣褕緣褕褕

褕施緣也

九經古義卷十二

五

諸侯出夫人有司官陳器皿注云器皿其本所齋物也律弃妻畀所齋韓非子說林曰衛人嫁其子而教之曰必私積聚爲人婦而出常也其成居幸也其子因私積聚其姑以爲多私而出之其子所以反者倍其所以嫁妻有三不去一曰有所取無所歸

喪大記君大夫髻爪實于綠中注云綠當爲角聲之誤也角中謂棺內四隅也

坊記高宗云三年其惟不言言乃謹注云謹當爲歡聲之誤也其旣言天下皆歡喜樂其政教也能朋來經說云坊記言乃謹之注但知有說命之書不知其爲無逸之

元報校後漢書富林傳  
謙尼運三年乃譚

城東曰白虎通 衣裳者隱也  
所以隱形古隱殿又通詩如有隱  
夏文選注通詩作殿夏

文安指為謹說之謹不知本文當為雍作釋文正義者  
從而遂非傳說尤為可恨棟案鄭未嘗以此書為兌命  
之篇此正義之誤鄭氏尚書無佚篇云乃或梁闇三年  
不言其維不言言乃雍注云櫛謂之梁闇讀如鷓鷯謂  
廬也其不言之時時有所言則羣臣皆和諧是鄭非不  
知無佚之篇謹作雍以記稱高宗書序又有高宗之訓  
此篇已凸何知不在商書而猥舉無佚之篇改謹為雍

也且馬遷從孔安國問多得古文之說其所作魯世家  
稱無逸云乃有亮闇三年不言言乃謹正與坊記所載

同古今異文師徒異讀必欲執一說以繩之此井畫夏  
蟲之見也吳興張謙中復古編云闇治喪廬也从門音  
高宗梁闇三年不言何謂梁闇伏生書大傳

九經古義卷十二

六

櫛謂之梁闇讀如鷓禮喪服四制李哭後翦屏杜櫛謂  
之梁闇晉賈后取妹丈韓壽子養之託梁闇所生別作  
庵非鳥舍切  
又烏紺切

中庸壹戎衣注云戎兵也衣讀如殷聲之誤也齊人言殷  
聲如衣虞夏商周氏者多矣今姓有衣者殷之冑與案  
康誥云壹戎殷故鄭讀从之古依字作身从反身殷字  
从此故讀殷為身聲如依也呂覽權勳篇云親鄣如夏  
高誘曰鄣讀如衣今兗州人謂殷氏皆曰衣

治國其如示諸掌乎注云示讀如寘諸河干之寘寘置也  
物而在掌中易為知力者也古寘字多作示易坎之上  
六云寘于叢棘劉表寘作示范甯注穀梁引易云繼用  
徽纆示于叢棘毛詩鹿鳴云示我周行箋云示當作寘

臧在東白詩匪誰能事魚笑  
云誰能者言人偶能割章又誰將  
西歸笑云誰將者亦言人偶能期  
周道注氏包正義人偶者謂以  
人意相尊偶之也論語注人偶同  
任人偶之辭禮注人偶相与為  
禮儀皆同也元皇樵文欲儀採以  
楊石遠注云言者楊之事成於此意  
人偶也禮每曲揖注云和人偶為  
致人嘗設新書云薄儀信通  
貸時儀之

仁者人也注云人也讀如相人偶之人以人意相存問之  
言案公食大夫禮云賓入三揖注云每曲揖及當碑揖

相人偶蓋賓主揖讓互相親偶親親之意亦如之也

道經曰如嬰兒之未孩河上公注云如小兒未能答偶人時也

好學近乎知說苑建本篇云中庸曰好問近乎智力行近  
乎仁知恥近乎勇漢書公孫弘上書引禮記亦云好問  
近乎知師古曰疑則問之故成其智

表記仁者人也注云人也謂施以人恩也春秋傳曰執未  
有言舍之者此其言舍之何人也正義云施人以恩謂  
意相愛偶人也引春秋傳者成十六年公羊傳文傳稱  
欲人愛此行父故特言舍之引之者證人是人偶相存

九經古義卷十二 七

愛之義也

義而順文而靜注云靜或為情古靜與情每相通周書官  
人云情忠而寬貌莊而安大戴禮官人情作靜周書又  
云飾貌者不靜大戴禮作不情

緇衣信以結之則民不倍恭以泄之則民有孫心□□□  
禮記孫心作慈棟謂緇衣孫心當作慈猶祭義見間當  
為颯史記刺齒當為齧孟子正心當為忘皆一字誤為

二字也說文慈順也書云五品不慈今文尚書作訓史記

魯世家云宣王伐魯殺其君伯御而問魯公子能道順諸侯者徐廣曰順一作訓張守節云順音訓古文

尚書作慈今孔氏本作孫一節包又古文文匹薛宣尚緇

衣猶存古字毛居正作正誤又從而改之益歎識字之

難訓讀為馴慈解為順  
順猶馴也義本不殊

葉公之顧命注云楚縣公葉公子高也臨死遺書曰顧命

棟案其辭有莊后大夫卿士非葉公之言也此周書祭

公謀父之辭穆王時祭公疾不瘳王曰公其告予懿德

祭公拜手稽首曰嗚呼天子女無以嬖御固莊后女無

以小謀敗大作女無以嬖御士疾大夫卿士祭公將歿

而作此篇故謂之顧命其事亦見汲郡古文王伯厚已

有是說余特表而出之此傳寫之誤非傳禮之誤二禮如明堂位文王官人皆采自周

書王氏以為傳禮之誤非也

故君子寡言而行以成其信注云寡當為顧聲之誤也釋

文云寡音顧出注棟案寡當音鼓尚書微子云我不顧

行遜徐仙民云顧音鼓商詩韋顧既伐古今人表作韋

鼓顧有鼓音與寡聲近故鄭氏云聲之誤

三年問故先王焉為之立中制節棟案焉於也呂氏月令

曰天子焉始棄月高誘曰焉猶於此高注淮南外傳晉云焉於也

語曰焉作轅田焉作州兵皆訓為於言於是始作轅田

州兵也荀子焉作安楊倞曰安語助猶言抑也或作安

或作案荀子多用此字禮記三年問作焉戰國策謂趙

王曰秦與韓為上交禍案移於梁矣今戰國策案作安秦與梁

為上交秦禍案攘於趙矣呂氏春秋吳起謂商文曰今

置質為臣其主安重釋璽辭官其主安輕蓋當時人通

以安為語助或方言耳

元無案何部公于解詁於隱二  
半四馬爾猶於是也於宮云半四馬  
者於也又按論語七得人馬爾  
乎馬爾猶於此也孟子人莫大焉  
無視成君臣上下馬只訓於

投壺籌室中五扶堂上七扶庭中九扶注云籌矢也輔四

指曰扶

韓非子云上失扶寸下得尋常注云四指為扶

一指按寸春秋傳曰膚

寸而合鄭知扶與膚同者尙書大傳云五岳皆觸石出

雲扶寸而合不崇

毛萇詩傳云崇終也

朝而雨天下彼注云四指

為扶音膚書傳所載與公羊同而其字作扶故扶為膚

何休云側手為膚案指為寸

玉篇引公羊傳云扶寸而合廣韻同又引注云側手

曰扶案指曰寸是古本公羊膚皆作扶

儒行其飲食不溲注云恣滋味為溲溲之言欲也案歸藏

易需卦之需作溲見胡氏啓蒙周易象云君子以飲食

宴樂溲音辱春秋傳云辱必求之吾助子請服虔解詁

云辱欲也

九經古義卷十二

大學致知在格物文選注倉頡篇云格量度之也量度事

物致知之道也

此之謂自謙注云謙讀為慊慊之言厭也詩湛露云厭厭

夜飲傳云厭厭安也安靜之意故書本作謙鄭讀為慊

今集注本直作慊字非也

鄭下注命也之命讀為慢朱子从之仍依本字訓為慢此

謙字亦當依本字訓為慊

射義古者天子之制諸侯歲獻貢士於天子注云歲獻獻

國事之書及計偕物也

漢書元光四年徵吏民有明當時之務習先聖之術署縣次續

食令與計偕蓋取法三代因歲獻而貢士之意

三歲而貢士舊說云大國三人

次國二人小國一人何休注公羊云禮諸侯三年一貢

士於天子天子命與諸侯輔助為政所以通賢共治示

元熙按米子大學章句亦以至此未嘗作慊

不獨專重民之至大國舉三人次國舉二人小國舉一人

禮記古義下

九經古義卷第十二終

連平顏德潤覆校

九經古義卷十二

十



公羊古義上

九經古義卷第十三

臧在東白詩米藏臣表引鄭易注  
齊公兼今何本作齊公廉又鄭飲  
酒禮疑云注林禮為林然從齊趙  
眉之疑下蘇字疑本改今何本托  
然又郭璞爾雅釋書注引靈公  
有害狗惡本行為博物志有靈公  
有害狗惡本行何本作周狗凡此皆臧  
顏之異

公羊有嚴顏二家蔡邕石經所定者嚴氏春秋也何邵公  
所注者顏氏春秋也何以知之以石經知之石經載公羊  
云桓公二年顏氏有所見異辭所聞異辭云云是嚴氏春  
秋已見于隱元年於此不復發傳也今何本有之又云卅  
年顏氏言君出則已入此僖三十年傳也又云顏氏無伐  
而不言圍者非取邑之辭也今何氏本亦無以此知何所  
注者蓋顏氏春秋也鄭康成注三禮引隱五年傳云登扈  
之又引桓十一年傳云遷鄭焉而鄙留又引隱二年傳放  
於此乎與石經同與何氏異蓋所據者嚴氏本也菑文志  
云公羊顏氏記十一篇後漢張伯饒又減定為二十萬言

九經古義卷十三

顏氏說經以襄公廿一年之後孔子生訖即為所見之世  
又以為十四日日食周王為天囚之類倍經違戾皆何邵  
公所不取

康成六菑論云治公羊者胡毋生董仲舒董仲舒弟子臧  
公贏公弟子睦孟睦孟弟子莊彭祖及顏安樂安樂弟子  
陰豐儒林傳劉向本傳王彥無劉子政從顏公孫受公羊  
春秋本傳不載然封事多用公羊說

閔因敘云魯孔子受端門之命制春秋之義使子夏等十  
四人求周史記得百二十國寶書九月經立感精符考異  
郵說題辭具有其文沈文何云嚴氏春秋引觀周篇云孔  
子將脩春秋與左丘明筴如周觀書於周史歸而脩春秋

臧在東白詩米藏臣表引鄭易注  
齊公兼今何本作齊公廉又鄭飲  
酒禮疑云注林禮為林然從齊趙  
眉之疑下蘇字疑本改今何本托  
然又郭璞爾雅釋書注引靈公  
有害狗惡本行為博物志有靈公  
有害狗惡本行何本作周狗凡此皆臧  
顏之異

之經丘明為之傳共為表裏周禮小史掌邦國之志先鄭

春秋傳所謂周志國語所謂鄭書之屬外史掌四方之

志後鄭云謂若魯之春秋晉之乘楚檇杙墨子明鬼篇有

周春秋韋昭注國語引之燕春秋宋春秋齊春秋何氏莊七年注

云古者謂史記為春秋其言百二十國寶書者案唐虞萬

國殷三千見周書周千七百有七十三春秋以下兼國多矣

故魯大夫對孟孫曰禹合諸侯執玉帛者萬國今其存者

無數十焉公羊疏問曰今經止有五十餘國通戎夷宿潞之屬僅有六十然當時外史之

所掌尚得百二十國故墨子亦云吾見百國春秋是也

六莪論云春秋者國史所記人君動作之事左史所記為

春秋右史所記為尚書是以玉藻云動則左史書之言則

九經古義卷十三

右史書之鄭注云其書春秋尚書具存者記文先言左史

鄭注先言春秋明以左史為春秋矣周書史記篇云維正

月王在成周昧爽召三公左史戎夫乃取遂事之要戒俾

戎夫言之汲郡古文亦云穆王廿四年命左史戎夫作記

古今人表云右史戎夫然則左史所記為尚書是以荀悅申鑒云古

者天子諸侯有事必告于廟朝有二史左史記言右史書

事事為春秋言為尚書禮記正義引六莪論云右史記事左史記言先儒皆據

玉藻之文以春秋屬左史尚書屬右史熊安期禮記義疏

云按周禮大史之職云大師抱天時與大師同車又襄廿

五年傳曰大史書曰崔杼弑其君是大史記動作之事在

君左廂記事則大史為左史也案周禮內史掌王之八枋

其職云凡命諸侯及孤卿大夫則策命之僖廿八年傳曰  
內史叔興父策命晉侯爲侯伯是皆言誥之事是內史所  
掌在君之右故爲右史是以前史記言大史友內史友鄭  
注大史內史掌記言記行是內史記言大史記行也此論  
正法若其有闕則得交相攝代故洛誥史佚命周公伯禽  
服虔注文十五年傳云史佚周成王大史襄廿年鄭使大  
史命伯石爲卿皆大史主爵命以內史闕故也以上皆熊說  
蔡邕公羊石經隱十年下云此公子翬也云云又哀十有  
四年下云何以書記異也云云皆無經文案孔穎達詩正  
義云漢初爲傳訓者皆與經別行三傳之文不與經連故  
石經書公羊皆無經文是也

九經古義卷十三

三

元聖校最當作假辨已見前

隱元年傳云會猶最也注云最乏爲言聚若今聚民爲投

最最古最聚通見禮記古義

如勿與而已矣注云如卽不如齊人語也

惠公者何隱之考也注云生稱父死稱考入廟稱禰疏云舊說

云禰字示旁爾言雖可入廟是神示猶自最近于已故曰禰郭景純注亦云禮記

曰生曰父母死曰考妣說文云妣今世學者從之案尙

書曰大傷厥考心事厥考厥長聰聽祖考之彛訓如喪

考妣公羊傳曰惠公者何隱公之考也仲子者何桓之

母也倉頡篇曰考妣延年明此非死生之異稱矣顧寧人云

古人曰父曰考一也自禮弓定爲生日父死曰考之稱而爲人子者當有所諱矣

王者据土與諸侯分職俱南面而治有不純臣之義故異

姓謂之伯舅叔舅同姓謂之伯父叔父許叔重五經異

義云公羊說諸侯不純臣左氏說諸侯者天子蕃衛純

臣謹案禮王者所不純臣者謂彼人爲臣皆非已德所

及易曰利建侯侯者王所親建純臣也玄之聞也已下鄭駁

賓者敵主人之稱而禮諸侯見天子稱之曰賓不純臣

諸侯之明文矣是鄭據周禮大行人以爲不純臣之證

與何氏合白虎通云王者不純臣諸侯何尊重之以其列土傳子孫世稱君南面而治凡不臣異朝則迎之於著覲則待之於阼階升降自西階爲庭燎設九賓享禮而後歸是異于衆臣也

二年傳始滅昉於此乎注云昉適也齊人語疏云胡母生

齊人故知之若鄭譜云然則詩之道放于此乎之類棟

案五年傳云始僭諸公昉於此乎蔡邕石經公羊昉作

九經古義卷十三 四

放鄭康成注考工記云旒讀如放於此乎之放是漢時

公羊昉皆作放

三年傳云其稱尹氏何貶曷爲貶譏世卿世卿非禮也宣

十年齊崔氏傳同五經異義卿得世云今春秋公羊穀

梁說云卿大夫世位則權并一姓妨塞賢路事政犯君

故經譏周尹氏齊崔氏是也而古春秋左氏說卿大夫

皆得世祿不得世位父爲大夫死子得食其故采地而

讀爲有賢才則復升父故位故傳曰官有世功則有官

族謹案易爻位三爲三公二爲卿大夫曰食舊德食舊

德謂食父故祿也尙書云古我先王暨乃祖乃父胥及

佚勤予不敢動用非罰世選爾勞予不絕今尙書作弁俗本作掩

爾善論語曰興滅國繼絕世國謂諸侯世謂卿大夫詩云惟周之士不顯亦世孟子曰文王之治岐也仕者世祿知周制世祿也从左氏義鄭氏亦云尙書世選爾勞詩刺幽王絕功臣之世然則興滅繼絕王者之常譏世卿之文其義何狂傳當云世祿禮也世卿非禮也三傳之說未甚抵牾悟詰訓者失之

四年傳石磻立之蔡石經磻作踏案說文無磻字當从石經作踏潛夫論云石氏衛公族

五年傳登來之也注云登讀言得來得來之者齊人語也齊人名求得爲得來作登來者其言大而急由口授也案禮記大學云一人貪戾鄭注云戾之言利也春秋傳曰登戾之正義云以來爲戾與公羊本不同下傳云百

九經古義卷十三 五

金之魚公張之注云百金猶百萬古者以金重一斤若今萬錢矣則登戾之說信矣

百金之魚公張之注云百金猶百萬也古者以金重一斤若今萬錢矣食貨志云漢興更令民鑄莢錢黃金一斤如淳曰時以錢爲貨黃金一斤直萬錢食貨志又云米至石萬錢馬至匹百金薛瓚曰秦以一溢爲一金漢以一斤爲一金一斤爲萬錢則百金爲百萬錢矣何注與如薛二說皆合而司馬貞索隱取瓚注而非如說蓋未

之攷也類遊秦漢書注云一金萬錢見平準書注戰國策云公孫開使人操十金而往卜於市高誘曰

二十兩爲一金又云趙王封蘇秦爲武安君黃金萬溢高誘曰萬溢萬金也二十兩爲一溢

經初獻六羽注云羽者鴻也所以象文德之風化疾也五

經異義云公羊說樂萬舞以鴻羽取其勁輕一舉千里  
詩毛說萬以翟羽韓詩說以夷狄大鳥羽謹案詩云右  
手秉翟尔正說翟鳥名雉屬也知翟羽舞也

經六年春鄭人來輸平傳云輸平者何輸平猶墮成也何  
言乎墮成敗其成也左傳作渝平云更成也服虔曰公  
爲鄭所獲釋而不結平於是更爲約束以結之故曰渝  
平平猶成也成猶盟也桓元年傳云渝盟無享國秦晉  
爲盟成而不結宋及楚平傳載盟辭渝盟猶渝成也渝  
成猶渝平也公與鄭絕鄭來渝平隱不享國桓莊結成  
以隱爲辭則渝平不得爲成明矣秦誓文云即詛變輸  
盟刺廣雅曰輸更也渝與輸同朱子云輸亦訓墮故左氏

九經古義卷十三

謂之更成公羊謂之墮成其義一耳孫復以輸平爲輸

更成爲非从公羊改  
渝爲輸蓋未攷字義

八年經公及莒人盟于包來釋文云包來左氏作浮來古  
浮包字同秦有儒生浮邱伯見漢書楚元王傳而鹽鐵  
論作包邱子蓋古音通也

十有一年傳何隱爾弑也蔡邕石經弑作試白虎通引春

秋讖曰弑者試也欲言臣子殺其君父殺音試釋文云

不同君父言弑積漸之名臣子云  
殺卑賤之意字多亂故時復音之不敢幸候間司事可

稍稍弑之荀卿子議兵曰傳曰威厲而不試刑措而不

用鹽鐵論曰威厲而不殺殺音試古音同

桓三年齊侯衛侯胥命于蒲荀子大略篇曰春秋善胥命

而詩非屢盟其心一也

四年有年朱新仲曰有年大有年桓宣時也有者不宐有二公行事不宐有此皆貶也春秋二百四十二年之間豈止此二三年豐熟哉以曷知二公不宐有此也昭元年秦后子奔晉云云國無道而年穀和熟天贊之也與此意合

六年經蔡人殺陳佗傳云淫于蔡蔡人殺之注云蔡稱人者與使得討之猶律文立子姦母見乃得殺之也疏云猶言對子姦母也

八年注云天子之牲角握諸侯角尺卿大夫索牛疏云皆指祭宗廟之牲也襄元年左氏傳云萊人賂夙沙衛以索馬牛杜氏云索簡擇好者周禮牛人祭祀共求牛求牛猶索牛也

九經古義卷十三

七

十一年傳云古者鄭國處於留先鄭伯有善于郟公者通乎夫人以取其國而遷鄭焉而野留案郟公者郟仲也夫人者叔妘也周語富辰曰郟之亾也由叔妘注云郟妘姓之國叔妘同姓之女爲郟夫人鄭語史伯云子男之國號郟爲大號叔恃勢郟仲恃險君若以周難之故寄帑與賄焉無不克矣寄帑與賄故得通於夫人而取其國康成發墨守云鄭始封君曰桓公者周宣王之母弟國在宗周畿內今京兆鄭縣是也桓公生武公武公生莊公遷居東周畿內國在號郟之間今河南新鄭是

也武公生莊公因其國焉留乃在陳宋之東

呂留後漢

彭城有留縣張良所封

鄭受封至此適三世安得古者鄭國處於

留祭仲將往省留之事乎愚案桓公寄帑與賄于虢鄭及十邑幽王之亂東京不守當有處留之事其後滅虢鄭十邑而居新鄭則以留爲邊鄙當在武公之時故云古者鄭國又云先鄭伯公羊之言正與外傳合鄭氏不攷而驟非之過矣

莊四年傳九世猶可以復讎乎雖百世可也五經異義曰公羊說復百世之讎古周禮說復讎可盡五世之內五世之外施之於己則無義施之於彼則無罪謹案齊桓公爲齊襄公所殺其子莊公與齊桓公會春秋不譏又

九經古義卷十三

八

定公是魯桓公九世孫孔子相定公與齊會於夾谷是  
不復百世之讎也从周禮說

七年傳不脩春秋曰雨星不及地尺而復王伯厚云晉語  
司馬候曰羊舌肸習於春秋楚語申叔時曰敎之春秋  
皆在孔子前所謂棗檮杌也魯之春秋韓起所見所云  
不脩春秋也

八年經甲午祠兵五經異義曰公羊說甲午祠兵師出曰  
祠兵入曰振旅祠者祠五兵矛戟劍楯弓鼓及祠蚩尤  
之造兵者左氏說甲午治兵爲授兵于廟謹案三朝記  
曰蚩尤庶人之強者何兵之能造玄之聞也以下祠兵  
者公羊字之誤以治爲祠因而作說之於周司馬職曰



仲夏敎芟舍仲秋敎治兵其下皆云如戰之陳仲冬敎大閱脩戰法虞人萊所田之野乃爲之如是治兵之屬皆習戰非授兵於廟又無祠五兵之禮

鄭以公羊祠當爲治故詩采芑

箋引此傳直俗治

夏師及齊師圍成傳云成者盛也盛則曷爲謂之成諱滅同姓也案成本盛國成與盛通故釋名云成盛也穆天子傳云盛姬盛伯之子郭璞云盛國名文十二年盛伯來奔是盛國伯魯二傳皆作邲僖廿四年左氏傳云管蔡邲霍文之昭也是盛爲姬姓故穆天子傳云天子賜盛伯爲上姬之長邲後爲魯邑昭七年左氏傳云晉人來治杞田季孫將以成與之說文云邲魯孟氏邑是邲

九經古義卷十三

九

與成一也故此傳云諱滅同姓郡國志云濟北成縣本國成舊屬泰山郡地理志泰山有式縣式當爲成

十年注云律一人有數罪以重者論之案昭卅一年傳與此同蓋漢律也史記李斯傳云具斯五刑漢書刑法志云漢興之初尙有夷三族之令今日當三族者皆先黥劓斬左右止笞殺之梟其首菹其骨肉於市其誹謗詈詛者又先斷舌故謂之具五刑彭越韓信之屬皆受此誅暴秦之爲禍也烈矣高后元年乃除三族罪祇言令尙書甫刑傳子張曰堯舜之主二人刑而天下治何則敎誠而愛深也一夫而被此五刑子龍子曰未可謂能爲書康成注云二人俱罪呂侯之說刑也被此五刑

犯數罪也孔子曰不然也五刑有此教注云教然耳數罪猶以上一罪刑之此與漢律一人數罪以重者論之同義

十有二年傳閔公矜此婦人妬其言顧曰此虜也爾虜焉

故句魯侯之美惡乎至董仲舒春秋繁露云此虜也爾

虜焉知魯侯之美惡乎致萬怒搏閔公絕脰韓詩外傳

引此云閔公矜此婦人妬其言顧曰爾虜焉知魯侯之

美惡乎何氏以爾虜焉故爲句注云女嘗執虜於魯侯故稱譽爾又云魯侯之美惡乎至注云惡乎至

猶何所至意反迂面

十有七年經鄭瞻自齊逃來傳云何以書書甚佞也曰佞

人來矣佞人來矣案甚佞猶孔壬也尔疋釋言云孔甚

也釋詁云壬佞也虞書云何畏乎巧言令色孔壬孔氏

傳訓爲甚佞佞讀爲年天王殺其弟年夫左傳作佞夫故國語輿人誦

曰佞之見佞果喪其田佞與田協故讀爲年年讀爲壬

說文卽从邑年聲讀若寧又年从禾千聲千與年同音田讀爲陳故甚佞謂之孔

壬後人疑孔壬之說遂以爲共工名其妾如此王逸天問注云康回共工名亦誤齊田謂之齊

陳既同物又同音是之謂古訓訓讀爲訓

廿三年經公如齊觀社鄭氏六經輿論云公如齊觀社左

氏曰非禮也公羊曰蓋以觀齊女也穀梁曰非常曰觀

觀無事之辭也案墨子曰燕之祖齊之社稷宋之桑林

男女之所聚而觀之也則觀社之義公羊爲長以上皆鄭氏說

棟案左傳襄廿四年云齊社蒐軍實使客觀之外傳云

夫齊棄大公之法而觀民於社然則觀社非古也故左氏以爲非禮

廿四年傳戎將侵曹曹羈諫曰君請勿自敵也春秋繁露曰曹羈曰戎衆以無義君無自適君不聽果死戎寇棟案適讀爲敵古文也禮記雜記注云適讀爲匹敵之敵荀卿子云天子四海之內無客禮告無適也注云適讀爲敵史記范雎傳攻適伐國田單傳適人開戶李斯傳羣臣百官皆畔不適徐廣皆音征敵之敵董氏所據公羊依古本以適爲敵

卅年傳子司馬子曰蓋以操之爲已蹙矣注云操迫也已甚也蹙痛也迫殺之甚痛攷工記云凡祭車之道不微

九經古義卷十三

十一

至無以爲戚速也康成云齊人有名疾爲戚者春秋傳曰蓋以操之爲已蹙矣疏云鄭氏以蹙爲疾與何別非也古戚蹙同音詩小明云曷云其還政事愈蹙歲聿云莫采蕭穫菽心之憂矣自貽伊戚是戚讀爲蹙公羊作蹙故訓爲痛戚有蹙音故訓爲疾

卅有一年經築臺于郎注云禮天子有靈臺以俟天地諸侯有時臺以候四時五經異義云公羊說天子有三臺諸侯二天子有靈臺所以觀天文有時臺以觀四時施化有囿臺所以觀鳥獸魚鼈諸侯當有時臺囿臺諸侯卑不得觀天文無靈臺皆在國之東南二十五里東南少陽用事萬物著見用二十五里吉行五十里朝行暮

反也

卅二年傳未踰年之君也有子則廟廟則書葬無子不廟不廟則不書葬五經異義云春秋公羊說云未踰年君有子則書葬立廟無子則不書葬恩無所錄也左氏說云臣之奉君悉心盡恩不得錄君父有子則爲立廟無子則廢也或議曰文缺案禮云臣不殤君子不殤父君無子而不爲立廟是背義弃禮罪之大者也玄之聞也以下鄭未踰年君者魯子般子惡是也皆不稱公書卒弗諡不成於君也廟者當序於昭穆不成於君則何廟之立凡無廟者爲壇祭之近漢諸幼小之帝尙皆不立廟而祭於陵云罪之重者此何故不罪殤者十九向下未踰

九經古義卷十三

十一

年之君未必未冠引殤欲以何明也蔡邕云見孝殤孝冲孝質皇帝以幼弱在位未踰年不列於廟大尉司徒分視三陵皆宗廟典制也

閔元年傳注云律親親得相首匿漢書地節四年詔曰父子之親夫婦之道天性也雖有患禍猶蒙死而存之誠愛結于心仁厚之至也豈能違之哉自今子首匿父母妻匿夫孫匿大父母皆勿坐其父母匿子夫匿妻大父母匿孫罪殊死皆上請廷尉以聞

僖四年傳古者周公東征則西國怨西征則東國怨注云此道黜陟之時也詩云周公東征四國是皇白虎通云傳曰周公入爲三公出爲二伯中分天下出黜陟詩曰

周公東征四國是皇言東征述職周公黜陟而天下皆正也經典無西征之文荀卿子王制篇曰周原本作公用誤

南征而北國怨曰何獨不來也東征而西國怨曰何獨後我也呂氏春秋古樂篇云成王立殷民反王命周公踐伐之商人服象爲虐于東夷周公遂以師逐之至于江南乃爲三象以嘉其德此南征之文也

十年傳跽爲文公諱也注云隔豫也齊人語若關西言渾矣

十有四年傳曷爲城杞滅也孰滅之蓋徐莒脅之注云言脅者杞王者之後尤微是見恐曷而曷火案恐曷卽曷反

漢律恐獨也陳羣新律序曰盜律有恐獨漢書王子侯

九經古義卷十三

三

表曰葛魁侯戚坐縛家吏恐獨受賕棄市平城侯禮坐恐獨取雞免承鄉侯德天坐恐獨國人受財臧五百以上免籍陽侯顯坐恐獨國民取財物免師古曰獨者謂以威力脅人也音呼葛反戰國策云桐疑虛兒高誘曰獨喘息懼兒

十有六年傳實石記間聞其礪然視之則石察之則五楊士勛云礪字說文玉篇字林等無其字學士多讀爲礪公羊釋文云本或作碎八耕反據公羊古本並爲礪字張揖讀爲礪是

石磬之類不知出何書也

十有九年傳蓋叩其鼻以血社也棟案血當爲衄壞字也穀梁作衄社山海經云祈聃用魚郭璞云以血塗祭爲聃也公羊傳云蓋叩其鼻以聃社音鈞餌之餌禮說曰

以牲告神欲神聽之曰聃蓋兼取脾骨故耳从血用祈  
神聽故聃从申

卅有三年傳宰上之木拱矣注云宰冢也列子孔子曰望  
其墳宰如也墳如也鬲如也注云宰冢也

穀梁云子之冢木已拱矣

公羊古義上

九經古義卷第十二終

南海馮經覆校

九經古義卷十三

十四

文二年傳虞主用桑注云期年練祭埋虞主于兩階之間  
易用粟也五經異義云戴禮及公羊說虞主埋於壁兩  
楹之間一說埋之於廟北牖下左氏說虞主所藏無明  
文鄭駁之云案士喪禮重與柩相隨之禮柩將出則重  
倚於道左柩將入於廟則重止於門西虞主與神相隨  
之禮亦當然練時既特作粟主則入廟之時祝奉虞主  
於道左練祭訖乃出就虞主而埋之如既虞埋重於道  
左

注虞祭天子九諸侯七卿大夫五士三疏云自諸侯七以  
下雜記文其天子九虞者何氏差之耳異義左氏說亦

九經古義卷十四

一

有成文案五經異義云公羊說虞而作主古春秋左氏  
說既葬反虞天子九虞九虞者以桑主九虞十六日也  
諸侯七虞十一日也大夫五虞八日也士三虞四日也  
既虞然後祔死者於先死者祔而作主謂桑主也期年  
然後作粟主謹案左氏說與禮同

練主用粟注云夏后氏以松殷人以柏周人以粟案古文  
論語云哀公問主於宰我康成注云田主謂社春秋正  
義云案古論語及孔鄭皆以爲社主張包周等竝爲廟  
主五經異義云今春秋公羊說祭有主者孝子之主繫  
心夏后氏以松殷人以柏周人以粟周禮說虞主用桑  
練主以粟無夏后氏以松爲主之事謹案從周禮說論

臧氏曰古文作問社今文作問  
主此舊說也不可駁

語所云謂社主也是許氏亦據古文以主為社主何晏  
集解本直作社字後人承其誤遂以為古文作問社今  
文作問主公羊疏亦云其說非也

十有二年傳何賢乎繆公以為能變也荀子大略篇曰易  
曰復自道何其咎春秋賢繆公以為能變也

惟譏譏善諍言說文引書云莛莛巧言李尋傳云魯秦穆引書云譏譏靖俾君子易怠尚書逸之勇王逸楚辭章句史記三王世家齊王策云言靖與諍同

而況乎我多有之尚書况作皇依字當作兄兄滋也無逸云無皇公羊傳合

惟一介斷斷焉與曰又云則皇自敬德漢石經無况皆其心休休作兄詩桑柔云倉兄填兮義作况其心休休夷同見周禮行夫注夷無他技技與伎同尚聲近倚故尚書作倚能有容尚書云如有容古如字作而而讀為能能讀曰如詩民勞云柔遠能邇箋云能猶仰也仰當作

九經古義卷十四

二

如如其意也此述秦誓之詞而字多異然反覆案之與尚書無大牴牾蓋古今文之殊爾

十有三年經世室屋壞傳云世室者何魯公之廟也周公稱大廟魯公稱世室羣公稱宮二傳作大室賈逵服虔等皆以為大廟之上屋禮說曰清廟之制如明堂明堂五室故清廟五寢中央曰大室亦曰大寢大室屋壞者室上重屋明堂位所謂復廟重檐天子之廟室洛誥王入大室禋是也孔穎達曰左傳不辨此是何公之廟而經謂之大室則此室之最大者故知是周公之廟非魯公也明堂位曰魯公之廟文世室也武公之廟武世室也世室非一君不宐專屬伯禽棟案公羊皆以世為大

元照按古書大傳禹州皇子聽政  
乎鄭注皇况也



元照茶堂之訓所托信先中鐘  
此札記引證較此為詳

我字元照据唐石便改

如衛大叔儀為世叔齊宋樂大心為樂世心又推而廣  
之如鄭大夫子大叔論語作世叔天子之子稱大子春  
秋傳云會世子于首止諸侯之子稱世子而晉有大子

申生鄭有大子華春秋經濟世子光左傳云大子光明

古世與大同義是世室猶大室也樊毅復華下民租田口算碑云魯不脩大

室春秋作譏又樊毅脩華嶽碑云世室不脩春秋作譏二碑同時所立或作世知字本通也

往黨衛侯會公于沓至得與晉侯盟反黨鄭伯會公于斐

注云黨所也所猶時齊人語也棟案荀卿子云怪星之

黨見黨見猶所見也楊倞訓黨為頻無破何氏說是

十有四年傳納者何入辭也莊元年傳云錫者何賜也棟

案納當作內古文賜作錫入作內

九經古義卷十四

宋子哀者何無聞焉爾棟案公羊主內娶之說故以子哀

書字為無聞

十有五年經齊人歸公孫敖之喪傳云魯物而歸之筓將

而來也注云筓者竹筓一名編輿說文筓竹輿也齊魯以北名

之曰筓將送也取其尸置編輿中傳送而來也魯魯令

受之史記張陳列傳云上使泄公持節問貫高筓輿前

徐廣曰筓音鞭服虔曰筓音編編竹木如今峻可以糞

除也韋昭音如頰反云輿如今輿牀人輿以行郭璞三

倉解詁云筓輿土器音步典反案服氏云筓如今峻峻

即筓也同物同音小顏云形如今之食輿師古唐人豈

識漢時筓輿諸說唯服子慎與何邵公合蓋目擊之與

耳食異也

入邪不書此何以書動我也其實我動焉爾注云動懼我也案動爲拜非懼也

元照按律上書齊使侵我西部遂  
校書注以懼我釋動字甚合律意

十有六年傳大夫弑君稱名氏賤者窮諸人大夫相殺稱人賤者窮諸盜注云降大夫使稱人降士使稱盜者所以別死刑有輕重也無尊上非聖人不孝者斬首梟之無營上犯軍法者斬要殺人者刎頭棟案無尊上漢律所云罔上不道也非聖人漢律所云非聖無法也不孝者商書曰刑三百罪莫大於不孝見呂覽孝經云五刑之屬三千罪莫大於不孝風俗通曰賊之大者有惡逆焉決斷不違時兄赦不免又有不孝之罪竝編十惡之條

九經古義卷十四

四

斬首梟之者梟當作梟玉篇云賈侍中云梟謂斷首倒縣也野王謂縣首於木竿頭以肆大擧秦刑也云無營上犯軍法者陳羣新律序云廐律有乏軍之興及舊典有奉詔不謹不承用詔書漢氏施行有小愆之反不如令輒劾以不承用詔書乏軍要斬胡建案軍法曰正屬將軍將軍有罪呂聞二千石呂下行法焉云殺人者刎頭高祖約法三章所云殺人者刑也何氏所據皆本漢律漢律已亾舉其大略如此耳

宣元年傳古者大夫已去三年待放君放之非也大夫待放正也白虎通云諸侯諍不從得去去曰某質性頑鈍言愚不任用請退避賢如是之是待以禮臣待放君待

之以禮曰予熟思夫子言未得其道今子不且留聖王之制無塞賢之路夫子欲何之則遣大夫送至于郊所謂君放之非也大夫待放正也

齊人取濟西田傳云爲弑子赤之賂也注云子赤齊外孫宣公篡弑之恐爲齊所誅爲昆賂之故諱使若齊自取

之者亦因惡齊取篡者賂當坐取邑未之齊坐者由

由與

猶律行言許受賂也案漢律有受賂之條又有聽請之條魯賂齊不當坐取邑且未之齊而坐者由齊聽請故也漢律行言許受賂亦得坐受賂之條故舉以況之

五年經齊高固及子叔姬來傳云子公羊子曰其諸爲其雙雙而俱至者與疏云舊說云雙雙之鳥一身二首尾

九經古義卷十四

五

有雌雄隨便而偶常不離散案大荒南經云南海之外赤水之西流沙之東有獸左右有首名曰跡踢有三青獸相并名曰雙雙郭璞曰言體合爲一也公羊傳所云雙雙而俱至者蓋謂此也

八年經夫人熊氏薨九年春王正月公如齊注云月者善宣公事齊合古禮五經異義曰春秋公羊說妾子爲諸侯不敢以妾母之喪廢事天子大國出朝會禮也魯宣公如齊有妾母之喪經書善之左氏說云妾子爲君當尊其母有三年之喪而出朝會非禮也故譏魯宣公案禮妾母無服貴妾子不立而他妾之立者也不敢以卑廢事尊者禮也卽妾子爲君義如左氏立之間也

以下鄭駁

薏服總麻庶子爲後其爲母此義自天子下至庶人同  
不三年魯宣公所以得尊其妾母敬嬴爲夫人者以夫  
人姜氏已歸齊不反故也因是言妾子立母卒得爲之  
三年於禮爲通乎其服之間其出朝會無王事與鄭伯  
伐許何異

十有六年經成周宣榭災釋文云左氏作宣榭火棟案左  
氏古文榭本作射邾敦銘曰王格于宣射是也劉逵引  
國語云射不過講軍實今本作榭說文無榭字經傳通  
作榭荀卿子曰臺榭甚高秦誓云惟宮室臺榭釋文云本

又作榭吳射慈亦作榭慈是射與榭通犖虞三輔決錄注云漢末大鴻臚射咸本姓謝名服天子以爲將軍出征姓謝名服不詳改之爲射氏名咸載見廣韻此由晉時不識古文曲

古虛先生曰後漢書謝安傳安封射陽侯不經作榭遂以范書爲誤而不知其本通用也

九經古義卷十四

六

爲之說陳壽撰三國志以是儀爲氏儀孔融所改亦此類也

成二年齊侯使國佐如師傳云君不使乎大夫此其行使  
乎大夫何佚獲也注云佚獲者已獲而逃也釋文云  
佚一本作失案古佚字皆作失詳見尚書攷佚又與逸  
同尚書無逸漢石經作佚春秋經曰肆大眚穀梁云肆  
失也失猶佚也佚與逸同謂逸因

使耕者東畝是則土齊也注云以齊爲土地案土讀曰杜  
古杜字皆作土周禮及司馬法曰犯令陵政則杜之注  
云王霸記曰杜之者杜塞使不得與隣國交通詳具禮

說

四年經鄭伯敗卒疏云左氏作堅字穀梁作賢字今穀梁仍作堅

臧在東曰雖有杜音而左傳有唯吾子戎車是利之言則何說自確

今定本亦作堅字公辛釋文云馭本或作堅棟案公辛作馭穀梁作賢本一字也說文云馭古文以為賢字漢潘乾校官碑云親馭寶誓國三老袁良碑云優馭之寵今文大誓云優賢揚歷見三國志注是優馭即優賢也玉篇又引作鉅鉅與堅同馭亦為古堅字堅又與賢通東觀漢記後漢紀注陰城公主名賢得續漢書天文志作堅得疑古堅字賢字皆省作馭公辛從古文作馭穀梁以為賢左氏以為堅師讀各異故也廣韻引孝經說云臣者堅也

十有一年經晉侯使卻州來聘世本曰卻豹生義義生步揚步揚生州州即犖也與公辛合左氏傳魏武子犖世本亦作州司馬貞云州犖聲相近字異耳

九經古義卷十四

七

十有七年傳郊用正月上辛五經異義曰春秋公羊說禮郊及日皆不卜常以正月上下也魯于天子並事變禮今成王命魯使卜從郊不從即以下天子也魯以上辛郊不敢與天子同也御覽

十有八年經晉侯使士彭來乞師釋文云二傳作士魴古彭旁通用旁與魴同音故亦作彭聲之誤也襄十二年疏云破諸

正本皆作士魴字若作士彭者誤矣

襄二年經鄭伯賂卒釋文云賂古困反古今人表鄭成公

綸師古曰綸音工頑反左傳作賂案古今人表又有冷

淪氏服虔曰淪音鰈鰈與昆同音古昆字作鬲故毛詩

敝筍云其魚魴鰈即箋云鰈魚子也魯語云魚禁鰈魴

元韻檢古詩方如旬与彭音同  
故彭之字亦得入方詩祀祭于  
彭見說彭亦作昉

介正云鯤魚子孔穎達云鯤鰥字異蓋古字通用是鰥  
本音古魂反故洽淪淪中諸字皆讀爲鰥師古以鰥有  
關音遂釋淪爲工頑反非也今人讀淪中字爲關音  
自謂合古音失之甚者  
七年傳鄭伯將會諸侯於鄆說文引作隱云鄭地阪

鄭伯髡原何以名傷而反未至于舍而卒也注云云爾者  
古者保辜諸侯卒名故於如會名之明如會時爲大夫  
所傷以傷辜死也君親無將見辜者辜內當以弑君論  
之辜外當以傷君論之疏云其弑君論之者其身梟首  
其家執之其傷君論之其身斬首而已罪不累家漢律  
有其事然則古者保辜者亦依漢律律文多依古事疏  
知然者史游急就章曰痠痠保辜誦呼號師古曰保辜

九經古義卷十四

八

者各隨其狀輕重令歐者以日數保之限內致則坐重  
辜也漢書功臣表云昌武侯單德元朔三年坐傷人二  
旬內死棄市然則保辜以二旬爲限歟以平人言之限  
內當以殺人論之漢律所云殺人者刑是也限外當以  
傷人論之漢律所云傷人抵罪是也服虔曰抵罪者隨  
輕重制法李奇曰傷人有曲直罪名不可豫定故漢律  
又云見薛鬪刃傷人完爲城旦其賊加罪一等與謀  
者同罪是輕重制刑之義也

十年經遂滅偃陽疏云左氏經作偃字音夫目反

詩小雅  
采菽云

邪幅在下毛傳云幅  
偃也所以自偃束也

一音逼近之通釋文云偃音福棟

案古今人表作福陽知古音福从彼力反者非也

殺梁  
漢書

地理志及續漢志皆作傳陽棟案古福字亦讀作副豫州從事尹宙碑云位不福德是也傳本古敷字今亦讀副作

十有一年經同盟于京城北疏云穀梁與此同左氏經作亳城北服氏之經亦作京城北乃與此傳同棟案京鄭地在滎陽隱元年傳謂之京城大叔是也亳城無攷此傳寫之譌當从公穀是正

十有七年經邾婁子矐牽釋文云矐左氏作恹案攷工梓人云數目願脰注云故書願或作恹鄭司農云恹讀爲鬣頭無髮之鬣是恹有矐音故或作矐劉昌宗周禮音云恹音苦顏反今左傳音苦耕反非也

矐音閉或下舒反

廿年經陳侯之弟光出奔楚釋文云弟光左氏傳作弟黃

九經古義卷十四

九

案說文芡古文光灸古文黃字相似

白虎通云璜之爲言光也風俗通云

黃光也

廿有三年經邾婁鼻我來奔釋文云二傳作畀我古鼻畀同音

廿有五年經吳子謁伐楚門于巢牽注云書伐者明持兵入門乃得殺之

卅年經天王殺其弟年夫釋文云年音佞又如字二傳作佞夫棟案古佞讀爲壬故晉語輿人誦云佞之見佞果喪其田佞與田協是讀爲年殊不知年讀爲寧田讀爲陳故詩信南山云畀我尸賓壽考萬年然公羊不作壬而作年何也詩甫田云倬彼甫田歲取十千我取其陳

食我農人自古有年是陳讀爲田年讀如字

昭十有一年經盟于侵芊疏云穀梁傳作祱祥字服氏注

引者直作詳無侵字皆是所見異也棟案古祥字皆作

詳易履上九視履考祥釋文云本亦作詳尙書君奭云

其終出于不祥蔡邕石經云其道出于不詳呂刑告爾

祥刑後漢劉愷傳引作詳刑鄭氏周禮注亦云度作詳

刑以詰四方皆古祥字故左傳祱祥服虔引公芊作詳

今公芊作侵芊者春秋繁露云芊之爲言猶祥與鄭衆

百官六禮辭亦云芊者祥也疑古祥字詳字皆省作芊

詳善也鄭注車人亦云芊善也祥亦訓善見說文

九服案說文詳訓福

屈銀釋文云二傳作厥愁案左傳厥愁徐仙民音五巾反

九經古義卷十四

十

說文𦏧讀若銀又云愁从心𦏧聲公芊本口授故以厥

爲屈公芊厥字皆作屈愁爲銀字異而音同凡公芊異字若此

者多余每校三傳而得古音習鄭學而識古文後之學

者忽而不察妄有論辨竊所未喻

廿有三年經尹氏立王子朝注云尹氏貶王子朝不貶者

年未滿十歲未知欲富貴不當坐明罪在尹氏棟案漢

律年未滿八歲非手殺人他皆不坐罪尹氏者漢律所

謂率也何氏法王子朝奔楚下云明本張斐律表曰制

衆建計謂之率漢書萬石君傳上報石慶曰孤兒幼年

未滿十歲無罪而坐率服虔曰率坐刑法也如淳曰率

家長也鹽鐵論云春秋刺譏不及庶人責其率也

臧在東曰左感六年傳詳以事神  
正義詳者詳也



廿有五年傳以人為苗注云苗周埒垣也所以分別內外  
衛威儀今大學辟雍作側字

卅有一年傳珍怪之食荀子正論篇曰食飲則重大牢而  
備珍怪期臭味楊倞注珍怪奇異之食

定四年經公及諸侯盟于浩油釋文云二傳作皋馳古讀

皋為浩馳為由鹽鐵論又作詰馳余正釋訓云皋皋  
瑁瑁刺素食也樊光本浩浩瑁瑁

注禮天子雕弓諸侯彤弓大夫嬰弓士盧弓疏云古禮無

文案荀卿子大略曰天子彤弓諸侯彤弓大夫黑弓禮

也嬰弓無破釋文云見司馬法盧弓即黑弓春秋傳謂

之旅弓詩行葦云敦弓既堅敦音彫毛傳云天子敦弓

蓋本荀卿子正義引何休注以為事不經見未之破也

九經古義卷十四

經典序錄云孫卿子傳魯人大毛  
公即毛亨也今毛傳多用荀卿說

六年傳此仲孫何忌也曷為謂之仲孫忌譏二名二名非

禮也五經異義云公羊說譏二名謂二字作名若魏曼

多也左氏說二名者楚公子弃疾其君即位之後改為

熊君是為二名謹案文武賢臣有散宐生蘇忿生則公

羊之說非也从左氏義

八年注定公從季孫假馬孔子曰君之於臣有取無假而

君臣之義立棟案此事竝見說苑家語及韓詩外傳續

漢書律歷志云魯仲尼順假馬之名以崇君之義近人

不攷以論語有馬者魯人棄當之誤之甚者

哀六年經齊陳乞弒其君舍釋文云舍二傳作茶音舒熊

朋來云詩云爾之安行亦不違舍與車盱協知舍讀作舒棟案史記律書云舍者日月所舍舍者舒氣也是舍有舒義故有舒音

十有四年經西狩獲麟案孔舒元公芊傳本云十有四年春西狩獲麟何以書記異也今麟非常之獸其爲非常之獸奈何有王者則至無王者則不至然則孰爲而至爲孔子之作春秋孔穎達曰何休注公芊無作春秋之事案孔氏本是有成文棟案蔡邕石經云何以書記異也何異云云與今本合

傳有麇而角者唐石經麇作麇郭璞引此傳與石經同蔡邕石經作麇

正麇先上白麇字無及改同則與唐石經同不當殊其文

元照按此雅釋言違違也

九經古義卷十四

十一

祖之所逮聞也漢石經逮作逕說文逕迨也玉篇迨逕行相及从辵單聲又目部單目相及从目从隶省方言云迨逕及東齊曰迨關之東西曰逕或曰及

公芊古義下

九經古義卷第十四終

益都李文藻覆校

穀梁古義

九經古義卷第十五

孝經說云孔子曰吾志在春秋行在孝經以春秋屬商孝經屬參故應劭風俗通言穀梁為子夏門人楊士勛謂受經于子夏余案桓譚新論云左氏傳世遭戰國寢藏後百餘年魯穀梁赤為春秋殘略多所違失然則穀梁子非親受經于子夏矣古人親受業者稱弟子轉相授者稱門人則穀梁子于子夏猶孟子之于子思故魏麋信注穀梁以為與秦孝公同時也楊士勛言穀梁為經作傳傳孫卿卿傳魯人申公申公傳博士江翁案孫卿齊湣襄時人當秦之惠王則在其後又卿著書言天子廟數僖十五年傳天子廟數子七廟云云是以貴始德之本也荀卿禮論同及賻賵榷舍之義隱元年案馬曰賵也云云在大略篇述春

九經古義卷十五

秋善胥命而言盟詛不及三王隱八年傳亦在大略篇末諸侯相見仁

者居守二年傳知者慮義者行仁者守又以大上為天子隱二年傳大上故不名今在君

篇皆本穀梁之說其言傳孫卿信矣又隱元年傳云成人

之美不成人之惡僖廿二年傳云過而不改是謂之過廿

三年傳云以不教民戰則是弃其師今皆在論語中鄭論

語序云仲弓子夏等所撰論語讖亦言子夏等七十二人

共撰仲尼微言其諸聖人之徒私淑諸人者乎又傳中所

載與儀禮禮記諸經合者不可悉舉故鄭康成六藝論云

穀梁善於經

經典序錄云穀梁有段肅注十二卷不詳何人隋經籍志

云春秋穀梁傳十四卷段肅注疑漢人棟案後漢班固

傳固奏記東平王云弘農功曹吏殷肅達學洽聞才能  
絕倫誦詩三百奉使專對章懷注云固集殷作段然則  
殷肅卽段肅也劉氏史通言肅與京兆祭酒晉馮馮亦見奏  
嘗撰史記以讀史遷之書

隱元年傳春秋貴義而不貴惠信道而不信邪注信申字

古今所共用韋昭國語注云信古伸字士相見禮注云

古文伸作信康成儒行注云信讀如屈伸之伸假借字也信或爲身

三年經日有食之傳云其日有食之何也吐者外壤食者

內壤闕然不見其壤有食之者也注云凡所吐出者其

壤在外其所吞咽者壤入於內疏云壤字爲穀梁音者

皆爲傷徐邈亦作傷麋信云齊魯之間謂鑿地出土鼠

九經古義卷十五

二

作宄出土皆曰壤或當字從壤蓋如麋信之言九章算術穿地

四爲壤五爲堅五壤爲息土踰籍

有內辭也或外辭也或與有同義故以內外別之

四年衛祝吁釋文云左氏公羊及詩作州吁案州有祝音

故或作祝聲之誤也

五年傳尸子曰舞夏自天子至諸侯皆用八佾初獻六羽

始厲樂矣釋詁云厲作也郭氏引此傳以證之方言曰

厲卽爲也甌越曰卽吳曰厲郭氏云作亦爲也僖廿年新作南

門傳云作爲也

八年經鄭伯使宛來歸邠釋文云左氏作祊穆天子傳云

戊戌天子北入于邠郭璞曰邠鄭邑左傳作祊古方丙

臧在東曰阜陶謙庶明勵翼正  
美引鄭注屬作也

同字司馬彪云泰山費縣有祊亭

注周有千八百諸侯盡京師之地不足以容不合事理疏

云見孝經說棟案范注諸侯有大功盛德於王室已下

皆采許叔重五經異義之文疏言見孝經說非也

九年經天王使南季來聘傳云南氏姓也顧炎武云南非姓姓字衍文

季字也白虎通引詩傳文王十子末云南季載南采也

猶祭伯毛伯之謂左傳作聘季史記作冉季冉與南同

音故亦作南周公為大宰康叔為司寇聘季為司空周康南皆畿內地荀子云周公歸周注云畿

內之國亦名周周公黑其後也康叔後封于衛聘季未改封世為卿士也司馬遷云冉季載其後世無所見未

之破耳

桓二年傳何以知其先殺孔父也曰子既死父不忍稱其

九經古義卷十五

名臣既死君不忍稱其名以是知君之累之也孔氏父

字也五經異義云公羊說臣子先死君父猶名之何休注桓

二年傳云禮臣死君字之與此異孔子曰鯉也死是已死稱名左氏說

既沒稱字而不名杜預以為孔父稱名與賈逵異桓二年宋督弑其君

與夷及其大夫孔父先君死故稱其字穀梁同左氏說

謹案論語稱鯉也死實未死假言死从左氏穀梁說立

之聞也鄭駁以下論語云鯉也死有棺而無槨是實死未葬

前也設言死凡人於恩猶不然况賢聖乎

桓四年傳春曰田夏曰苗秋曰蒐冬曰狩何休廢疾曰運

斗樞曰夏不田穀梁有夏田於義為短鄭君釋之云四

時皆田夏殷之禮詩云之子於苗選徒囂囂夏田明矣

盧光直撰神契有之不可云非

孔子雖有聖德不敢顯然改先王之法以教授於世若其有所欲改其陰書於緯藏之以傳後王穀梁四時田

者近孔子故也公羊正當六國之亾繼緯見讀而傳為

三時田公羊桓四年傳無夏田之語作傳有先後雖異不足以斷穀

梁也王制正義

莊元年夫人孫于齊傳云孫之為言猶孫也注云孫孫遁

而去非也公羊傳云孫者何孫猶孫也何休曰孫猶遁

也棟案遁讀為循釋文音徒困反非也今文尚書云五

品不訓後漢書訓讀為馴周禮書亦或作馴史記馴與循同

音循猶巡也巡猶遁也古逡巡字皆作逡遁見儀禮注又作

逡循顧炎武論之詳矣是循與遁同又與孫通古文尚書云五

品不遜說文引作惇惇猶孫也古遜字皆作孫與逡巡

訓馴循皆同音劉向說苑曰大學之教也時禁於未發

磨學不陵節而施之日馴今學記馴作遜

七年經辛卯管傅日入至于星出謂之管王逸云管夜也

詩云樂酒今管今詩作夕崔謨莊子注曰管夕也天官

管人注云管之言夕也管子小匡云旦管從事旦管猶

旦夕也管亦訓夜者列子曰尹氏有老役夫管管夢為

國君張湛云管管夜夜也

十七年鄭詹自齊逃來傳云逃義曰逃義謂君臣之義仲

尼曰天下有大戒二其一命也其一義也子之愛親命

也不可解于心臣之事君義無適而非君也無所逃於

天地之間是之謂大戒楚箴尹克黃亦言君天也天可逃乎是逃義也

廿有二年肆大眚傳云肆失也失古佚字佚與逸同謂逸囚也

廿有四年傳禮天子之桷斲之礪之加密石焉諸侯之桷斲之礪之大夫斲之士首本晉語張老云天子之室斲其椽而礪之加密石焉注云密密理也石謂砥也先粗礪之加以密砥諸侯礪之注云無密石也大夫斲之注云不礪也士首注云斲其首也尚書大傳曰天子之堂其桷天子斲其材而礪之加密石焉大夫達稜土首本庶人到加鄭氏注云礪礪之也密石砥之也稜菱也何休公羊注云禮天子斲而礪之加密石焉諸侯斲而礪之不加密石大夫斲之士首本

九經古義卷十五

五

卅年傳燕周之分子也分子猶別子禮記大傳云別子爲祖注云別子謂公子然則王所生者爲王子謂之別者別于世子也燕世家云召公奭與周同姓譙周曰周之支族孔穎達以爲譙周考校古史不能知其所出皇甫謐以爲文王庶子白虎通云召公文王子王充曰召公周公之兄穀梁以爲分子者蓋長庶歟

閔元年經盟于洛姑釋文云一本作路姑案路洛同音漢書揚雄校獵賦曰爾乃虎路三處以爲司馬晉灼曰路

音洛

僖三年公子季友如齊莅盟傳云莅者位也鄭氏易需彖云位乎天位上位字讀爲涖涖與莅同

廿有八年經公朝于王所傳云朝不言所言所者非其所也案破工記載祭侯之辭曰惟若寧侯母或若女不寧侯不屬于王所故抗而射女鄭氏注云屬猶朝會也故白虎通引禮射祝曰嗟爾不寧侯爾不朝于王所以故天下失業亢而射爾然則王所者猶漢時所謂行在所也天子所在曰王所吉日云天子之所此臨天下之言也諸侯所在曰公所鄭詩獻于公所齊侯鐘云有共于公所此臨一國之言也下經云天王守于河陽壬申公朝于王所傳云朝於廟禮也於外非禮也棟謂天子巡守有朝諸侯之禮

九經古義卷十五

六

故尙書云五載一巡守羣后四朝馬融王肅皆云四面朝於方岳之下王巡守而朝之正也召王非正也故仲尼書云天王守于河陽所以正君臣之禮

宣八年葬我小君頃熊疏云案文十八年注云宣母敬嬴此云頃熊者一人有兩號故也棟謂頃聲近敬熊聲同嬴二傳由口授故字異而音同而云一人有兩號非也成元年傳古者有四民有士民有商民有農民有工民棟案古者四民商農工賈士民始于齊之管子管子制國始有士鄉故地理志云齊地臨菑其中具五民服虔曰士農工商賈也禮說論之詳矣

襄十有一年傳古者天子六師禮記注公羊隱五年傳注云禮天



子六師方伯二師諸侯一師昭五年傳舍中軍者何復古也魯子春秋不得爲方伯以二軍爲復古則諸侯一軍之說非矣三略曰聖王御世觀盛衰度得失而爲之制故諸侯二師方伯三師天子六師諸侯二師故舍中軍爲復古古者一二皆積畫傳寫之誤也六師卽六軍也大雅械櫜云周王于邁六師及之毛傳云天子六軍鄭志趙問此詩引常武詩云整我六師不稱六軍而稱六師不達其意答曰師者衆之通名故人多云焉欲著其大數則乃稱軍耳林孝存引詩六師之文以難周禮鄭答之云軍者兵之大名軍禮重言軍爲其大悉故春秋之兵雖有累萬之衆皆稱師詩云六師卽六軍也

九經古義卷十五

七

昭十九年傳許世子不知嘗藥累及許君也注云許君不授子以師傅使不識嘗藥之義故累及之公羊傳云進藥而藥殺則曷爲加弒焉爾誠子道之不盡也棟案墨子非攻篇云今有醫於此和合其祝藥之於天下之有病者而藥之萬人食此若醫四五人得利焉猶謂之非行藥也故孝子不以食其親忠臣不以食其君夫就師學問無方心志不通雖有愛父之心而適以賊之墨氏此論可謂知言

昭廿有五年宋公佐率于曲棘傳云邠公也注云邠當爲訪訪謀也謀納公

穀梁古義

九經古義卷第十五終

順德張錦麟覆校

九經古義卷十五

八

論語古義

九經古義卷第十六

臧在東曰經有經之古文如周禮古義字作志而論語則古志字作識志據周禮志字而謂論語為古文識據儀禮餽字而謂論語餽為古文俱皆拘

元照樞王氏高書後群引證極詳

有酒食先生饌鄭氏論語饌作餽云食餘曰餽案儀禮注云古文饗皆作餽說文曰饗具食也或作饌从吳則餽為古文饌也漢書皆以饗為饌

子曰書云孝乎惟孝友于兄弟釋文作孝于云一本作孝

乎唐石經同案蔡邕石經亦作于故包咸注云孝于惟

孝美大孝之辭後世儒者據晉世所出君陳篇改孝于

為乎以惟孝屬下句以合之若非漢石經及包氏注亦

安从而是正邪華嶠後漢書劉平江革傳序云此殆所謂孝乎惟孝友于兄弟施于有政是亦為政也則知晉以前無以孝乎為絕句者但于誤為乎其來已久

季氏旅於泰山班固述贊曰大夫臚岱侯伯僭時鄭氏曰

九經古義卷十六

一

臚岱季氏旅於大山是也小顏曰旅陳也臚亦陳也臚

旅聲相近其義一耳禹貢曰蔡蒙旅平傳云祭山曰旅

韋昭音盧盧籀文臚士冠禮注曰古文旅作臚周禮司儀旅

讀為旅於泰山之旅後鄭云旅讀為鴻臚之臚臚陳之也周書諡法曰惟三月既生魄周公旦太師望相嗣主發既賦憲受臚于

枝之野臚即旅也

郁郁乎文哉汗簡云古論語郁作馘漢石經仍作郁

哀公問社於宰我鄭本社作主云田主謂社案三王世家

載春秋大傳曰天子之國有泰社將封者各取其物色

裏以白茅封以為社此之謂主土主土者立社而奉之

也公羊傳云虞主用桑練主用栗用栗者藏主也何休

云夏后氏以松殷人以柏周人以栗松猶容也想見其

臧在東何是云古論語不傳則當三國時古論已亡宋人妄得見之元照樞說又有穢字小徐以為論語之部

容貌而事之主人正之意也稍猶迫也親而不遠主地正之意也栗者猶戰栗謹敬貌主天正之意也疏云夏后氏以下出論語而鄭氏注云謂社主正以古文論語哀公問社於宰我故也今文論語無社字是以何氏以爲庶主耳

管仲之器小哉管子中匡篇施伯謂魯侯曰管仲者天下之賢人也大器也蓋當時有以管仲爲大器者故夫子辨之

里仁爲美擇不處仁王伯厚曰張衡思玄賦引論語云里仁爲美宅不處仁里宅皆居也蓋古文云然今以宅爲擇而謂里爲所居乃鄭氏訓解而何晏從之當以古文

九經古義卷十六 二

爲正棟案釋名曰宅擇也擇吉處而營之是宅有擇義或古文佻宅訓爲擇亦通孟子亦佻擇趙岐曰簡擇不處仁爲不智

無適也無莫也鄭本適作敵莫音慕無所貪慕也棟案古敵字皆作適禮記雜記曰赴於適者鄭注云適讀爲匹敵之敵史記范雎傳攻適伐國田單傳適人開戶李斯

傳羣臣百官皆畔不適徐廣皆音征敵之敵荀卿子君子篇云天子四海之內無客禮告無適也注讀爲敵白通云君所以不爲臣隱何以爲君之子臣無適無莫義之與比賞一善而衆臣勸罰一惡而衆臣懼若爲卑隱爲不可始也

瑚璉也棟案二字从玉旁俗所作也當爲胡連春秋傳曰

胡篋之事明堂位曰夏后氏之四連皆不从玉旁孔廣  
禮器碑又作胡輦古連輦字通易蹇之六四曰往蹇來  
連虞翻曰連輦也周禮鄉師輦輦注云故書輦作連先  
鄭云連讀爲輦巾車職云輦車組輓陸氏云輦本又作  
連音輦管子海王曰行服連輶輦漢書蓮勺縣如淳音  
輦酌則知連與輦音義皆同也莊子連字皆音輦說文  
胡連字又作輶徐鉉云

俗作  
璉

吾與女弗如也論衡引云吾與女俱不如也陳耀文曰鄭  
玄別傳玄從馬融學季子謂盧子幹曰吾與女皆不如  
也曹操祭橋玄云仲尼稱不如顏淵李賢注引論語吾  
與女俱不如也

九經古義卷十六

三

崔子鄭氏注云魯讀崔爲高今从古王充論衡曰仕宦爲  
吏亦得高官將相長吏猶吾大夫高子也安能別之蓋  
用魯論語之言微鄭氏之注幾不知充語何所指也

夫子矢之孔鄭繆播皆云矢誓也虞翻周易注云矢古誓  
字

古之賢人也古本作賢仁故鄭注云孔子以伯夷叔齊爲  
賢且仁徐彥云古之賢仁也言古之賢士且有仁行若  
作仁字如此解之若作人字不勞解也

五十以學易可以無大過矣魯論易爲亦君子夔日以學  
及時而成五十以學斯爲晚矣然秉燭之明尙可寡過  
此聖人之謙辭也或云古五字如七見王肅  
詩傳孔子晚而

戒在東曰鄭去賢且仁以經有求仁  
而得仁之文非經作賢仁也愚說非

好易故有是語史記亦云

三人行必有我師焉唐石經及釋文皆云我三人行必得

我師焉何晏注云言我三人行本無賢愚依注當有我

字江熙注穀梁亦云我三人行必有我師顧炎武金石

文字記載唐石經云三人行三上多一我字必有我師

焉有誤為得蓋習于俗而忽不攷耳釋文云我三人行

本亦作必有

陳司敗鄭氏以司敗為人名齊大夫棟案古陳田字通故

以為齊大夫

指巫馬期而進之仲尼弟子列傳云巫馬施字子旗呂氏

春秋亦云巫馬旗今論語作期孔安國注云弟子名施

九經古義卷十六

案說文云施旗貌齊樂施字子旗知施者旗也古人名

字相配故白虎通云聞名即知其字聞字即知其名古

旌旗字無作期者當从史記作旗

誄曰孔注云誄禱篇名案說文引作譟云纍功德以求福

从言纍省聲鄭氏小宗伯注云譟曰禱爾于上下神祇

則知古文論語本作譟

君子篤於親汗簡云古論語篤作竺尙書微子之命云曰

篤不忘釋文云篤本又作竺說文曰竺厚也

如有周公之才之美使驕且吝周書寤敬篇周公曰不驕

不悛時乃無敵陸氏論語釋文云吝本亦作愆此周公生平之學所以

裕制作之原也夫子因反其語以誡後世之為人臣者

錢守汀先生曰唐石經尚書論語左傳皆無臣字條後人苟添不足抵賦在東曰陶晉曰自戴嵩釋等五人云古舜五臣見論語又載固曰至之舟十人云古周十亂見論語亦證也

賦在東曰古論作活魯論作曹曰虎通商書引論語作賈与石經同可見漢世通行魯論也

予有亂臣十人案釋文及唐石經無臣字陸氏云本或作亂臣十人非後世因晉時所出大誓以益之邪劉原父遂闢馬鄭之說以邑姜易文母真臆說也原父又云或云古文無臣字如此則不成文尤謬王伯厚已辨之古亂

字皆作治哉  
致云爾土官

子畏於匡注包咸曰陽虎嘗暴於匡夫子弟子顏勉時又與虎俱行後勉為夫子御至於匡匡人相與共識勉又夫子容貌與虎相似故匡人以兵圍之孔子世家云孔子過匡顏刻為僕大雅雲漢云后稷不克箋云克當為刻刻識也然則克與刻同釋文云諸書或作顏亥家語云顏刻字子驕孔子適衛子驕為僕仲尼弟子列傳無

九經古義卷十六

五

刻名云顏高字子驕疑高即勉也春秋傳有顏高或以為即子驕案顏黃門家訓云春秋之世顏高顏鳴顏羽之徒皆一闕者爾則高非子驕明矣

冕衣裳者冕鄭本作弁云魯讀弁為纓今从古鄉黨篇亦然大戴禮孔子曰古者纓而前旒所以蔽明也說文曰冕或作纓从糸李善曰纓古冕字今論語作冕蓋从魯論又說文弁作覯覯與冕字相似包咸以冕為冠或覯字之誤衛靈篇包咸注云冕禮冠明此非冕求善賈而沽諸蔡邕石經沽作賈唐石經及釋文仍作沽玉篇又引作及說文曰秦以市買多得為及

與衣狐貉者立陸德明云貉依字當作貉汗簡云古論語貉作狗鄉黨篇同高誘淮南注云狗音涸

臧在東曰漢書杜鄴傳昔曾子問從今之我孔子曰是何言與吾聞子嘗字體不尚從觀所行無非理者故無可間也是四書已有此義

元盟某何是具解所用陳季之說此朱子所本

臧在東曰論衡是會論饋字何以与古文同

不使勝食氣說文曰既小食也从皀兒聲論語曰不使勝食既棟案氣本古餼字詳見左傳補注餼又與既通禮記中庸云既廩稱事鄭注云既讀為餼是既與氣同古既

字作既或省文作元見史記及說文

人不聞於其父母昆弟之言後漢書范升奏記王邑曰升聞子呂人不聞於其父母為孝臣呂下不非其君上為忠注論語云云閒非也言子騫之孝化其父母兄弟言人無非之者忠臣事君有過即諫在下無有非君者是忠臣也家君曰論語依此說為允若如朱注未足為孝也

仍舊貫釋文云魯讀仍為仁今从古揚雄將作大匠箴曰  
九經古義卷十六 六

或作長府而閔子不仁用魯論也

季子然問仲由冉求可謂大臣與釋文臣作思云古文臣

字本今作臣唐石經作臣棟案唐天后以丙峯㊟又作

匪○肅思肅肅乖走又作壘壘髻楡肅閉代天地日月

星君臣載初年正照證聖授戴國等字以論語思字攷

之亦非盡出臆造丙本篆書舉字見管子戰國策鶡冠

子等書戰國策宋使者曰思會錢本請受邊城徐攻而留

其日續玉篇云匪古文國字義雲章以

詠而歸歸鄭本作饋云饋酒食也魯讀饋為歸今从古王

充曰詠而饋詠歌饋祭也何晏从魯論作歸故不載孔

注史記仲尼弟子傳云咏而歸徐廣曰一作饋大史公采古文論語故作饋



居之無倦釋文云倦亦作卷棟案卷當作券說文曰券勞也漢涼州刺史魏君碑云施舍不券鄭氏攷工注云券今倦字也

一朝之忿忘其身以及其親荀子不苟篇曰鬪者忘其身者也忘其親者也行其少頃之怒而喪終身之軀然且爲之是忘其身也室家立殘親戚不免乎刑戮然且爲之是忘其親也楊倞曰蓋當時禁鬪殺人之法戮及親戚尸子曰非人君之用兵也以爲民傷鬪則以親戚殉一言而不改之也

人之言曰予無樂乎爲君惟其言而莫予違也韓非子外儲說曰晉平公與羣臣飲飲酣乃喟然歎曰莫樂爲人

九經古義卷十六

七

惟其言而莫之違

鄙哉硜硜乎案說文硜古文磬故何晏注云此硜硜者謂此磬聲也史記載樂記云石磬硜硜卽磬字今禮記作磬

工欲善其事必先利其器漢書梅福云孔子曰工欲善其事必先厲其器古文論語厲作利案春秋文七年傳云訓牽利兵是利與厲同

好行小慧鄭氏云小慧謂小小之才知魯讀慧爲惠今從古案篆文婁與慧同漢書昌邑王清在不惠義作慧

且在邦域之中矣漢書王莽傳云封域之中依孔注邦當作封古字邦封同或云封當作邦漢諱邦改爲封非也

或在東自亦非我魯之封域也  
百里郭史爲附庸在其域中也又曰  
郭史爲附庸在此七百里封域之中

則刑焉作疏時經文本作封不知何時從釋文改爲邦也而誤鄭于文於邦內鄭本作封內見釋文

臧在東曰公羊按疏云使辟謂巧爲譬喻下文有一論語音便辟爲使僻非鄭氏意則譬喻之說乃鄭注也朱解載馬融云使僻巧避人之所忌宋谷壙則馬謂辟爲避故皇疏本注中作避惠以爲馬鄭同讀爲辟言非也

臧在東曰此見李氏周易集解

尙書序邦諸侯邦康叔義皆作封漢有上邦下邦縣字如封字下文邦內鄭本作封內明此邦域亦當作封域也

論語釋文云邦或作封

友便辟馬鄭皆讀辟爲譬謂巧爲譬諭以求容媚徐彥曰今世間有一論語音便辟爲便僻者非鄭氏之意通人所不取矣

生而知之者上也楊方五經鉤沉曰生而知之者上也問曰孰生而知之乎荅曰聖人二儀既判縣象列暉八風有序四氣鎔御覽日月而達陰陽之數消搖八節俯仰玄黃彌綸天地之體窮竟有生之機瞻天爲師用醒已心故曰生知不亦審乎

初學記

九經古義卷十六

八

夫子莞爾而笑釋文莞作菟云本今作莞周易夬之九五曰菟陸夫夫虞翻注云菟悅也讀如夫子菟爾而笑之菟是漢以來皆作菟唐石經仍作莞非也

誤菟亦訓笑故何晏云菟爾小笑貌

廣雅曰菟笑也疑菟字之

吾其爲東周乎何晏注云興周道於東方故曰東周此與

公羊黜周王魯之說合

鑽燧改火注馬融曰周書月令有更火之文邢昺曰其辭

今亾隋牛弘云蔡邕王肅云周公作周書有月令第五十三卽此也

與今本同今作汲冢書非也

又云周書月令論明堂之

制殿垣方在內水周如外水內徑三百步尙書正義引月令云三日曰朏唐大衍歷議曰七十二候原于周公

元熙案漢石經重子字誰子者何人也  
論語亦無流字

時訓月令雖頗有增益然先後之次則同然則月令篇  
歷隋唐猶在也

惡居下流而訕上者蔡邕石經無流字當因子張篇惡居  
下流涉彼而誤鹽鐵論大夫曰文學居下而訕上漢書  
朱雲傳云小臣居下訕上是漢以前皆無流字

惡果敢而窒者鄭氏曰魯論窒作室今從古案韓勅脩孔  
廟後碑亦以室爲室漢書功臣表有清簡侯室中同史  
記作室中徐廣曰室一作室知室與窒通

年四十而見惡焉蔡邕石經四十字作卅古鐘鼎文四十  
字皆从卅今石經猶然鄭注古文孝經云卅疆而仕行  
步不逮縣車致仕

九經古義卷十六 九

何德之衰唐石經云何德之衰也案蔡邕石經云鳳兮鳳  
兮何而德之衰也往者不可諫也來者猶可追也下二  
也字唐石經無莊子云孔子適楚楚狂接輿遊其門曰鳳兮鳳兮何如德之衰也如與而古字

夫執輿者爲誰蔡邕石經云執車者爲誰子路云云案車  
輿古通用毛詩出車云我出我車荀子引作輿下章云  
出車彭彭史記引作出輿孟子曰十月輿梁成本亦作

車梁

植其杖而芸蔡邕石經云置其杖而耘案商頌那詩置我  
鞞鼓箋云置讀曰植正義云金滕云植璧秉圭鄭注云  
植古置字然則古者置植字同說文曰植或作榱从置

臧在東曰凡古文與字今文多作  
車

元熙案漢石經重子字誰子者何人也

臧在東曰古文與字今文多作  
古又置皆作植毛詩古文植又作  
置篆中七而非改也 鄭注尚書  
是古文與置字作植論語古文作  
植今文作置蔡氏曰經今文也 元熙案非  
天物篇草木之別植者科之植本亦作

君子不施其親釋文施作弛云舊音絕蔡邕石經仍作施  
左傳曰乃施邢侯正義云晉語施邢侯氏孔晁云廢其  
族也則國語讀爲弛訓之爲廢家語說此事亦爲弛王  
肅曰弛空爲施施行也服虔云施罪于邢侯施猶効也  
棟案効者謂罪法之要辭不効其親者所以隱其罪親  
親之義也古施弛字通  
見周禮注

叔夜棟案周有叔液鼎卽八士之叔夜也古文液或省作  
夜尙書大傳曰思之不容是謂不睿時則有脂夜之妖

鄭康成注云夜讀爲液是古液字作夜今五行志脂  
夜字皆作液

子游曰蔡邕石經游作旂說文云从旂旗之游讀若偃古  
人名从字子游游旂旗之流也从从汙聲游與旂通大

九經古義卷十六 十

宰九貢八曰旂貢注云旂讀如囿游之游漢武班碑亦  
以旂爲游

子夏之門人小子當洒埽陸德明云洒正作灑埽本今作  
埽棟案陸說非也說文曰洒古文以爲灑埽字周禮黜

僕掌埽除糞洒先鄭以爲洒當爲灑後鄭據古文論語  
定爲洒經傳中如毛詩弗洒弗埽洒埽穹窒於粢洒埽

洒埽庭內晉語供備洒埽之臣皆古文也周伯琦六書  
正譌以灑埽

字俗用  
洒失之

君子之道焉可誣也漢書薛宣傳云君子之道焉可無也

蘇林曰無同也兼也晉灼曰無音誣師古曰論語載子  
夏之言謂行業不同所守各異唯聖人爲能體備之家

明  
載在東白傳本云音五公種優優了  
趙魏而不宜勝辭故或以爲顯或以  
功譽君子之道焉可無也連引方

臧在東曰論語志字多作識其識  
為古文志為今文之與周禮互異  
故賢者識其大有漢石經作志后  
經用今文故尚書用歐陽亦夏  
侯詩用魯春秋用公羊論語用  
魯論皆今文學也漢世行今文不  
行古文以石經證之可見志為  
古文識非也

君曰蘇解得之

賢者識其大者蔡邕石經識作志述而云多見而識之白  
虎通引作志鄭玄注周禮保章氏云志古文識春秋僖  
廿四年傳云以志吾過又昭四年傳云且曰志之十三  
年傳云歲聘以志業皆古文識論語左傳皆出孔壁中  
故多古文賈公彥曰古之文字少志意之志與記識之  
志同後代自有記識之字不復以志為識何晏晉人改  
志為識而古文遂不可攷後人因循莫能是正可慨也  
周有大賚善人是富戰國策云制海內子元元非兵不可  
高誘曰元元善也姚察漢書訓纂曰古者謂人云善人  
因善為元故云黎元其言元元者非一人也棟案大誓  
云大賚于四海而萬姓悅服則善人為黎元審矣何晏  
以為有亂十人失之

九經古義卷十六

士

惠棟曰夫子言述而不作信哉鄉黨一書半是禮經堯曰

數章

孔壁論語子張已下別為一篇

全書訓典論君臣雖人言不廢言

恆德則南國有人於善人為邦則曰誠哉是言於隱居  
行義則曰吾聞其語素絢唐棣逸詩可頌百官冢宰逸

典可稽出門如見大賓使民如承大祭此胥臣多聞之

所述也視其所以觀其所由察其所安此文王官人之

所記也

文王官人本載周書大戴采之以為記

克已復禮為仁左氏以為

古志己所不欲勿施於人管子以為古語

見小問篇參分天

下而有其二周志之遺文也

今逸周書即周志也托程典篇陳力就列

不能者止周任之遺言也推此言之聖人豈空作邪但  
經傳散佚不能一一舉之耳

論語古義

九經古義卷第十六終

長寧趙希潢覆校

武進臧在東校本于八年并曾騰錄過所騰之本固乃坊間翻刻者此是李

南淵原刻錢唐何夢華所貽因以楷書復騰之嘉慶十二年丙寅仲冬

日黃睿悔斧元照書



九經古義卷十六

十二

尚讀是書偶見愚管之見輒著諸簡端以備參攷度置不省者已五六十年矣

今騰錄成君箋評既畢乃以己所牋者以朱筆錄之上方慨舊學

之日荒歎新知之不進日月逾邁安居未能撫卷感愴如何可言聖後日

修能氏書



南淵元稹本已不可多得此本又有評注彌可珍惜五十年來

家難游臻家中所有書或被竊賣或借失近來檢點架上

書率多殘闕無從購補輒為悵鞅如此書者猶尚在匣中

不為它人所有奉矣庚午仲夏十七日雨窗梅菴居士識於石室

山房